

WANTOK

NIUSPEPA BILONG YUMI OL PAPUA NIUGINI STRET! 32 YIA NAU

Namba 1,495

Wik i stat long Fonde Mas 6, 2003

K1.00

Insait long WANTOK	Inguba bai glasim ol komanda - pes 2	Ol pis monita bai lusim Bogenvil - pes 3	Ol ripot long Palamen - pes 4	Amerika laik woa long Irak pes 13-14	MAILOLO TAIM ripot pes 15-22	Winim prais wantaim Coca Cola resis pes 27
---------------------------	--	--	---	--	--	--

Peter Yama i win long kot

Somare skruim taim long Madang setelmen

HILDA WAYNE i raitim

PRAIM Minista Sir Michael Somare i givim toktok long Gavana bilong Madang James Yali long stapim wok bilong rausim ol setelmen long Madang taun.

Sir Michael i tokim Mista Yali olsem em i mas stapim ol dispela wok bikos planti ol toktok i wok long kamap we i egesim tru dispela samting na em i laikim olsem dispela wok i noken go het inap ol i kisim tingting bilong olgeta lida pastaim.

"Mi tokim em (Mista Yali) long go na holim wanpela kibung na stopim dispela pasin bilong givim oda bikos em i bikpela samting we ol bisnis i gat bikpela wari.

Ol komyniti i stap ol i no bilong Madang tasol. Ol bilong olgeta hap," Sir Michael i tok.

Em i tokim palamen olsem long Tunde em i wok long traim ringim Mista Yali long toktok wantaim em long ol hevi we i wok long kamap long Madang tasol Mista Yali i bin go long Bogenvil long sampela famili wok bilong em yet.

I go long pes 2

...4-pela memba i stap yet

YAKAM KELO i raitim



• Mista Yama.

Komisin i laik givim ol dispela ripot i go long Pablik Prosekyuta long sanapim Mista Yama long kot bilong ol lida ol i kolim Lidasip Traibunel. Tasol Mista Yama i salensim dispela sas bilong Ombudsman Komisin.

Nesanel Kot Jas, Jastis Kubulan Los i harim dispela kot long Tunde dispela wik na mekim disisen i go long sait bilong Mista Yama.

I go long pes 2



Haiwe birua... Ol turangu lain long Watut i save kisim taim stret long Bulolo haiwe long han bilong ol raskol. Ol raskol i sutim ol pasindia bilong Watut long PMV long las wiken long Bulolo haiwe. Moa stori long pes 5.

MEMBA bilong Usino Bundi Peter Yama i winim kot bilong em bihain long Lidasip Traibunel i rausim em i go stap ausait long wok bilong em olsem memba bilong palamen long las wik Tunde.

Mista Yama i fri long go bek long palamen na mekim wok bilong em olsem memba bilong ol pipel bilong Usino Bundi.

Dispela kot i kamap bihainim sampela sas long 1996 taim Mista Yama i bin Minista bilong Woks.

Mista Yama i bin kisim Ombudsman Komisin i go long kot long rausim ol sas we Ombudsman Komisin i laik putim antap long em. Ombudsman

UMU
EXPECT GREAT THINGS

Kerosin Jenareta Pawa bilong Kubota

Niugini Limited

Pawa bilong Kubota

WORK FORCE

3KVA \$595.00 + VAT

<p>PORT MORESBY BRANCH Morea Tobo Road P.O. Box 5243 Boroko NCD Ph: 325 5766 Fax: 325 0805</p>	<p>LAE BRANCH Seagull Road, Voco Point P.O. Box 1729 Lae, M.P. Ph: 472 2444 Fax: 472 3342</p>	<p>LIHIR BRANCH C/Lakaka FMB Lihir Island New Ireland Province Ph: 986 4194</p>	<p>VANIMO BRANCH P.O. Box Vanimo Sandaun Province Ph/Fax: 857 1437</p>	<p>KOKOPO BRANCH Cnr Tokua Gelagela Rd. Kokopo Ph: 982 9799 Fax: 982 8979</p>
--	---	---	--	---

Plisripot

MADANG: Ol plis long Madang i sambai tasol long karimaut oda bilong gavman long wok bilong rausim ol setelmen long ol graun long Madang taun.

Madang plis i tokim ol manmeri olsem i mas gat wanbel tingting i kamap namel long ol pipel na plis.

Madang plis i tok ol i sambai long karimaut wok bilong ol long strongim wok bilong lo na oda insait long Madang taun na Madang provins olgeta.

Madang plis i wet tasol long wanem taim ol bai kisim eviksen notis i kam long Kot Haus em nau ol bai go het long karimaut dispela kot oda. Dispela wok bilong rausim ol setelmen long Madang em ol plisman i bin go het long mekim pinis long bipo taim kot i bin givim oda long ol i mekim dispela.

LAE: Sampela pasindia bilong Watut long Morobe provins i bin ron long pmv ka i kam long Bulolo eria na i laik go long Lae taim ol i bungim hevi long haive.

Plis ripot i tok ol sampela raskol lain namba olsem 8-pela i bin sanap wantaim ol sotgan na ol birua samting long dispela taim. Taim pmv i ron i kam ol i sut long sotgan na kilim wanpela yangpela boi na arapela pasindia i kisim bagarap long bodi bilong ol.

Plis long Bulolo i bin traim long painimaut ol lain ya tasol ol i ronawe na hait yet. Ol dispela lain Watut i kisim bagarap na istap nau long Augau haus sik long Lae. Wanpela yangpela boi i dai long dispela birua.

POPONDETA: Plis long Oro provins i bin holim na sasim tupela man long kisim ol spak brus o mariwana.

Popondeta plis i tok ol i sasim tupela man wanpela bilong Galp provins na narapela bilong Oro provins yet. Plis i holim tupela taim tupela i wok long raun salim ol dispela spak bruk long taun long las wik. Dispela man bilong Oro provins tu i gat wanpela sotgan wantaim em tu na plis i kisim. Plis i bin kisim toksave long ol lain i save gut tru long dispela olsem na ol plisman i no bin popaia taim ol i kamap na holim tupela man ya.

Tupela man ya i stap nau long plis sel long wetim kot bilong tupela. Long nau yet plis i holim olsem 42 lain long sas bilong salim ol spak brus.

Inguba bai glasim ol plis komanda

PLIS Komisina Sam Inguba i laikim ol plisman i mas kamapim gutpela senis long wok bilong painim na sekim gut ol as bilong trabel, wok bilong kotim man na wok bilong komyuniti polis.

Olsem na bai plis fos i kamapim sampela senis long wok na posisen bilong ol plisman long painim aut ol plisman husat i ken

karim wok bilong menesmen long traim mekim ol dispela tingting i mas karim kaikai, Mista Inguba i tok.

Mista Inguba i tok bai i gat 6-pela mun wok painimaut na glasim long lukim wok bilong ol Komanda long wanwan provins na divisen long lukim ol i wok olsem wanem tude.

Dispela em ol senis we Plis Dipatmen i laik

kamapim long mekim wok bilong plis fos i strongim tingting bilong nesenel gavman long stretim kantri na kirapim gut ol wok bilong bisnis o ikonomi na strongim sanap bilong kantri.

Mista Inguba i tok kantri i no inap ron gut na kamap strong inap hevi bilong lo na oda i go daun. Olsem na olgeta plisman na plis-meri i mas wok strong

long lukim dispela senis i kamap long gutpela bilong kantri.

Plis Komisina i kamapim 7-pela bikpela plen bilong plis fos long karimaut insait long 2002 i go long 2007. Ol dispela plen em:

- Sekyuriti long ol bikpela projek eria long kantri,
- Kamapim gutpela sekyuriti na sefti long olgeta haive long

kantri, Kamapim gutpela wok plis insait long ol taun,

- Stretim gut sindaun bilong ol plismanmeri,
- Pait egensim ol bikpela stil pasin,
- Wok bung wantaim arapela kantri long stapim ol birua pasin bilong terorisa
- Plis fos i wokabout wantaim ol turis manmeri.

Ol opisa kisim skul

GRACE NINDA
i raitim

MOA long 12-pela opisa bilong gavman i makim ol wanwan distrik insait long Wes Sepik provins bin kamap long wanpela wok-sop long sait bilong wok wantaim mani. Ol wok olsem fainens, akaunting, plening, baseting na ripoting we i bin kamap long Vanimo na kisim olsem tupela wik.

Gavman bilong Ostrelia aninit long sapot progrem bilong em AusAID bin givim mani long kamapim dispela wok-sop na ol lain bilong Fainens Dipatmen bin go pas long givim skul long ol dispela opisa.

As tingting bilong kamapim dispela em long givim skul long ol opisa insait long ol Lokel Levul Gavman (LLG) long sait bilong wokim plen, baset na givim gut ripot long ol wanwan projek we i kamap insait long ol distrik bilong ol.

Ekting Deputi Edministreta Developmen na Edministresen bilong Sandaun, Sinur Atang,

tok olsem edministresen bilong em i laik olsem bai ol opisa i kisim gut skul bai mekim ol i ronim gut ol LLG bilong ol. Mista Atang bin tok olsem planti ya i go pinis planti ol mani wok long go aut long ol distrik tasol ripot we wok long kam bek long rot we ol yusim ol dispela mani i no bin gutpela tumas.

"Planti yupela husat i kamap long dispela wok-sop i kisim trening pinis tasol mipela laikim bai yupela i save long wanem kain ol rot yupela mas bihainim long mekim wok bilong yupela. Stat long taim yupela i kamapim wanpela plen, igo long sait bilong wokim mani plen, i go long taim yupela i yusim mani i go moa long taim yupela salim ol ripot i kam bek long ol wanwan projek insait long ol distrik bilong yupela," Em i tok.

Provinsel Tresera bilong Sandaun, Robert Rere, tok bikpela hevi long Sandaun em long sait blong ol wok i ron gut na rekot i stap klia na stret, o pasin bilong mekim kamap klia hama mani yu yusim na long wanem as.

"Mipela laik lukim ol rekot long hama mani yu yusim na long wanem as," em tok.

Somare skruim taim long Madang setelmen

i kam long pes 1

Sir Michael i bin putim toksave long ol opisa bilong Mista Yali long em i mas ringim em sapos em i go kamap long Madang na long Tunde apinun tasol Mista Yali i ringim Sir Michael.

"Em (Mista Yali) i givim mi toktok long telepon na em i givim tok klia olsem tude (aste) long moning long 10 kilok bai em i bung wantaim ol lain na toktok wantaim ol. Em (Yali) i bin bung wantaim ol Semba ov Komes na em i tok yes i gat hevi i stap," Sir Michael i tok.

Em i tok Gavana Yali i tokim em yet olsem planti samting we i kamap long ol nius ripot em ol i no tok stret long ol dispela wok we i wok

long kamap nau long Madang taun. Sir Michael i tok Mista Yali i go pas long ol samting we i wok long kamap nau na i nogat wanpela samting bai go het inap ol i bungim ol lida.

Mista Yali i tok em bai stapim dispela wok pastaim na bungim gut ol komyuniti, stretim tingting wantaim ol setelmen lain, ol lida bilong ol setelmen na wantaim Semba ov Komes na ol lida bilong Madang pastaim long moa wok i ken go het. Sir Michael i bin mekim ol dispela toktok bihain long memba bilong Bogia John Hickey i bin askim Sir Michael long wanem ol plen i stap long stapim ol hevi we i wok long kamap bihain long

wok bilong rausim ol setelmen i wok long kamap long Madang taun.

Mista Hickey i tokaut long dispela hevi long palamen na em i tok dispela wok bai bagarap laip na sindaun bilong mak long 10,000 pipel na dispela wok inap long pasim Madang taun olgeta.

Em i tokim Sir Michael sapos ol i ken kamap wantaim sampela gutpela plen pastaim long ol i ken go het wantaim ol dispela wok.

Mista Hickey i tok planti hevi i wok long kamap nau namel long ol setelmen lain na provinsal gavman na dispela ol hevi i mas pinis na stop olgeta na ol hevi bilong ol setelmen tu em gavman i mas harim pastaim.

Yama i win long kot

i kam long pes 1

Nesenel Kot i rausim dispela sas bilong Ombudsman Komisn long Mista Yama we i lukim Mista Yama i kam aut wantaim bel amamas.

Mista Yama i tokaut olsem em bai glasim gut na kamapim kot yet long kotim husat man o lain tru i stap insait long dispela pasin long kotim em long bagarapim wok bilong em olsem lida na memba bilong ol pipel bilong Usino Bundi.

Mista Yama i tok ol dispela pasin i bin mekim em i lusim bikpela strong bilong em long mani na bisnis na bikpela taim bilong em long mekim wok.

Pablik Prosekyuta Chronox Manek i tokim Wantok olsem opis bilong em i no bin stap insait bikos opis bilong em i no wanpela pati long dispela kot.

Mista Manek i tok Mista Yama i no salensim disisen bilong Lidasp Traibunel we opis bilong em bai sanap. Dispela em Mista Yama i salensim strat Ombudsman Komisn long givim fail i go long opis bilong Pablik Prosekyuta.

Em i tok sapos Ombudsman Komisn i salensim gen dispela Nesenel Kot disisen, bai opis bilong em i no kamap long dispela kot dispela apil bai sut tasol long disisen bilong Nesenel Kot long dispela kot salens Mista Yama na Ombudsman Komisn i stap pinis long en.

Nau Mista Yama i fri long go bek long palamen long sevim ol pipel bilong Usino Bundi taim 4-pela arapela memba i stap ausait yet long wetim kot bilong ol.

Ol dispela memba em memba bilong Nuku Andrew Kumbakor, memba bilong Yangoru Sausia Bernard Hageria, memba bilong Tewae Siassi Mao Zeming na memba bilong Mendi Michael Nali.

WANTOK

All departments, Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Ltd.

Printed and published by Jeremy Burgess, at Allotment 2, Section 209, Spring Garden Road, Hohola, for Word Publishing Co. Ltd.

General Manager
Jeremy Burgess.

Editor of Wantok:
Yakam Kelo.

Papers distributed by air throughout PNG. Available by air mail subscription within Papua New Guinea and overseas
Email address: word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.



Ol pis monita bai lusim Bogenvil

VERONICA HATUTASI i raitim

I GAT bilip olsem wok long rausim ol gan long Bogenvil bai go gut na pinis bipo long ol pis monita i lusim ailan.

Bosman bilong Pis Monitoring Grup (PMG) long Bogenvil Brigidia Doug Tyers i bin tokaut long dispela samting las wik taim em i bungim ol niusman bihain long em i kam bek long Nu Silan na Fiji.

Brigidia Tyers i bin go long tupela kantri long toktok wantaim ol gavman long kisim tingting bilong ol long wanem Australia i bin tokaut long tupela wik i go pinis olsem ol lain bilong em i wok nau olsem ol pis monitas wantaim PMG bai pinis olgeta long dispela pis operesen na lusim ailan long Jun 30 long dispela yia.

Brigidia Tyers i tok gavman bilong Nu Silan i tok tu olsem lain bilong ol tu bai pinis long wankain taim Australia i go. Gavman bilong Fiji tu i tok sapos ol bikpela lain olsem Australia na Nu Silan i pinis long dispela operesen, ol tu bai pinis.

Em i tok em bai bung wantaim wanpela bikman bilong Vanuatu husat bai go long Bogenvil bilong tok kila long disisen long gavman bilong Vanuatu.

Long nau i gat 85 pis monitas i stap wok yet long Bogenvil. Bikpela mak bilong ol i bilong Australia, 15-pela bilong Nu Silan, faipela bilong Fiji na siksela i bilong Vanuatu. Tasol taim ol PMG i bin go nupela long Bogenvil long 1997, i bin gat moeta long 300 husat i bin beis long olgeta hap long ailan olsem not, sentrel, notwes, sautwes na saut Bogenvil. Nau ol i beis long tupela hap tasol. Em long Buka na Loloho. Na ol i karimaut ol wok bilong ol long dispela tupela hap.

Ol PMG i bin go long Bogenvil long taim i no gutpela na ol eks paitman i bin stap yet olsem birua na i no save toktok long wanpela narapela. Tasol taim ol PMG i go long ailan na helpim long karimaut ol pis aweanes, ol bin kamapim na strongim bel isi na pren pasin. Taim wok bilong painim gutpela sindaun i wok long kamap orait, isi isi ol PMG memba i wok long go na daunim namba bilong ol inap nau 85 memba tasol i stap.

Brigidia Tyers i tok dispela Bogenvil operesen em i wanpela gutpela tru long ol pis operesen long wol we ol intenesenel pis kipa i bin stap long en.

"Wanpela bikpela samting we ol pis


monita i bin lainim long stap bilong ol long Bogenvil em long wok klostu na save gut long ol pipel na komyuniti. Tru em bin hat pastaim tasol taim ol i wok wantaim ol pipel insait long ol ples, dispela pasin bilong pren na wok bung gut wantaim na tu luksave long wanpela arapela i bin kamap strong na nais. Ol PMG memba long Bogenvil i nogat gan na dispela Bogenvil operesen em i kamap gut stret long ol wankain pis operesen long wol. Nau bikpela wok bilong mipela em long helpim wantaim wok long bungim ol gan na putim ol kontena. Mipela i wok klostu tru long dispela wantaim Yunaitet Nesens Obseva Misin (UNOMB) na ol lida na sief long Bogenvil," Brigidia Tyers i bin tok.

Em bin tok i kam inap nau, bikpela mak inap long 87 pesen i bin pinisim Stej 1 na i stap long Stej 2. Dispela em long bungim ol gan na putim ol long kontena long wanpela namel hap. Bui na Bana i klostu pinisim Stej 2 taim Buka, Selu/Suir, Wakunai na Siwai i pinisim pinis Stej 2. Siwai i kalap pinis long Stej 3 bihain long ol eks resistens lain i bin bagarapim ol gan long mun Epril las yia long Konga.

Em i tok em i amamas long A kampani i wok long strongim wok aweanes long lusim ol gan insait long "No Gazon" eria wantaim helpim bilong ol PMG long sait bilong trenspot.

"Maski sampela hevi i stap, ol bai stretim ol na mi bilip strong olsem Bogenvil bai pinisim wok long lusim ol gan bikos dispela em i ki long ol samting we ol pipel i laikim olsem long otonomi gavman. I kam inap nau, ol i putim pinis long ol kontena 1,784 gan long Stej wan na tu. Planti long ol dispela i bin stap insait long ol kontena na sampela eks paitman i bin rausim tasol ol i kisim bek planti pinis. Sampela em ol papa bilong ol gan i bin pret na autim long kontena na lukautim long haus tasol nau ol i givim ol bek. Liklik lain tasol olsem 13 pesen gan i stap aut yet na em dispela mak em ol i mas kisim bek," Brigadia Tyers i bin tok.

Brigidia Tyers i tok nau ol i wok long toktok long Stej 3 bilong wok long lusim gan progrem na long dispela level, ol bai kamap wantaim disisen long mekim wanem samting long ol gan we ol i bungim na putim insait long ol kontena long ol wan wan distrik.



• Brigidia Doug Tyers long operesen hetkota bilong ol long Loloho wantaim ol bikman i bin lukluk raun i go long Bogenvil tupela wik i go pinis. Foto: Kora Nou, PM's Midia Yunit.

De La Salle rausim tupela sumatin

... papamama mas givim gutpela stiatok

OL PAPANAMA bilong ol sumatin i skul long De La Salle Hai skul long Bomana ausait long Mosbi i kisim strongpela askim long givim gutpela stiatok i go long ol pikinini bilong ol.

Na skul bai rausim ol sumatin i kamapim pait, wokim na dringim hombru, smokim spakbrus, ritim na lukim ol buk i gat ol piksa nogut na ol arapela bikpela bikhet pasin moa olsem we i egensim ol skul ol.

Long wankain tu, askim i go long papamama olsem tru, nau taim em i hat long sait bilong mani, i moabeta long ol i tingim wok bilong ol na peim skul fi long ol pikinini bilong ol.

Prinsipel Leo Maia na ol arapela sinia tisa i bin wokim ol dispela toktok insait long wanpela bung ol bin singautim bilong ol papamama na gadien i no long taim i go pinis.

Ol bin singautim dispela miting bihainim sampela trabel i bin kamap long skul long namba wan wik bilong dispela skul yia. Na kikbek bilong en em ol i rausim tupela Gret 10 sumatin pinis long namba tu wik bilong skul tasol. Bikos long dispela hevi, skul i bin singautim dispela P&C miting.

Long namba wan wik tasol, sampela Gret 10 sumatin i bin

paitim nogut tru sampela Gret 9 sumatin, wanpela long bas na narapela long toilet.

Mista Maia i bin tok as long pait em long kros we ol i karim yet long praimer skul taim ol nupela Gret 9 sumatin i go antap long De La Salle. Narapela em long toktok long ol meri sumatin long Marianvil Sekonderi skul na ol arapela liklik samting olsem we ol i belhat long en.

Em i tok ol i bin kisim strongpela toktok long Nesanel Kapitel Distrik Edukesen atoriti na Seketeri Mista Nauna olsem ol sumatin husat i kamapim pait pasin long skul, em ol bai rausim ol stret. Na ol bai i no inap long kisim ol bek long ol arapela skul insait long NCD.

"Ol papamama, givim gutpela stiatok i go long ol pikinini bilong yupela. Strongim tok i go long ol olsem skul gut bikos dispela em futja bilong yupela. Husat sumatin we mipela i kisim olsem em i pait, bai mipela i rausim em long skul stret.

"Em bai i nogat sans long go long ol arapela NCD skul bikos nogat NCD skul bai kisim ol. Mipela i kisim edvais long dispela samting long NCD seketeri Mista Nauna.

"Plis mi askim long gutpela wok-

bung namel long ol papamama, skul na ol tisa long helpim ol pikinini bilong mipela.

"Mi kirap nogut na mi nogat toktok long dispela samting i kamap long namba wan de na wik bilong dispela skul yia bikos long bipo, dispela i no save kamap. Tasol mipela i luksave pinis long ol sumatin i stap insait long ol hevi ya na tupela i aut pinis. Mipela i lukluk yet long dispela samting na wankain samting bai kamap long ol arapela we mipela i painim olsem ol i wokim ol dispela bikhet pasin bilong paitim ol arapela sumatin," Mista Maiah i bin tok.

Em bin tokim ol sumatin long noken kisim kros we ol i gat long praimer level i go long De La Salle bikos kikbek bilong em i nogut tru.

Mista Maia i bin tok kamap long skul long taim na dispela em bipo long 8 kilok moning, putim ol stret-pela skul, pilai na haus yunifom em ol bikpela samting we bai helpim ol sumatin long skul gut.

Em bin tok husat sumatin i kam bihain long 8.30 em bai i no inap long go insait bikos skul geit bai lok.

Em bin tok tu olsem sapos ol sumatin i abrusim skul long 30-pela de na i go antap, ol hai saspending ol. Na ol bai i painim narapela arapela skul bilong go long en long narapela yia.

Forestri aweanes helpim ol Bomana plis



FAY DUEGA i raitim

OL WOKLAIN bilong Risos Developmen Divisen bilong PNG Fores Atoriti (PNGFA) i no longtaim i bin karimaut wanpela aweanes kempein long Bomana Plis Kolis ausait long Mosbi.

Brens Maketing Menesa Ishmael Libitino, Timba Pemits opisa Anna Martin na Gewa Gamoga husat i Projek opisa bilong Sauten Rijen i bin stap insait long dispela aweanes kempein.

Dispela em i namba

wan taim Nesanel Fores Sevis (NFS) grup i go long wanpela aweanes long Bomana Plis Kolis na toktok long ol lain long hap. Grup i bin go bihainim askim bilong kolis i go long Menesing Dairekta David Nelson.

Aweanes kempein i bin stat wantaim grup i givim toktok long wok bilong NFS na ol narapela han bilong PNGFA. Ol bin ansaim ol askim we ol i tromoim i go long ol. Mista Libitino i bin tokim samting olsem 30-pela lain long kolis olsem wokabout bilong ol i go long hap em long tokim ol long sampela ol gutpela samting we

NFS i save wokim.

"Midia i save laik salim ol prodak bilong ol na sampela taim, ol i no save wokim gutpela ripot. Tenkyu long askim na mipela i kam long tokim yupela long ol samting we mipela long NFS i save wokim," Mista Libitino i bin tok.

Em bin bikpela prodak we forestri sekta i save salim em long ol log o diwai. Em bin tok i gat 15-pela hap poin o ples insait long PNG we ol i save salim ol diwai i go long ovasis. Long samting olsem tu milein kubik mita ol diwai we ol i save katim insait long PNG, ol i save salim 80

pe sen i go long ovasis. Narapela 20 pe sen em ol i save yusim hia yet long kantri.

Mista Libitino i bin tok NFS i save was gut long i no bagarapim ol bus na diwai taim ol i katim ol log. Na tu long planim bek ol diwai bilong kisim ples long ol dispela we ol i katim long en.

Em bin tok long nau, fores atoriti i kamapim pinis 35 yia plen we bai strongim ol papagraun long go insait long em.

Dispela progrem i gutpela bikos em i min olsem bai i gat ol diwai i stap bihain long 35 kris-mas.

OL PALAMEN RIPT WANTAIM HILDA WAYNE

Gavman bai opim gen Maleisia na Sidni opis

GAVMAN i redi long opim gen tupela opis bilong makim maus bilong kantri ovasis na dispela tupela em long Maleisia na Sidni long Australia.

Foren Afeas ministra Sir Rabbie Namaliu i tokaut long dispela long Palamen olsem planti PNG opis long olgeta hap long wol em bipo gavman i pasim olgeta bikos kantri i lusim planti mani long lukautim ol.

Sir Rabbie i tok taim em i bin kisim opis na Somare/Marat gavman i go insait long opis nau ol i lukluk long senisim dispela na opim sampela opis we kantri bai kisim moa helpim long en. Sir Rabbie i tok gavman i mekim disisen long opim gen PNG opis long Malasia bikos dispela em i wanpela bikpela ovasis investa insait long ikenomi



•Sir Rabbie.

bilong kantri bihain long Australia.

Em i tok Maleisia em i wanpela bikpela kantri husat i save gat planti bisnis long PNG olsem na ol i mekim plen pinis long opim gen opis long dispela kantri. Dispela kantri tu i bikpela na strongpela memba bilong wanpela wol oganaisesen ol i kolim Asosiesen ov Saut Is Esian Nesens (ASEAN) we PNG em i wanpela Pasifik Ailan kantri tasol husat i stap

membra long dispela grup.

Sir Rabbie i tok dispela i soim olsem ol memba kantri bilong ASEAN i gat bikpela bilip long PNG olsem em i winim ol narapela Pasifik Ailan kantri na yumi mas strongim dispela gutpela nem yumi gat long wol.

Em i tokaut tu olsem narapela opis we bai ol i opim em Sidni opis long Australia bikos Sidni em siti we ol mani bilong Australia i save stap long en na narapela as we gavman i laikim opim opis gen em bikos Sidni em wanpela siti bilong Australia we planti turis i save go long en.

Sir Rabbie i tok dispela tupela kantri i gat planti samting we i save kamapim wokbung namel long PNG olsem na em i gutpela long opim gen dispela tupela opis.


PNG i gat rait long noken woa wantaim Irak

PRAIM Minista Sir Michael Somare i tokaut long Palamen dispela wik olsem Papua Niugini i gat rait olsem wanpela independen kantri long mekim ol disisen bilong em yet na i noken bihainim Australia.

Sir Michael i tokaut olsem dispela toktok olsem Australia i sapotim Amerika long go pait long Irak em disisen bilong Australia yet na em rait bilong ol lida bilong em long mekim dispela disisen.

Sir Michael i bekim toktok i kam long memba bilong Bulolo John Muingnepe husat i laik sutim tok long Sir Michael olsem em i gat narapela tingting olsem na em i no sapotim Australia long go helpim Amerika long pait egensim Irak na presiden bilong Irak Saddam Hussein.

Mista Muningnepe i tok tu olsem Amerika em i wanpela kantri husat i save givim planti sapot long PNG long sait bilong mani i kam long Intanesenel



• Sir Michael Somare.

Monetari Fand na Wol Benk tu na gavman i mas tingim dispela tu.

Tasol Sir Michael i tok dispela kain tingting em i no stret bikos PNG em i wanpela kantri bilong em yet na i noken bihainim laik bilong ol narapela kantri.

Sir Michael i tok wanpela as we PNG gavman i no laikim sapotim woa long Irak em bikos

PNG em i wanpela kantri we i stap klostu tru long wanpela bikpela Muslim kantri long wol em Indonesia na sapos wanpela woa i kamap long Irak bai hat tumas long PNG i stapim bikos em i negat strongpela difens fos.

Em i tok dispela disisen we gavman i mekim long noken givim sapot long Australia em laik bilong gavman yet na yumi i noken tingim yet olsem bai yumi mas bihainim wanem ol disisen ol narapela kantri i mekim.

Sir Michael i tok em yet tu i rispektim disisen bilong gavman bilong Australia na praim minista John Howard long sapotim Amerika long go pait long woa wantaim Irak na disisen bilong PNG gavman tu em Australia i mas risektim.

Em i tok yet olsem dispela disisen bilong PNG gavman i no stapim gutpela wokbung namel long tupela kantri na tupela i stap gutpela pren yet.

WANTOK

NIUSPEPA BILONG YUMI PAPIUA NIUGINI STRET

P.O Box 1982, Boroko
Telepon namba: 325 2500
Feks namba: 325 2579
email: word@global.net.pg

PE BILONG WANPELA
YIA 52 NIUSPEPA

PLES	AIR
PNG	K140.00
OSTRELIA NA NU SILAN	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00

Morobe edministresen sapotim gutpela edukesen

GAVANA bilong Morobe provins Luther Wenge i kisim gutpela luksave long Palamen dispela wik long Edukesen minista Michael Laimo husat i tok em i amamas long gutpela sapot Mista Wenge na provinsal edministresen bilong em i save givim long ol pipel bilong Morobe.

Mista Laimo i tok gavman i save givim gutpela luksave na amamas olsem Morobe provinsal gavman i save givim gutpela sapot long edukesen insait long provins.

Mista Wenge i bin mekim wanpela askim i go long Mista Laimo na em i tok provinsal

gavman bilong em i gat tingting long kamapim wanpela skul ol i laik kolim Skul ov Ekselens long Wawin Nesenel Hai Skul na em i laikim bai nesenel gavman tru long edukesen minista i ken givim tok orait long dispela samting i ken kamap.

Mista Wenge i tok sampela skuls long provins em provinsal gavman bilong em yet i bin go pas long sapotim na ol skul i save kisim gutpela helpim long provinsal gavman na em i laik tru long mekim moa wok.

Em i tok Wawin i stap olsem nesenel hai skul nau tasol dispela em i laik bai ol i ken



• Mista Wenge.

senisim na mekim kamap Skul ov Ekselens.

Mista Wenge i tok as tingting long kamapim dispela skul em long bungim ol top sumatin husat i gat gutpela mak tru insait long

provins na ol dispela studen i ken go long Skul ov Ekselens long kisim moa save.

Em i tok long dispela skul bai faiv pesen bilong ol studen husat i kisim olgeta distingsen long bikpela gred 10 tasol bai go long dispela skul.

Em i tok wantaim dispela tingting em i laikim gavman na minista i ken tokaut long wanem kain bekim em i laik givim long dispela askim.

Mista Wenge i tok dispela tingting bilong en em bipo minista Dokta John Waiko i bin givim tok orait long dispela na em i laik bai dispela gavman nau i

givim wankain sapot tasol.

Mista Laimo i tok em i wanbel long dispela tingting bilong Mista Wenge na em i tok sapos provinsal gavman i laik mekim long strongim na sapotim edukesen insait long provins bai gavman i ken sapotim yet na em i tok dispela toktok long kamapim dispela skul em i gutpela.

Em i tokim Mista Wenge long putim dispela toktok bilong em long pepa na em yet olsem minista i ken lukluk na givim helpim na sapot long wanem ol plen bilong Morobe provinsal gavman.



Haiveta askim long moa plis opisa long Galf

KEREMA i gat sikpela plis opisa tasol husat i save wok hat tru long traim kontrolim ol hevi bilong lo na oda insait long Galf provins na i gat askim long moa plis long go mekim wok long hap.

Galf gavana Chris Haiveta i tokaut long palamen olsem wanpela as we i hat long plis i mekim wok bilong ol long provins em bikos negat plis manmeri long helpim liklik namba husat i stap nau long Kerema.

Em i tok plis i stat long mekim wok painimaut long paia we i kukim Galf provinsal het opis tasol wok i kamap isi tru biko negat moa opisa long helpim long karimaut ol wok painimaut.

Mista Haiveta i askim minista husat i go pas long plis, Yawa Silupa sapos em inap long lukluk i go insait long hevi bilong Galf provins na em i askim tu long moa plis i mas go insait long helpim plis wok long provins.

Em i tok planti hevi i wok long

kamap long sait bilong lo na oda bikos namba i no inap long ol i ken mekim wok bilong ol.

Mista Haiveta i tok ol pipel bilong em i wok long karim hevi bikos lo na oda i no gutpela long provins na em i laikim Mista Silupa i tokaut long wanem kain ol plen gavman i gat long stapim dispela hevi long Galf provins.

Mista Silupa i bekim olsem ol wari na hevi bilong Mista Haiveta em i tru olgeta na i gat ol narapela provins tu i wok long bungim wankain hevi.

Em i tok bai em i lukluk i go insait long dispela hevi bilong Galf provins na traim mekim wok long putim moa plis i go insait long dispela provins bai moa wok i ken kamap long stapim hevi bilong lo na oda.

Mista Silupa i tok nau long dispela taim i gat hevi long painimaut husat tru i stap baksait long paia we i kukim bikpela opis na em i mekim wok long traim salim moa plis i go insait long helpim plis long hap.

Ol Morobe fama kisim skul long kakao

ROSALYNE ALBANIEL
i raitim

MAK olsem 11-pela fama insait long Morobe provins klostu nau bai kisim ol ekstensen opisa long sait bilong Kakao. Tasol pastaim long ol i kisim dispela mak ol i mas pasim wanpela tes we ol lain long Kopra na Kakau Ekstensen Ejensi i makim long ol mas mekim.

Dispela ol fama, 10-pela bilong Siassi na wanpela bilong Wasu, mas yusim ol save ol i kisim long wanpela woksop we bin kamap long Wawin, long Makam Veli long las wik, long ol kakau blok bilong ol long ples na traim long kamapim moa kakau pastaim.

Bihain long tripela mun ol opisa bai raun go long ol blok bilong ol

na lukim na skelim wok bilong ol na sapos ol lukim olsem ol i pas, orait ol bai givim ol dispela mak olsem ol ekstensen opisa.

Wantaim dispela mak bai ol inap long helpim ol arapela liklik fama olsem ol yet insait long ol ples blong ol na tu kamapim ol trening program blong ol yet long sait bilong groim kakau.

Dispela woksop we bin kamap long Wawin bin kisim mak olsem tupela wik long hap eria bilong ol DPI.

Long kamap long dispela woksop ol dispela 10-pela man na wanpela meri, bin baim fi mak olsem K300.

Provinsel Program Edvaisa bilong Agrikalsa na Laivstok long Morobe Giviong Bilong, long dispela taim bin tokim ol olsem ol ino westim mani blong ol long kamap

long kisim dispela trening.

Mista Bilong tok dispela save na skul we ol kisim bai helpim ol long sindaun bilong ol wantaim famili blong ol yet long bihain taim.

Em tok olsem em amamas tru long lukim olsem long nau yet long dispela taim we kantri i bungim bikpela hevi long sait blong mani i gat ol kain lain olsem ol husat i stap na laik helpim ol yet na peim fi long kisim dispela kain sevis.

Em tok olsem provinsel gavman i gat program istap we ken helpim ol fama insait long Morobe.

Em tok klia olsem provinsel gavman i givim pinis sampela mani we ol fama i ken kisim na mekim ol wok olsem trening program long helpim ol arapela fama

long ples bilong ol.

Em askim bai ol dispela lain ken luksave long dispela helpim na yusim.

Program Menesa bilong CCEA, Peter Homu, long pinis blong dispela woksop bin tokaut olsem astingting bilong dispela woksop em long skulim ol dispela fama long ol rot blong strongim wok long kamapim kakau insait long ol wanwan distrik na tu long provins.

Mista Homu tok olsem CCEA yet i nogat mani long salim ol ekstensen opisa go aut long ol ples na helpim ol liklik fama olsem na dispela em wanpela rot we ol ken trenim sampela lain husat long bihain taim inap karim aut dispela bikpela wok long ol ples.

"Nau yet CCEA wankain olsem ol arapela grup ino gat inap mani

long karimaut ekstensen wok insait long ol liklik ples. Long dispela as mipela wok long trenim ol fama olsem ol dispela lain bai ol inap long go bek long ples blong ol na skulim ol arapela," em tok.

Mista Homu bin mekim wanpela strongpela nek we em bin askim bai moa pipel insait long Morobe long traim long planim kakau.

Em tok mani i stap long dispela samting na sapos ol i kamapim dispela ken helpim ol pipel long sindaun bilong ol na long wankain taim helpim ikonomi blong PNG we nau yet i bagarap.

Long pinis blong dispela woksop ol dispela lain bin kisim ol setifiket na tu ol tuls long karim go bek long ples blong ol na strongim wok blong ol long ol wanwan blok blong ol.

Vanimo kot sasim tripela man long kalapim boda

GRACE NINDA
i raitim

TRIPLETA man bilong Wes Papua long Tunde long dispela wik bin kisim wanpela strongpela oda long ol mas baim kot long K200 insait long 24 aua o kisim kalabus mak olsem tripela mun.

Dispela em bihain long ol bin brukim lo na abrusim boda na kam insait long graun bilong PNG.

Ol dispela man em Yotam Koromat husat gat 32 krismas bilong ples Amsor long Irian Jaya, Alfeeda Yeweo husat gat 19 krismas bilong ples Waibron na Rosinna Kwiupalu husat gat 16 krismas bilong ples Hamadi.

Ripot i kam olsem ol dispela lain i wok long laik go bek long Jayapura taim ol atorit long Sandaun bin holim pas ol na sasim ol bikos ol i nogat ol pemit o pepa we i givim ol tok orait long kam insait long PNG.

Long mekim save bilong em Mejistret Jack August bin tok olsem dispela ol lain bin brukim seksen 1A aninit long lo bilong PNG long Imigresen.

Kot bin harim olsem ol dispela lain bin ron long wanpela bot long Jayapura igo olgeta long Wewak, Is Sepik provins, long wanpela bung na bin kamap long Vanimo.

Taim ol bin kamap long hap wanpela soldia bilong Indonesia bin holim pasim Mista Koromat na paitim em bihain long em bin traim long brukim boda i go bek long Jayapura bikos em no bin gat ol pepa wantaim yesa long wokabaut bilong em.

Ol ripot we plis long Vanimo i kisim i tokaut olsem long nait bilong Februari 27 ol plis long Wutung bin kisim wanpela man go long Vanimo plis stesen bihain long wanpela soldia bilong Indonesia bin mekim save long em.

Taim ol plis bin kwestenim dispela man ol bin painimaut olsem i bin gat tupela meri husat bin stap long Vanimo, husat tu i nogat ol dispela pepa wantaim yesa long wokabaut bilong ol.

Ol plis bin painim tupela long wanpela haus na karim ol go long plis stesen we ol bin sasim ol.

Mejistret long mekim save bilong em i tok dispela bai givim strongpela tok go aut long ol wantok bilong ol olsem sapos ol i laik kam long PNG ol mas bihainim lo.

Em tokim ol olsem lo i stap long olgeta i mas bihainim.

"Sapos ol lain bilong mipela long PNG i kamap long ples bilong yupela ino long stretpela lo, ol kot bilong yupela bai givim ol wankain mekimsave," em tokim ol dispela tripela lain.

Nau yet ol dispela lain i stap long kalabus long Vanimo.



• Narokobi vokesenel skul long Wewak i helpim na wokim plis stesen bilong ol plis man long stap na mekim gut wok. Foto: PETER BIMARI.

Plis i mas patrol long haiwe

WANPELA LIDA man bilong ples Watut insait long Morobe i mekim wanpela strongpela singaut go long Gavana bilong Morobe, Luther Wenge, long lukluk na stretim bikpela lo na oda hevi we i wok long kamap long Bulolo.

Dispela singaut i kamap bihain long ol man nogut bin sutim dai wanpela yanpela mangi Watut, husat gat 13 krismas na bagarapim tupela arapela man husat bin ron long wanpela PMV long las wik Fraide.

Olpele Presiden bilong Watut LLG na nau Wod 4 kaunsela, Petrus Yang, bin tokaut long dispela wik olsem dispela em i no namba wan taim dispela kain hevi i kamap long Bulolo.

Mista Yang i tok olsem i gat wok i stap long lukluk strong long salim wanpela mobail skwat i go stap antap long Bulolo long helpim ol plisman long hap long patrol long haiwe long hap bai ol pipel ken abrusim ol kain hevi olsem dispela we i bin kamap.

"Mi sori tru long dispela mangi husat i lusim laip bilong em long dispela PMV na mi laik askim Gavana, hamas moa ol liklik pipel bai lusim laip bilong ol o kisim bagarap

na bai ol traim long stretim kain ol hevi?" Em askim.

Em tok planti lain wok long wokabaut wantaim pret na dispela em i no gutpela.

Em tok moa olsem ol pipel bilong Bulolo bin mekim wanpela singaut go long Gavana long rausim ol setelmen long Bulolo tasol nogat wanpela samting i kamap na em askim wanem taim bai dispela tu i kamap.

Ol plis long Bulolo long dispela wik bin tokaut olsem dispela yanpela mangi Watut wantaim ol arapela i bin ron long wanpela PMV long Watut kam daun long Bulolo taim ol bungim dispela hevi.

Ol tok olsem mak olsem 8-pela man wantaim ol sot-gan bin ron kam ausait long bus long haiwe na bin stat sut wantaim ol gan bilong ol.

Namba wan bulet ol bin sutim taiya bilong ka tasol ol i abrus na bihain long dispela ol stat sut long ol pasindia long baksait bilong dispela PMV.

Dispela PMV bin pulap long dispela taim na dispela mangi bin sanap na ol bin sutim em long bel bilong em na em i dai.

Ol wok long traim yet long painim ol dispela lain husat bin kamapim dispela

hevi.

Long stat bilong dispela wik Wantok go long Angau Haus sik long lukim tupela bilong ol man we ol dispela man nogut bin sutim.

Wanpela bilong ol em Danny Giwinbing husat gat 39 krismas na em bilong ples Yawawini insait long Watut.

Katres i bin kisim Mista Giwinbing long han na maus bilong em.

Em stori olsem olgeta pasindia bin kirap nogut taim ol harim pairap bilong gan.

"Dispela yanpela mangi bin stap klostu long mi taim dispela hevi bin kamap, em bin dai taim katres i kisim em long bel bilong em na mi long han na maus bilong mi," em tok.

Em tok moa olsem ol bin karim bodi bilong dispela yanpela go long haus sik long Bulolo na bihain kam daun long Lae.

Narapela man husat i kisim taim em Paul Yailus, husat gat 29 krismas.

Taim Wantok i go lukim em, em bin slip long bet bilong em na ol kates i pas yet long nek na maus bilong em.

"Ol pasindia long baksait na poret bilong ka no bin kisim taim. Mipela long namel tasol," em tok.

Ol kot kuskus i kisim skul

LAE siti long las wik bin holim wanpela woksop bilong ol man husat save wokim wok long ol kot rum olsem ol lain bilong tanim tok long ol samting we i save kamap long kot rum long tok pisin go long tok ples bilong ol.

Dispela woksop bin kamap long Melanesen Hotel na sevenpela man bilong Hailans i bin kamap long dispela taim.

Gavman bilong PNG na Ostrelia bin go pas long kamapim dispela woksop na as tingting bilong em long givim skul long ol dispela wokman long mekim wok bilong ol gut.

I bin gat planti ol samting ol bin skulim ol dispela lain long em, sampela ol samting we ol bin kisim skul long em, em long sait bilong ol pasin na ol rul bilong kot, mining bilong ol sampela toktok we ol jas na mejistret save yusim taim ol harim ol kot kes, komyunikesen skills na tu fes eid.

Ol lain husat bin kamap long dispela taim em ol papa husat i wok planti krismas pinis insait long ol kot rum long ol wanwan distrik insait long Hailens.

Long pinis blong dispela kos nesenel kot jas long Lae, Jastis Nicholas Kirriwom, bin givim setifiket long ol dispela lain long tok aut olsem ol bin pinisim dispela kos gut.

Long dispela taim Jastis Kirriwom bin tokim ol olsem em i laikim bai ol mas go bek long ol wanwan kot rum blong ol na karim aut wanem samting ol bin lainim insait long dispela kos.

Long wankain taim em bin tok strong olsem ol kot rum ino haus nating na ol olsem ol wokman blong ol dispela ples i mas kamapim gutpela piksa we ol publik ken luksave na bihainim.

"Dresing bilong yupela em wanpela bikpela samting, sapos yu no bilasim yu yet gut orait publik bai mekim wankain.

"Yumi olsem ol wokman mas soim rispek na dres ap, tit mas klin na kamap long ol dispela hap long mekim wok bilong yupela," em tok.

Tim lida bilong Lgel Kepesiti Bilding Projek, ol lain husat go pas long mekim kamap dispela woksop, David Jeffrey's bin autim bikpela tok amamas bilong em.

Mista Jeffrey's tok olsem ol kos meteriel we ol bin yusim long woksop bin kamap long hat wok bilong ol PNG lain stret husat wok wantaim Nesenel Judiseri Sapot Sevises (NJSS).

Em tok dispela em wanpela bikpela samting we PNG ken luksave long em na ken amamas.

Em tok em amamas long kamap blong ol dispela sevenpela man.

Long wankain taim Mista Jeffrey's tok olsem em tu laikim bai ol dispela lain go bek long ples blong ol yusim dispela nupela save we ol kisim.

"Yupela olgeta inap long mekim ol kot rum insait long ol wanwan distrik bilong yupela i kamap gut. Salens nau em stap long han bilong yupela long go bek na mekim ol tenis i kamap," em tok.

Saut Waghi pipel laikim helpim

MEMBA bilong Anglimp Saut Waghi, Paul Wai i tokaut olsem em i laikim helpim i mas kamap long gavman long stretim ol hevi we ol pipel bilong em i wok long lukim bihain long bikpela ren i bin bagarapim olgeta samting las wik.

Mista Wai i tok las wik bikpela ren tru i bin pundaun na olgeta samting i bin bagarap tru na nogat wanpela kaikai i stap long graun we ol pipel i ken kaikai.

Em i tok bikpela hevi i kamap namel long ol pipel bikos ol gaden i bagarap nogut tru na sampela bris tu em ren i bagarapim olgeta.

Mista Wai i askim minista bilong Inta-Gavman Rilesens Sir Peter Barter sapos tru long opis bilong em inap long em i ken givim sampela gavman helpim i go long ol pipel nau long dispela taim.

Em i mekim dispela toktok bihain long em i bin kisim ripot olsem planti ol kopi plentesen na ol gaden na haus, kaikai, stoa na kopi fektori i bagarap olgeta na i hat tumas long ol pipel i kisim sampela helpim nau long dispela taim.

Mista Wai i tokaut olsem em i gat bikpela wari tru long ol pipel bilong em long Anglimp Saut Waghi husat

i wok long karim hevi nau long dispela taim.

Em i tok planti kain hevi i save kamap long olgeta hap long kantri na taim ol i askim long helpim em gavman i save hariap long givim helpim long ol narapela provins na em i laikim ol pipel bilong em tu i ken kisim wankain helpim.

Mista Wai i tok em i laikim Sir Peter i mas mekim wanpela samting hariap na salim helpim i go long ples na ol pipel bilong em i ken kisim sampela kain helpim i kam long han bilong gavman.

Sir Peter i bekim toktok bilong Mista Wai na em i tok sori olsem ol pipel bilong Anglimp Saut Waghi i karim kain hevi olsem na em bai mekim planti wok long traim surukim helpim bilong gavman i go long olgeta dispela ples we ol i wok long karim hevi nau long dispela taim.

Las wik bikpela ren tru i bin pundaun long Hagen na ol rot na bikpela bris nabaut i kisim taim bikos long tait wara.

Nau i gat moa hevi bikos ol gaden wantaim ol kopi na ol masin samting mak long planti tausen kina i lus olgeta long wara.

Plis i stapim ol gan long go long Sauten Hailans

HILDA WAYNE i raitim

BIKPELA samting i bin kamap long Sauten Hailans las mun taim ol pipel i givim sampela gan i go long han bilong plis na ekting gavana Sir Peter Barter tasol las wik plis i painim sampela gan we sampela lain i laik hait na salim i go long dispela provins.

Plis long Mosbi i go insait long Erima taim ol i kisim wanpela hait tok-save na ol i brukim ples i go insait na ol i lukim sampela bikpela na strongpela gan i stap.

Ol lain husat i hait na mekim ol dispela wok long kisim na salim gan i laik bringim ol dispela gan i go long Sauten Hailans long taim bilong



• Sir Peter Barter.

ileksen olsem na ol i redim i stap.

Pipel long ples yet i laikim tru long gutpela sindaun i mas kamap long provins na ol i givim olgeta gan i go long plis na Sir Peter tasol dispela samting ol plis i painimaut i nogut tru na i bringim bel hevi tingting namel long ol pipel.

Mosbi plis i tok ol i painim sampela bikpela boks bulet na ol bikpela gan tru we ol i save yusim na pait long woa.

I gat bilip olsem moa gan i wok long go insait long dispela provins nau olsem saplimentri ileksen i stat gen.

Plis i wok hat long traim stapim dispela pasin bikos gan tasol i bin bagarapim gutpela ron bilong ileksen long Sauten Hailans las ya.

Plis i givim strongplea tok lukaut tu i go long ol lida na kendidet olsem sapos ol i harim wanpela nius o painimaut olsem ol i stap insait long dispela pasin bilong bungim gan na bringim i go insait long provins bai ol i kisim taim long han bilong lo.

Minista bilong Inta Gavman Rilesens na

ekting gavana Sir Peter Barter i tokaut olsem em i laikim gutpela sindaun i mas stap wantaim ol pipel na bel isi na gutpela pasin i mas stap long taim bilong ileksen.

Sir Peter tu i apil long ol lida long strongim gutpela lo na oda long taim bilong ileksen na askim plis long helpim provins long ronim ileksen bilong ol.

Plis i holimpas sampela saspek pinis long dispela wok painimaut na sasim ol bihain long ol i mekim wok painimaut long ol gan.

Plis i tok ol gan em ol bilong militari na i no ol liklik gan bikos em ol strongpela gan tru na planti bulet samting tu i stap insait long dispela bek we ol i bin painim gan insait long en.



• Taim bilong lusim gan.....Bikpela apil i kam long plis long ol Sauten Hailans pipel i mas lusim gan na stap wantaim bel isi long taim bilong saplimentri ileksen. Fail foto.

Memba tok long senisim Daulo Pas rot

MEMBA bilong Suave David Anggo i laikim gavman i bildim wanpela nupela rot na lusim Daulo Pas bikos long ol hevi bilong graun i save bruk na pasim rot.

Mista Anggo i tok planti hevi i save kamap long dispela hap long Hailans Haiwe na dispela i save kamapim planti hevi long ol bisnis haus long olgeta hap long Hailans Rijen na dispela i noken kamap sapos gavman i senisim rot.

Em i tok Daulo Pas rot i save stat long Mando long lsten Hailans na i go long Suave long Simbu provins na i gat planti hevi long graun i save kamap long dispela hap na em i laikim nupela rot long kamap long stapim ol rot blok nabaut.

Mista Anggo i tok dispela hevi i save kamapim moa trabel taim ol pasindia na ol bisnis haus husat i save kisim kago bilong ol long Lae i save painim hat tumas

na ol i save lusim mani long dispela hevi.

Em i tok gavman inap long sevim mani sapos em i mekim plen na senisim ol rot we i stap nau na helpim long bringim gutpela developmen wantaim gutpela rot long Hailans Haiwe.

Mista Anggo i tok nupela rot we i no inap bagarap em i mas go tru long Unggai eria long lsten Hailans.

Em i tok long dispela hap graun i strong na nogat wanpela ples we maunten i ken bruk na karamapim ples.

Mista Anggo i tok i gat wanpela rot i stap long dispela eria we gavman i ken mekim plen long developim moa yet na i gat nid long bildim tupela bris long dispela ples.

Dispela bris em bai kamap aninit long Yumi Yet Bris projek we bai ol i pinisim insait long wanpela wik tasol.

Mista Anggo i tok sapos ol i stretim rot i kam olsem long Unggai eria bai em i sot kat tru bikos rot i kam olsem long Goroka-Daulo na Suave i longpela tumas.

Em i tok yet olsem rot i kam olsem long Unggai eria em ol liklik kar i wok long yusim i stap na bikpela kar tu i ken yusim sapos ol i mekim sampela moa developmen long hap.

Mista Anggo i klaiam toktok olsem em i no laikim stapim rot i kam olsem long Daulo tasol em i tok dispela i ken stap olsem wanpela bekap rot.

Em i tok long olgeta wanwan yia dispela hevi bilong rot i save kamap long dispela hap long Hailans Haiwe na em i bringim dispela hevi i kam long pes bilong gavman bai ol i ken mekim wanpela samting na ikenomi bilong Hailans i ken ran gut na helpim kantri.

Sekyuriti bai strong long ileksen

PLIS, Difens Fos na Koreksenal Sevis (CIS) em ol woda bai mekim bikpela wokbung tru long mekim ol saplimentri ileksen long Sauten Hailans i ken kamap gutpela na nogat trabel.

Mak long 2,000 sekyuriti opisa i redi long go long Sauten Hailans provins long lukautim ileksen.

Ol Mobail Skuat long olgeta hap long kantri i stat long go insait long provins pinis na moa yet i stap redi tasol.


Ekting Provinsal Plis Komanda Inspekta Anton Billy i tok wanpela Mobail Skuat long Wabag i go pinis na ol i wetim tasol ol narapela long go long provins.

Em i tok ol pipel i bin kisim taim tru long 2002 ileksen we ol kendidet i wok long yusim ol pipel long bagarapim olgeta samting na em i laikim bai moa wok i ken kamap long stapim dispela kain pasin gen na ol pipel i ken yusim rait bilong ol long vot gut.

Mista Billy i tok long saplimentri ileksen bai ol sekyuriti fos bai yusim olgeta strong bilong ol long stapim ol hevi bilong 2002 na bai ol i sanap long ples bilong vot stret na ol pipel i ken vot long laik bilong ol yet.

Em i salim wanpela bikpela apil bilong em i go long ol pipel bilong lmbongu, Komo-Magarima, Kagua-Erave, Koroba-Lek Kopiago na Tari-Pori long noken mekim wanpela trabel long dispela taim na larim ileksen long go het wantaim gutpela pasin na bel isi namel long ol pipel yet.

Mista Billy i tok longpela taim tru ol pipel bilong ol dispela ilektoret i nogat



• Kendidet bilong Tari-Pori sit Simon Bole i amamas long 2002 ileksen tasol nau em i go bek long sanap gen long saplimentri ileksen.

memba bilong ol long palamen na nau em i taim bilong ol long tingting gut na noken larim trabel i bagarapim gutpela taim bilong ol long makim stret lida bilong ol.

Plis i gat toksave pinis olsem gan i wok long go insait long provins long dispela taim na ol i putim ai tasol long sekim dispela tu.

Plis i givim strongpela tok lukaut olsem sapos ol i painimaut olsem wanpela kendidet i go pas long dispela o ol sampela lain i go pas long mekim dispela kain pasin bai ol i kisim taim long han bilong lo na plis i no inap givim sans long ol.

Fiseris i ken helpim Nu Ailan

EKTING Nu Ailan Provinsel Administratresen Robinson Sirambat i tok strong long ol meka bilong save gut wanem samting ol ovasis sip i painim pis insait long provins i wokim na wanem gutpela samting ol i mekim long helpim PNG.

Mista Sirambat i wokim dispela toktok bihain long em i bin lukluk raun i go long ol sip bilong ol ausait kantri lain husat i wok long painim na kisim tuna long solwara bilong Nu Ailan.

Taim em i wokim dispela lukluk raun we em i lukim ol wokman i putim ol atun pis i go long ol sip we i karim ol i go ovasis, Mista Sirambat i tingting planti long rot we ol i wok long tromoim ol nogut atun pis i go long nambis na solwara. Olsem na nambis i smel nogut.

Tasol em bin amamas long lukim rot we ol i putim ol pis i go long narpela sip i kisim i go long salim na em i tok i moabe-

ta nau Gavana lan Ling/Stucky na kabinet bilong em long kam wokim lukluk raun olsem dispela we em i bin wokim. Na em i laikim tu olsem ol bai i mas toktok wantaim ol Nesenel Fiseris Atoriti long ol samting i sut long sait bilong kirapim ol wok fising insait long provins.

"Nu Ailan i mas kirapim strong wok ikonimi na dispela i wanpela rot," Mista Sirambat i tok.

Ol fising sip bilong Taiwan, Korea, Filipins na Saina i gat agrimen wantaim PNG long painim pis insait long provins.

PNG i memba tu long wanpela multi fiseris agrimen wantaim Amerika.

Aninit long agrimen, wan wan long ol sip bai tromoim insait long provins, wanpela manimak we ol i tok orait long en insait long wanpela yia. Dispela mani i abrusim milien Kina manimak long foren

eksens o ausait mani i kam insait long kantri na provins na olsem mani we dispela fising projek/agrimen i pulim long provins.

I kam aninit long en em fiul, fi bilong sip i anka, ol kaikai, stivido, na kamapim wok long ol asples yangpela insait long provins.

Wanpela sinia Fiseris opisa em Lamila Pawut i bin go wantaim Mista Sirambat na em i mekim kila gut ol rot bilong putim ol pis i go long narpela sip na ol arapela samting moa i sut long dispela na salim pis i go ovasis.

"Mi bin kisim etvais tu olsem fiseris i ken kamap olsem wanpela gutpela rot we i ken kamapim mani i kam insait long provins. Mi luksave long bikpela samting we fiseris i ken kamapim long provins tasol long wankain taim tu, mi luksave olsem ol rot samting i no

gutpela. Dispela tu em ol samting we i ken strongim laik na intres bilong ol pipel long wok hat moa long dispela sekta," Mista Sirambat i bin tok.

Em bin tok em i nogat ripot yet long strong bilong fising bisnis insait long provins tasol em bai toktok long Nesenel Fiseris Atoriti (NFA) long pain aut moa long en.

Em bin tok tenkyu i go long NFA, Asia Developmen Beng, Yuropien Yunien na AusAID bilong soim intres long provins na bilidim fiseris wof we bai klostu taim bai pinis.

Projek ya i karamapim fising prosesing plen o fektori long wokim tinpis, liklik wof o bris bilong ol liklik fisaman klostu long bikpela wof.

Bikpela wof ya bai i gat fiul depo we bai isi long kisim fiul long ol sip, wanpela pis maket na apgretim Nesenel Fiseris Kolis long provins.

Ren i kamapim hevi long Kimbe

FRED RAKA
i raitim

BIKPELA ren i pundaun long not kos bilong Kimbe we i mekim ol bikpela na liklik wara i solap nogut tru. Na i givim hevi long ka na draiva husat i yusim rot long dispela eria.

Ol ripot i kam long Bialla i tok ol bikpela wara olsem Tiauru na Ivule inap long abrusim mak bilong ol sapos ren i pundaun hevi yet na kamapim bikpela bagarap moa long hap rot namel long Kimbe na Bialla.

Wara Dagi i stap klostu long Kimbe taun i wok long solap na inap long abrusim mak tu. Sapos dispela i kamap, em bai katim Hoskins Welpam na ol setelem eria long Kimbe taun.

Long dispela kain

taim bilong bikpela ren, hap rot long Numando Plantesen Haiwe i save bagarap stret.

Bikpela ren i bin kamap long las yia i bin bagarapim stret rot na ol bris long provins.

Provinsel disasta opis long Kimbe i givim pinis tok lukaut long publik long Kimbe long lukaut taim ol i laik raun long rot long dispela taim bilong bikpela ren.

Tok lukaut tu olsem opis ya i kamap nau tasol bihin long Maunten paia Pago hevi, em bai hat long helpim ol lain i kisim bagarap na hevi long bikpela ren na taitwara.

Taim bikpela ren i pundaun long not kos eria, Kandrien distrik na ol saut kos eria i bungim hevi long bikpela san.

Ol meri les long ekspaitman stap long gavman

VERONICA HATUTASI
i raitim

OL MERI Bogenvil i tok strong olsem ol i mas stap insait long ol wok developmen na politiks na ol arapela eria moa we i sut long kamapim bek gut ples na provins.

Ol i egensim tu tingting long larim ol eks paitman i stap insait long wok bilong kamapim nupela otonomi gavman bilong Bogenvil.

Ol i singaut strong tu long rausim dispela nem "eks kombaten" o eks paitman bikos nem i mekim ol i narakain long komyuniti na provins.

Ol meri long Sentrel Bogenvil i bin tokaut long wari bilong ol insait long wanpela bung wantaim Sosel Developmen na Welfea Minista Ledi Carol Kidu long Arawa tupela wik i go pinis.

Ol meri i sanap wantaim na ol bin tok strong olsem moa meri, olsem mak long tripela o moa, i mas go insait long nupela otonomi gavman taim em i kamap. Dispela ol i tok i gutpela bikos em bai givim maus long ol meri na tu ol i ken helpim ol man insait long wok bilong developmen na kirapim bek gen Bogenvil.

Ol meri i bin tok i moabeta long larim ol man nating i ranim wok long nupela gavman tasol larim ol eks paitman i helpim long wok bilong developmen na plening eria, na tu long komyuniti na viles level.

"Mipela i egensim tru dispela hap long mama lo Bogenvil i redim i stap nau long nupela gavman i tok long em givim samting olsem sikipela spes long ol eks paitman long en. Mipela i laikim ol man nating i mas go pas na ranim otonomi gavman olsem intenesenel lo i tok na wankain samting i mas kamap long Bogenvil gavman.

Ol i ken yusim save bilong ol eks paitman long plening na developmen eria na tu long helpim ol yangpela long ol projek long ples.

"Mipela i luksave olsem ol bin pait hat long kisim ikonimik developmen

tasol wantaim ol wok long kirapim ples nau, em i moabeta long helpim long dispela eria. Sapos ol i go insait long gavman, dispela bai rausim wok we gavman i laik kamap long en.

Sapos ol i go insait long gavman olsem ol man nating na i no long tiket bilong resistens o BRA, mipela i tok orait tasol long sanap makim ol eks paitman grup na go inait long otonomi gavman, em mipela i egensim."

Theresa Jointong em wanpela lida meri long Sentrel Bogenvil na Presiden bilong Provinsel Kaunsil bilong ol meri long Bogenvil i tok.

Ol meri i bin singaut tu long rausim dispela nem, "eks kombaten". Dispela em bikos sampela yangpela i save wokim trabel na yusim nem na tu ol i tok mama i karim ol lain na i bin givim trupela nem long ol. Na tu wantaim dispela nem eks paitman, i luk olsem ol i narakain grup insait long komyuniti na provins.

Ol i tok strong long ol eks paitman long go bek long ples na wok long graun na helpim developim agrikalas sekta.

Long wankain taim tu, Ledi Kidu i bin toktok long ol meri long komyuniti beis skul we i ken kamap olsem gutpela modul bilong Bogenvil. Tu dispela i ken helpim long kamapim gutpela humen developmen.

Ledi Kidu i bin tok long Mosbi sait wes ilektoret bilong em, dispela program i kamap olsem pailot projek na Bogenvil inap long go insait tu long em olsem wanpela pailot projek.

Wanpela hevi ol meri i bin tokaut long en we i save slekim ol long karimaut ol projek na program em long mani i sot.

Bihain long Ledi Kidu i harim ol wari na laik bilong ol long karimaut ol wok, em bin tok ol meri Bogenvi em ol i gat strongpela tingting na lewa na ol yet i bin kirapim wok bilong kamapim gutpela sindaun, na pasin bilong sekan long ailan we klostu i karim kaikai.



• Ledi Kidu i bungim ol meri Siwai long Panakei.

Katim pe bilong NIP publik sevan i no wok gut

NOAH KAGAI
i raitim

OL I wok long katim pe bilong ol publik sevan insait long Nu Ailan husat i lusim wok o ino kam long wok wantaim nogat gutpela toksave long ol bos bilong ol.

Eking Edministreta Robinson Sirambat i strik long ol lain publik sevan na em i salim wanpela daireksen o tok lukaut we i tok long rausim pe bilong ol lain husat i no save kamap long wok na peim ol tasol long ol awa ol i wok long en.

Bihain long em i witness sampela lain publik sevan i no save go long wok long planti taim em i salim dispela toksave i go long olgeta bos bilong ol wan wan divisen wantaim Nu Ailan Provinsel Gavman long

en. Em bin salim wanpela tok-save long dispela samting long Januari 14, 2003.

"Planti publik sevan long Nu Ailan i no stap long wok long taim bilong ol namel long 8 am moning na 4.06 pm apinun. Planti i no save kam long taim, ol i save kam leit long wok. Mi laik toksave long olgeta publik sevans olsem mipela olgeta i mas stap long wok long taim stret," Mista Sirambat i tok.

Em i bin tok planti i no bihainim dispela na dispela em i kamapim wari.

Ol ripot i tok Mista Sirambat i bin autim namba tu toksave long Januari 30 long rausim ol pe bilong ol lain publik sevan long provins husat i save stap aut wantaim nogat gutpela tok orait long taim bilong wok.

I no gutpela ripot long planti publik sevan i no save mekim

gutpela wok na planti i no save kamap long wok. Mi toksave moa olsem mipela i save kisim pe long ol nomol awa we mipela i mas wok long en, Mista Sirambat i tok.

Em i tok Nesenel Eksekutyutiv Kaunsil (NEC) i bin givim aut wanpela daireksen o toksave olsem ol lain i wok long salaris seksen i mas gat gutpela rekot na wokim peimen tasol long ol taim na awa we ol publik sevan i save wok long en.

Em bin tok tu olsem ol i wokim sampela samting pinis long ol dispela publik sevan husat i pilapilai long wok bilong ol.

Long wankain taim tu, eking edministreta i kisim planti komplem long ol publik sevan husat i lusim wok na ol i save fultaim long Kavieng beting sop long pilai laki na pokis.

Toktok long mekim De La Sale sekonderi skul

VERONICA HATUTASI
i raitim

••• tasol nogat len lis dokumen yet

TOKTOK i go het long mekim De La Salle hai skul long Bomana klostu long Pot Mōsbi olsem wanpela Sekonderi skul.

Na sapos olgeta samting i stret, em inap kisim ol Gret 11 sumatin long neks yia o long 2005.

Ol papamama husat ol pikinini bilong ol i skul long De La Salle i bin laik save sapos skul bai kisim Gret 11 neks yia.

Prinsipal bilong skul, Leo Maia i bin tokim ol papamama na gadien olsem ol i laikim dispela long kamap tasol wanpela samting we i wok long sloim wok em long lis dokumen o ripot pepa

long graun gavman i rentim we De La Salle skul i stap long en. De La Salle em i wanpela Katolik ejensi hai skul.

Mista Maia i bin tok insait long las sevenpela mun, em i wok long toktok wantaim ol bikman bilong edukesen long painim dispela dokumen tasol i kam inap nau, em i wet yet.

Long nau, ol sumatin bilong De La Salle husat i pinisim Gret 10 i wok long go long Jubilee Katolik Sekonderi skul long Hohola bilong wokim Gret 11 na 12.

Long ol arapela nius long De La Salle Bomana, skul i gat 569 sumatin olgeta. Tu hundred fifti foa (254) em ol Gret 9 na 315 em

ol Gret 10. I gat sikpela Gret 6 klas taim i gat sevenpela Gret 10 klas.

Mista Maia i bin tok skul i no rausim husat sumatin i no peim skul fi tasol em bin tokim ol papamama long wokim peimen bikos skul i nidim dispela mani long operet na karimaut ol wok.

Em i luksave long hevi we kantri na pipel i bungim long dispela taim tasol em i strongim ol papamama long peim ol fi bilong helpim ol pikinini husat i futja bilong mipela i ken kisim gutpela save. Em i tok detlain long pinisim olgeta skul fi peimen we long ol boda em K800 na K500 long ol de sumatin, em long pinis bilong Tem 2.

Ok Tedi papagraun bai kisim K3 milien

OL PAPAGRAUN bilong Ok Tedi Maining Kampani bai kisim K8 milien kompensesen peimen.

Dispela em ol papagraun bilong Lowa Ok Tedi i go olsem long Saut Flai insait long Westen provins.

Kompensesen peimen i kam aninit long Ok Tedi Rinstetet Eit saplimen Agrimen Ekt bilong 1995.

Ol ripot i tok ol bod bilong Heduru Tras we i lukautim ol dispela sam-

ting i oraitim pinis long peim dispela kompensesen mak.

Ol papagraun bai kisim dispela kompensesen peimen long pinis bilong dispela mun. Peimen bai i go long akaun bilong ol.

Ripot i tok ol lain husat bai kisim peimen em ol dispela i stap insait long 1999 sensus we gavman, Ok Tedi Maining kampani na AusAID i bin sapotim lng karimaut.

Koiari papagraun givim gavman wanwik

OL PAPAGRAUN bilong Koiari insait long Sentrel provins i givim wanpela wik tasol long gavman long stretim singaut bilong ol long K2.7 milien we gavman i bin promis long givim long ol bilong ranim Koiari Holdings kampani.

Ol papagraun i tok sapos gavman i no bekim gut askim bilong ol, ol bai mas i go long opis bilong praim min-

ista long Waigani na i strongim poin bilong ol.


Koiari Holdings em bisnis han bilong ol Koiari pipel na wok bilong en em long strongim komesel sait we i ken pulim mani i go insait long en.

Gavman i bin wokim komitmen long peim K3 milien i go long kampani bihain long ol papagraun i bin autim hevi na wari bilong ol

las yia bilong karimaut ol projek. Tasol em (gavman) i bin givim K300,000 long Jun las yia na i no ful manimak we em bin tok long peim i go long kampani ya.

Bikos long dispela, ol papagraun i putim maus wantaim na ol iwokim gen singaut long gavman i mas peim hap mani we i stap yet.

• Tupela bipo sumatin bilong De La Salle high skul Raymond Kakaponi (raithan) na Peter Tsiperau (lephan) husat i bin kisim ol mak i antap tru long yia 1994. Beksait em hetmasta bilong skul Leo Maia (raithan) na Mista Wahe (lephan) em salens tisa .



BANK OF PAPUA NIUGINI




KINA FASILITI REIT BILONG MUN MAS 2003

Wok painim aut bilong Bank of Papua New Guinea I luksave olsem ekonomi long tude na ol senis bilong prais long Desemba 2002 i nogat senis yet.

Olsem na Governor bilong Bank i tokaut olsem long nambawan hap yia bilong 2003, kina Fasiliti Reit (KFR) bai sanap yet long 15.0 pesen (% long mun Mas 2003)

L. Wilson Kamit, CMBE
Governor



• Ol meri na mama insait long Tapini distrik long Sentrel provins.

BETDE GRITINGS NA KOMYUNITI TOKSAVE PES

Salim gritings bilong yu i go long lewa bilong yu.

Salim i kam long dispela edres:

Wantok Niuspepa
P.O Box 1982,
Boroko, NCD.

Em fri tasol...

Madang nes bai sapotim Mosbi straik

OL NES na helt wokas long Madang i tokaut olsem ol i stap redi tasol long kamapim wanpela straik na lusim wok long sapotim ol wanwok bilong ol long Mosbi.

Dispela toktok i kamap bihain long wanpela tu-de straik we ol nes long Mosbi i bin holim tupela wik i go pinis bihain long ol raskol i bin bagarapim wanpela nes.

Planti nes long Mosbi i stapim wok tupela de olgeta na dispela i lukim moa hevi i kamap long ol sik lain tasol ol nes i les pinis long pasin nogut ol i save kisim long han bilong ol raskol.

Long Madang ol nes tu i wanbel long sapotim ol nes long Mosbi na ol i tok wanem kain eksen we ol nes long Mosbi i kamap long soim hevi bilong ol bai ol tu i mekim wankain tasol long soim sapat.

Maus meri bilong ol nes long Madang Dianne Liriope i tok ol nes i sori na tingting long hevi

bilong ol sik pipel husat i laik kam kisim helpim long haus sik tasol sapos ol nes i straik bai ol i mekim olsem yet bikos em i tok inap em inap.

Misis Liriope i tok ol nes i les pinis long kain pasin we ol raskol i save mekim long ol na ol i laikim gutpela luksave long ol atoriti long stapim dispela kafi bel hevi i noken kamap gen.

Em i tok ol nes i save mekim wok bilong ol de na nait wantaim na ol i save lukautim olgeta pablik laip na dispela gutpela wok ol i save mekim i nogat gutpela tok tenkyu i kam long sampela wanwan lain long komyuniti.

Dispela ol wanwan lain em ol raskol husat i save bagarapim laip bilong ol nes taim ol i laik mekim wok bilong ol.

Misis Liriope i tok wanpela bikipela samting tru ol pablik i mas tingim em olsem taim ol nes i mekim wok bilong ol wantaim gutpela sapat bilong



• Ol nes i save wok hat long sevim laip bilong ol pipel tasol raskol pasin we i bagarapim laip bilong ol nes i mekim ol i no amamas tru. Dispela kain pasin i noken kamap long komyuniti. Fail foto.

komyuniti bai ol pipel i ken kisim helpim.

Em i tok planti ripot long olgeta hap long kantri i soim olsem dispela kain pasin bilong

bagarapim ol nes taim ol i laik mekim wok bilong ol i kamap bikipela na ol atoriti i mas mekim sampela samting long stapim dispela.

Pep i tok long stapim politiks long helt sevis

POLITIKS insait long menesmen bilong ol bikipela haus sik bod long kantri bai bagarapim ron bilong gutpela helt sevis.

Helt Minista Melchior Pep i tokaut long wanpela bod apoinmen long Vanimo olsem politiks insait long ol bikipela haus sik long kantri i no inap long helpim long bringim gutpela helt sevis i kam bek long ol pipel.

Mista Pep i tok planti taim em i lukim olsem bikipela ol haus sik i save gat hevi long menesmen bikos long pait bilong politiks tasol we i lukim ol nupela gavman i laik resis long putim ol lain bilong ol yet insait long ol bod na ol sevis i no save go long ol pipel.

Em i tok taim em yet i stap olsem minista bilong Helt bai em i wok hat long lukluk long dispela samting na em bai i no inap larim politiks i go insait long dispela bikipela gavman sevis long kantri.

Em i tok bikipela tingting ol bod memba bilong ol haus sik i mas putim long tingting bilong ol em laip bilong ol pipel long wanwan provins na wokbung wantaim long bringim ol gutpela helt sevis.

Mista Pep i tok em i laikim gutpela toktok i mas kamap namel long ol sinia helt wokas na ol bod memba long strongim wok bilong larim helt sevis i go long olgeta hap long kantri.

Em i tok strong olsem politiks i noken stap insait long helt sevis bikos dispela em laip bilong ol pipel na em i no samting bilong pilai politiks wantaim.

Mista Pep i bin mekim wankain toktok tasol long Goroka tu tupela wik i go pinis taim em i bin go makim ol nupela bod long hap.

Long Vanimo em i witnessim makim bilong bod siaman Kevin Imba na namba tu bilong em Emelda Leki na sevenpela narapela ol lain em ol i kisim long wanwan sekta long komyuniti.

Oresi givim buk long ol Sohe skul

PLANTI skul pikinini long Sohe iletolet long Oro provins i kisim mak long 132,000 riding buks we memba bilong ol husat i minista bilong Koreksenel Sevis Peter Oresi las wik.


Mista Oresi i bin opim tupela bikipela kontena i gat ol buk insait na em i tok nau em i taim bilong wok na em i laik mekim bikipela wok long bringim helpim i go long ol skul pikinini pastaim bikos long ol hevi bilong skul fi nau long dispela taim.

Em i givim ol buk i go long provinsal eduksen divisen long Oro na em i tokaut olsem em i gat sampela bikipela plen long givim sevis i go long ol skul na wanpela em edukesen.

Bihain long dispela em agrikalsa.

Mista Oresi i tok bikipela tingting em long sapotim ol liklik pikinini long eduksen bilong ol bikos skul fi i hat tumas long baim na ol buk em i givim i surukim dispela tingting em i gat long helpim ol skul pikinini.

Em i tok wanpela samting we i kamap long ol edukesen bilong human risos long provins em namba bilong ol studen long Sohe i lusim provins i go long ol



• Peter Oresi i givim sampela buk mak long K300,000 i go long han bilong provinsal eduksen kodineta Windsor Atarapa na ol narapela opisa i lukluk i stap.

bikipela yunivesiti na ol skul i wok long pundaun liklik.

Mista Oresi i tok bipo planti studen bilong Sohe na Oro i wok long go kisim ol bikipela skuls tasol nau dispela i no kamap na

em i wari long dispela.

Em i askim ol het man bilong edukesen na ol papamama long wokbung wantaim em na helpim ol pikinini long kisim gutpela edukesen.

Ol studen autim ol hevi long UPNG

HILDA WAYNE i raitim

WANPELA bikipela hevi i kamap nau long Yunivesiti ov Papua Niugini bikos i gat moa meri na spes bilong ol man long silip na skul i sot liklik.

Antap long dispela ol studen i komplem olsem planti mentenens wok i no pinis yet na ol i wok long kalap i go kam long klasrum na traim long abrusim ol plang na nil na wok samting bilong ol mentenens wokas.

Nau long dispela taim i gat ripot olsem namba bilong ol meri i go long stap boda studen long UPNG i wok long go antap tumas na ol man i painimaut olsem ol rum bilong ol na domitri bilong ol em administresen i givim long ol meri.

I gat moa ripot olsem ol administresen i wok long askim ol studen long baim moa mani taim ol i redi long rejista long skul.

Sampela studen i tokaut olsem maski ol i kisim mak long tes we ol inap long kisim rum tasol administresen i laikim moa mani na ol studen i nogat mani.

Tasol UPNG Studen Sevis Dairekta Simon Maip i tok dispela toktok bilong rum i sot long UPNG i no tru bikos i gat planti spes i stap yet.

Em i tok taim UPNG i laik kisim ol studen i kam long stadi em i save kisim bikos long spes we i stap na nogat hevi long dispela samting.

Mista Maip i tok planti rum i stap yet na ol studen i mas sekim wantaim opis long studen sevis na kisim rum hariap pastaim long skul i stat.

Narapela hevi gen we sampela studen i tokaut long en em long kaikai bilong ol studen i wok long go liklik na i tambu long ol studen i karim kaikai i kam ausait long ples bilong kaikai.

Moa toktok i kamap olsem laibri bilong UPNG tu i no save op olsem bipo we ol studen i save yusim long kisim planti helpim na bikipela toktok i kamap olsem administresen i mas mekim wanpela samting long helpim ol studen long kisim gutpela save.

Ol i tok laibri em i ples we olgeta buk samting i stap na sapos administresen i stapim dispela bai i gat hevi i stap long stadi.


BNBM

Available from : **BNBM HARDWARE**

- Port Moresby: Ph: 325 1135 Fax: 325 7393
- Lae: Ph: 472 6966 Fax: 472 6968
- Kokopo: Ph: 982 9580 Fax: 982 9581

New Arrival Top Quality Ceramic Tiles 300x300 (11PCS/Box)

“WHITE BISCUIT BASED, REAL CERAMICS, STRONG & WEAR-RESISTANT. PERFECT JOINTS.”



VAT EXCLUSIVE



TOKTOK NATING

wantaim

Fr Paul Liwun SVD



LONG yia 1990-1992, mi bin mekim wok pris bilong mi long Pompabus insait long Enga provins. Olgeta Sarere taim mi kam bek long mekim lotu long wanpela autstesen, mi bin stop long Mambisanda Haus sik long lukim ol sik manmeri na pikinini.

I gat kain kain sik bilong ol manmeri. Sampela i gat sik TB, lepra, taifoid, sotwin na planti moa yet. Taim mi lukim ol, mi stori wantaim ol na mekim prea long blesim ol wan wan. Bipo mi lusim ol, mi sekan wantaim ol na go bek long Pompabus.

Dispela kain pasin mi mekim hia long Pot Mosbi tu. Wan wan peris insait long Pot Mosbi Asdaiosis i lukautim wan wan ward insait long Pot Mosbi Jenerel Hospital. Erima Peris i lukautim Ward 4B, we ol manmeri i gat sik TB i stap long en. Mi go long Sarere long harim konfeso, o stori, pre na blesim ol. Long Sande, ol komyunien minista bilong Erima peris i bin bringim Santu komyunio na givim long ol Katolik manmeri long TB wod. Long olgeta Fonde, Lijen ov Mary bilong Erima peris i go na prea wantaim ol.

Long bikpela de olsem Krismas, Ista na pestode bilong Peter Torot, mipela i go wantaim ol manmeri bilong Erima long selebretim na givim presen long ol.

Wanpela taim, nes long haus sik i bin ring i kam na askim mi long go givim unsio (las Sakramen bilong lain i sik nogut tru) long wanpela sik meri. Dispela meri i stap long narapela wod long lukaut bilong narapela peris tasol bikos dispela peris i no save go, olsem na nes (em bilong Erima peris) i bin ring na askim mi.

Taim mi kamap, meri ya i slip i stap. Em i no save yet long mi. Taim nes i tokim em olsem mi wanpela Pater, em i kirap na sindaun stori wantaim mi. Em i gat sik AIDS. Olsem na em i sem liklik long stori wantaim mi. Tasol mi bin givim strong long em na em i no moa pret long toktok wantaim mi.

Olgeta toktok mipel i bin toktok long en long dispela taim em i isi long mi long lusim tingting. Tasol i gat wanpela momen we mi no inap long lusim tingting long taim mi laik go na mi sekanim em. Mi bin holim strong han bilong em na em i holim strong long han bilong mi. Long dispela taim mi lukim pes bilong em i narakan na em i kirap nogut tru na i tok: "yu tasim mi. Yu no pret long holim han bilong mi. Tenkyu tru."

Taim mi sekan wantaim em, mi no bin tingim olsem em bai bringim senis insait long em. Mi tasim han bilong em na ino inap long oraitim sik AIDS bilong em, olsem Jisas i bin mekim long man i gat sik lepra (Mak 1: 40-45) Tasol mi bilip strong olsem sekan nating bilong mi i bin oraitim em na mekim em i pilim olsem em i wanpela humen bing yet. (She feels that she still has dignity as a human being).

(* *) : Jisas i mekim orait ol aipas, yau pas na kirapim ol manmeri i dai pinis long han bilong em tasol..

(* *) : I gat planti manmeri i nidim yumi long tasim ol, ol i nidim yu long luksave long ol olsem manmeri yet.

(* *) : Maski ol i gat kain kain sik nogut, tasol olgeta em i manmeri, brata, susa, o pikinini bilong yu yet.



Man i beten bai God i helpim

God, bai mi tingting gen long ol bikpela wok bilong yu. Yes, bai mi tingting bek long ol kainkain bikpela samting yu bin mekim. Bai mi tingting long olgeta samting yu bin mekim. Yu bin mekim ol strongpela wok, na bai mi tingim dispela tu. God, olgeta pasin bilong yu i gutpela na stretpela olgeta. I nogat wanela gianman god inap wantaim yu. Yu winim ol tru. God, yu wanpela tasol yu save wokim ol mirakel. Bipo yu bin soim bikpela strong bilong yu long olgeta lain manmeri. Long strong bilong yu yet yu kisim bek ol manmeri bilong yu, em ol lain tumbuna bilong Jepok na Josep i kamap bihain long tupela.

Buk Song 77: 11-15

UN Sekyuriti Kaunsil tasol ken givim tok orait

SAPOS Amerika i kamapim woa long Iraq wantaim nogat tok orait bilong Yunaitet Nesens Sekyuriti Kaunsil. (UNSC), em bai rong na birua egensim pis, wanpela mausman bilong Vatiken i tok.

Insait long wanpela konfrens i sut long pis o gutpela sindaun ol

bin holim long Rom las wik, Asbisop Jean-Louis Tauran husat i Seketeri bilong Vatiken na i lukautim tu Rilesens na Stet taim em i lukluk long Paragraf 4 long Atikel 2 bilong Yunaitet Nesens sata we i tok ol kantri i noken kamapim woa olsem rot bilong stretim

ol hevi wantaim ol kantri ol i birua long en. Posisen bilong Santu Papa em olgeta samting bai kamap tasol taim UN Sekyuriti Kaunsil i givim tok orait bilong em.

Em bin tok UN tasol i gat pawa long wokim disisen sapos pait bai kamap olsem rot we

wanpela kantri i laik lukautim em yet.

Em bin tok olsem tasol na ol i mas larim ol wepons inspekta i skruim wok long glasim ol pastaim.

Em i bin tok i gat sans yet long stretim dispela hevi long gutpela rot bilong toktok na i no pasin bilong

pait.

Long wankain taim, em bin tok ol lida bilong Iraq i mas harim tok bilong UN na stop long mekim ol wepons i kamapim bagarap long man. Na tu larim ol UN wepons inspekta i glasim ol hap we ol wokim ol dispela wepons long en.

Ol Sariti Sista mas soim lait

POP John Paul II i strongim ol Misinari ov Sariti Sister (MSC) long karimaut strong wok long sevim ol trangu na bilong givim witnes insait long laip bilong ol na stap olsem ol trangu tu.

Pop i autim dispela toktok insait long wanpela pas em bin salim i go long bos bilong ol Misinari ov Sister Oda em Sister Nirmala Joshi. Ol Sariti Sister we Mada Teresa i bin kirapim long Kalkata insait long kantri India i bin holim namba eit jenerel sapta bung bilong ol.

Dispela em namba wan taim long histri bilong MSC Sista i kam long olgeta hap bilong wol na stap long dispela bung ya. Katolik Sios bai holim bikpela lotu bilong luksave olsem Mada Teresa em i wanpela Santu long Oktoba 19 bilong dispela yia.

Santu Papa i bin tok taim ol MSC i karimaut wok bilong ol, ol bai



Mada Teresa.

olsem lait long ol pipel, moa yet ol yangpela husat i painim olsem ol i stap long level we bel bilong ol i pulap tasol long ol samting bilong graun na ol i sot long spiritual sait.

"Mipela i stap long dispela wol we gridi pasin i kamap strong, daun pasin bilong yupela na gutpela laip we yupela i stap long en taim yupela i autim gut nius we i trupela samting i save mekim ris lewa," em bin tok.

Saiens na medikel rises noken senisim man

HETMAN bilong Katolik Sios long wol, Pop John Paul II i wokim strongpela toktok long ol saiens na medikel rises long noken strongim tingting long laik kamapim senis long man we God yet i wokim.

Pop i mekim dispela toktok las wik insait long namba nain Nenerel Asembli bung bilong Pontifikel Akademi long Vatiken insait long Rom.

Taim Pop i autim dispela toktok, bung i wok long glasim, skelim na toktok long stretpela pasin long bihainim long karimaut ol wok rises i sut long baiomedikel samting.

Long edres bilong em, Pop i bin luksave long ol saientis na dokta husat i karimaut baiomedikel rises na bikpela kontribusen long helpim olgeta manmeri long wol.

Tok piksa long sampela ol bikpela rises ol bin karimaut na i gutpela em long dispela we nau i rausim ol sik



Pop John Paul II.

ol save kilim dai ol man na ol arapela strongpela sik moa.

Em bin tok sios i gat luksave long ol saiens rises we i helpim ol pipel na i no bilong bagarapim man na tu em i mas stap fri long stap olsem kago boi long ol politikel na ikononik intres.

Long dispela -eria, Pop i bin mekim klia as long karimaut ol rises na tu wok long saiens rises i mas luksave na lukautim laip, manmeri long olgeta levul bilong developmen na tu long taim bilong karimaut ol eksperimen o traime tes long ol samting.

"Mi bilip olsem em i no gutpela long sios na husat moa long stap isi long sampela bikpela na nupela samting i kamap bihainim rises long ol eksperimen long man," Pop i tok.

Pop John Paul II i bin tok em i bikpela samting long luksave long ripot we Pop Paul 6 i bin mekim ol i kolim long "Humanae Vitae" na tu painim neturel rot long stretim wari we ol marit i no save karim pikinini.

Pop i bin mekim singaut, moa yet long ol Katolik institusen na yunivesit long luksave long ol gutpela samting we ol bin lainim taim ol i bin liklik.

Laspela long em santu papa i bin autim wari bilong em long ol liklik na trangu kantri i i no kamap gut na strong long karimaut ol rises long baiomedikel na helt sait.

Em i tok i gat bikpela spes namel, long ol liklik na trangu kantri na ol bikpela na strongpela kantri.

Reveren Setu tok God i ken helpim plis fos

HILDA WAYNE i raitim

HANMAK bilong Bikpela i soim olsem em i lidim yet PNG bikos maski kantri na pipel bilong em i bungim ol kain hevi na mak i stap long dispela, mipela i gat strong yet long go hetim laip.

Presiden bilong Papua Distrik Evanjelikel Luteran Sios bilong PNG, Reveren Sommy Setu i bin wokim dispela toktok long opening bilong konfrens bilong ol Provinisel Plis Komanda i kamap long Pot Mosbi long dispela wik.

Reveren Setu i bin go pas long opening prea bilong konfrens na em bin putim ol bikman bilong plis husat i lukautim lo na oda insait long kantri long han bilong ol olsem God i ken gaidim ol long karimaut gut wok bilong ol.

Long wankain taim tu, em

bin tokim ol long glasim na skelim gut wok bilong ol long pipel na kantri.

"Bai mipela i toktok gut long ol arapela long dispela kain taim planti hevi i wok long kamap long dispela graun na ol kantri i wok long laik kamapim woa wantaim nogat tingting long stretim ol belkros wantaim pasin bilong sindaun na toktok gut," Reveren Setu i tok.

Em bin tok PNG i kamap olsem wanpela kantri we lo na oda hevi i go nogut tasol strongpela tingting bilong ol pipel na gutpela lida i mekim na PNG i stap.

Reveren Setu i tok pasin bilong sot long samting, hangre na prais bilong ol samting i go antap moa na antap tu long dispela, planti famili i bin lusim ol famili memba long hevi long Bogenvil em sampela long ol hevi we i pundaun antap long planti pipel bilong PNG.

"Lukim, ol PNG pipel i

karim ol hevi tasol mipela i amamas yumi stap yet," Reveren Setu i tok.

Em bin yusim tok piksa long ol bikman bilong plis wantaim hap Gutnius tok i stap long Eksodas sapta 33, lain 11 i go long lain 14 we i stori long propot Moses.

Reveren Setu i tok Moses i kamap gutpela lida bilong ol pipel bilong Israel bikos em i save pret long God Papa wanpela tasol na pipel i save soim rispek long em long dispela as tasol.

Em i tok Moses em man husat i save long taim bilong hevi na lo na oda i bagarap na bikpela hangare i save kamap namel long ol pipel bilong Israel tasol em i putim bilip bilong em long God olsem na em i save win olgeta taim na bringim ol pipel bilong Israel i go long boda bilong Promis Graun bilong ol long Kenan.

Reveren Setu i tok wankain olsem tasol ol hetman bilong

plis i mas putim bilip bilong ol long God na em yet bai givim gutpela tingting long ol long dispela taim bilong bikpela hevi.

Em i tok plis fos i gat bikpela hevi nau i stap long han bilong ol bikos gavman i lukluk long plis long kontrolim hevi bilong lo na oda na sapos gutpela lo na oda i stap long kantri bai gutpela bisnis i kamap na ikononim bai kamap gutpela.

Reveren Setu i givim gutpela blesing long ol hetman bilong plis na em i tok long wanem kain wok ol i mekim long lukautim kantri ol i mas putim God i go pas long wok bilong ol bai gutpela bekim i kamap long wok bilong ol.

Plis Komisina Sam Inguba tu i tokaut olsem plis fos i mas tingting strong na putim toktok long Baibel i kamapim gutpela mining long laip bilong ol bai plis i ken kisim gutpela helpim long God Papa wanpela tasol.

Morobe Wasman Sevis i statim wok

ROSALYN ALBANIEL i raitim

OL MANMERI husat i save mekim stil pasin na arapela trabel insait long ol pablik ples long Lae siti mas lukaut gut nau.

Dispela em strong-pela hap tok we Gavana bilong Morobe Luther Wenge i bin mekim long las wik taim ol opim nupela sekyuriti kampani insait long siti ol kolim long Morobe Wasman Sevis.

Mista Wenge long dispela taim tok aut olsem ol i kisim pinis mak olsem 30 man blong Menyamyia distrik husat bai wok olsem ol gad na bosim ol pablik ples long putim was long ol lain husat laik mekim trabel.

Em i tok olsem Morobe Provinsel Gavman bin givim mani mak olsem K100,000 long las mun long kirapim dispela kampani blong wanem pasin bilong pulim bilum na paus na tu trabel bilong pik poket i wok long kamap bikpela insait long siti.

Em i tok olsem Lae em karim pes bilong Morobe na dispela kain pasin i bagarapim gut-pela nem bilong dispela

siti na provins na mas pinis.

Em tokaut olsem ol dispela man wantaim blu yunifom bilong ol bai raun wantaim bunara na ol kopi stik na bai raun long olgeta pablik ples olsem ai bilong stua, bas stop na maket.

Na em tok ol bai mekim save long ol dispela trabel lain.

Wok bilong dispela kampani bai stap aninit long Lae Siti Atoriti.

Long wankain taim Mista Wenge i bin mekim wanpela singaut i go long pablik long sapatim wok bilong dispela kampani. Lod Meya bilong Lae siti, Boyamo Sali long dispela taim i bin mekim wankain nek.

Mista Sali tok olsem sindaun insait long siti i no olsem bipo bilong wanem planti lain wok long abrusim lo we i stap long kamapim gut-pela sindaun.

Em i tok olsem Lae Siti Atoriti bin painim hat long mekim wok bilong ol long daunim dispela hevi bilong wanem i nogat mani na maski bin gat liklik kros bin kamap long taim Gavana bin tokaut long dispela kampani, dispela i pinis na nau bai wok go het.

Em tok ol i wanbel pinis na kaunsel bai sapatim dispela kampani na wok bilong em.

Bosman bilong operesen bilong Wasman Morobe Sevis, Gareth Kissing, bin autim amamas bilong em tu.

Mista Kissing tok olsem ol pipel bilong Morobe i les pinis long dispela pasin.

"Inap em Inap nau em taim blong ol pipel bilong Morobe long wokabout fri na gavman bilong Morobe bai helpim ol," em i tok

Dispela ol gad bai i gat mak olsem 12 mun long soim Gavana na gavman bilong Morobe olsem ol inap long mekim dispela wok.

Koiari kampani singaut long K2.7 milien promis mani

KOIARI papagraun long Sentrel provins i makim 7-pela de long nesenel gavman i mas stretim toktok long givim K2.7 milien em i bin promis long givim i go long Koiari Holdings Limited.

Moa long 100 manmeri bilong Koiari i bin bung long opis bilong Koiari Holdings Limited long tokaut long dispela bel hevi bilong ol.

Ol i kamapim wanbel olsem sapos gavman i no givim dispela K2.7 milien insait long dispela 7-pela de bai ol pipel i holim wanpela wokabout straik i go long opis bilong Praim Minista.

Long las yia nesenel gavman i bin holim bung wantaim ol mausman bilong Koiari Holdings Limited na ol papagraun na gavman i


wanbel long givim K3 milien long dispela asples kampani i go het long karimaut ol wok divleopmen na sevis long ol pipel bilong Koiari.

Tasol inap nau gavman i bin givim tasol K300,000 na ol pipel i wetim yet K2.7 milien long kamapim dispela promis mani.

Siaman bilong Koiari Holdings Limited Eibe

Marava i tokaut olsem ol i gat ol bikpela projek we inap bringim ol gut-pela sevis na developmen long ol pipel tasol ol dispela samting i no inap kamap gut yet inap long nesenel gavman i givim sapat bilong em i kam insait.

Em i tok ol dispela projek i karamapim raba, kopi, turisim, rot projek na wok fama insait long Koiari eria.



Buai bisnis...
• Salim buai tasol i wok long strongim planti manmeri bilong taun na siti wantaim mani bilong baim kaikai na ol arapela samting.

Gavana Smith askim long hevi bilong fiul

GAVANA bilong Isten Hailans rijinol Mal Kela Smith i askim nesenel gavman long mekim sampela samting long stapim hevi bilong fiul long noken givim hevi long ol hailans rijin.

Mista Smith i tok i gat ripot olsem Exxon Mobil i laik rausim olgeta hailans depo bilong em. Na dispela inap givim hevi tru long ol fiul insait long hailans rijin.

Mista Smith i askim nesenel gavman sapos gavman i ken sambai long kisim ol dispela depo na ranim long sampela taim

pastaim inap sampela strongpela disisen i kamap bihain taim long larim ron bilong fiul long hailans i go bek olsem bipo:

Gavana Smith i tok sapos Exxon Mobil i stapim ol depo bilong em bai ol hailans provins i kisim bikpela hevi tru olsem na gavman i mas kam insait hariap wantaim sampela kain strongpela disisen nau.

Minista bilong Treseri (mani) na memba bilong Lae Bart Philemon i tok dispela em disisen na bisnis

bilong Mobil yet long mekim long ol wok na bisnis bilong em long wok bilong em insait long hailans rijin.

Tasol gavman bai harim tok bilong Gavana long sait bilong hevi bai kamap long ol bisnis na transpot long hailans sapos saplai bilong fiul i go daun.

Mista Philemon i tok bai gavman i sindaun na lukluk na glasim dispela hevi na wanem hap em i ken kam insait long traim helpim taim dispela samting i kamap.

Gavman stapim olpela projek mani

MINISTA bilong mani Bart Philemon i bin tokim palamen olsem ol mani bilong distrik projek long las yia em gavman bilong Somare na Marat i stapim bikos sapos ol i go het long skelim mani long ol distrik projek bai kantri i sot long mani mak olsem K800 milien.

Mista Philemon i tok olpela gavman bilong Sir Mekere Morauta i bin brukim mani long ol memba long karimaut ol distrik projek long ilektoret na distrik bilong ol tasol ol dispela mani i sot.

Na tu ol dispela mani i kamapim bikpela sot tru insait long mani plen bilong gavman long dispela yia

sapos gavman i go het long karimaut plen bilong olpela gavman.

Mista Philemon i mekim dispela toktok long bekim askim bilong sampela memba husat i tok ol i laikim hap mani bilong ol we i stap yet wantaim Treseri dipatmen long mekim wok long ilektoret bilong ol.

Memba bilong Goitola i bin askim Minista long mani mak olsem K1 milien we i stap yet wantaim gavman bikos ol i no bin yusim yet long las yia i kam.

Memba i tok ol i putim pinis rot projek long Goitola i go insait long distrik baset plen bilong ol long dispela

yia na ol i makim tu dispela namba bilong mani wantaim long dispela baset bilong distrik.

Wankain askim tu em ol arapela memba i askim long dispela hap mani bilong distrik projek bilong ol we i bin stap long las yia i kam na ol i no kisim yet.

Minista Bart Philemon i tokaut olsem gavman i bin stapim pinis ol dispela mani tasol ol memba i ken kam sindaun wantaim em na ol opisa bilong em long ol i ken lukluk insait long dispela na painim rot bilong helpim ol projek ol i makim pinis long distrik bilong ol.

RIWOD*

Taim yu baem nupela Toyota ka long Ela Motors long dispela mun, yu bai kisim ol presen samtin long Brian Bell inap long Tiket mak bilong K500.00. Hariap nau... Ofa bai i stop long 31 de bilong mun Mas. No ken misim dispela top Riwod*. Painim mipela long 15 hap opis bilong Ela Motors insait long PNG.



TOYOTA TSUSHO (PNG) LTD
www.elamotors.com.pg



*Mipela bai skelim i Retail Sales na bilik ill kaestomas. Long ol ka mipela i salim na givim out long 9-3-03 inap long 31-3-03. I nogat Gavman na Tendered Sales. Ofa bai i stop long 31-3-03.

PORT MORESBY PH 3229400 • LAE 4722322 • KOKOPO 9829100 • MADANG 8522188 • GOROKA 7321844
MT HAGEN 5421888 • WEWAK 8562255 • KAVIENG 9842788 • KIMBE 9835155 • TABUBIL 5488060
VANIMO 8571254 • PORGERA 5479367 • BUKA 9739915 • LIHIR 9864099 • ALOTAU 6410100



RD TUNA PROMOTIM NESENOL NA REJINOL DIVELOPMEN

By Ptr. Romeo B. Degolacion

BIKNEM RD Tuna Cannery insait long Madang I tingting nau long kamapim bikpela. Dispela em bihainim lukluk bilong Gavman olsem developmen na bikpela bilong kampani I mas lukim PNG risoses I mas stap longpela taim.

RD Tuna I soim pinis bikpela laik na komitmen long kantri na ikonomi bilong em na em bai givim mani long RD projek long dispela yia.

Namba wan, kampani bai mekim bikpela 600 Metric Tonne Cold Storage I go long 2000 Metric Cold Storage long Vidar bris, Not Kos long Madang. Dispela nupela projek ya bai kosim US1.4 milien we bai kamap bikpela storage insat long Saut Pasifik.

Wokabaut bilong ol pis tuna insait long solwara bilong PNG long dispela sisen I mekim RD Tuna Fishing Expansion program long sapotim na mekim kamap bikpela RD Tuna Cannery na ol arapela operesen bilong em.


Taim dispela projek I stat, em bai kamapim bikpela mani long Madang, kamapim wok na tu ol arapela ol sait bisnis bilong ol komyuniti istap klostu long RD Cannery.

Mak bilong dispela projek I pinis em Jun na ol sbai stat long wok long Julai. Em bai kisim arapela 200 wokman gen long wok wantaim moa long 100 wokman I stap pinis wantaim kampani.

Namba tu, dispela 2000 Metric Storage na Canning Plant bai kosim kampani K50 milien. Wok bilong dispela tupela projek bai stat long Septemba. Ol bai wokim dispela projek insait long Marine Economic zone insait long Vidar Plentesin, Not Kos bilong Madang.

Eksekutyutiv vais presiden Mista Ritche C Rivera bai lukim moa wokman 4,000-5000 long dispela nupela Cannery, bringim moa ovasis mani I kam insait na luksave olsem PNG em I Leading Tuna Exporter.

iWantaim bikpela senis I kamap na moa diman long cannery na prodaksen na fish catch prodaksen, RD Tuna I laik pusim dispela fishing projek na dispela bai wetim tasol sapos gavman I ken givim moa fish-



ing laisens na ol arapela helpim aninit long dispela projek Mr Ritche I tok.

Namba tri, k gat 48 Hectre Rice plentesin we wok bai stat neks wik long 800-hectre Vidar plentesin. Namba wan 5-hectre we ol bai traim tasol long planim wantaim helpim bilong wanpela didiman (agrikalsa saintis) bilong Philippines. RD Grup I laik mekim dispela olsem piksa bilong komyuniti I stap klostu long RD Cannery na kamapim lokal kastama wantaim PNG rice na long bihain taim, helpim kantri long daunim bikpela bil bilong baim rais ovasis.

Las tru, wanpela kamapani long Japan, YAMAOKA Grup I laik wok wantaim RD Tuna long bildim wanpela prosesing plant insait long Marine Economic Zon long Vidar. Dispela projek I ken kamapim 40-50 MT bilong Yellow fin I olsem meat we ol I ken maketim I go long Japan, US, Australia na Europe. Dispela \$US 2 milien projek bai kisim arapela 200 wokman.

Menesing Dairekta Mista Peter C Celso I gat strongpela bilip olsem bikpela mani bilong RD Tuna wantaim wok bung bilong PNG Gavman I ken soim rot long ol arapela kampani long daunim hevi bilong mani na givim planti helpim I go long ol pipel bilong Madang.





• Lapun meri painim poro.....Husat i tok ol lapun i nogat filings. Lapun meri ya i gat 84 krismas tasol em i laikim helpim long painim wanpela man we em i ken gat laik long em na maritim em. *Poto: CHINA PICTORIAL.*

Lapun meri Saina painim lewa yet

SAINA: Planti i save tok taim ol manmeri i kamap lapun nau ol filings bilong ol i dai tasol wanpela lapun meri long Saina i laik painim lewa yet.

Lapun nem bilong em Ruan Yonglan na em i gat 82 krismas na em i salim nem bilong em i go long wanpela kampani husat i save kisim nem bilong ol lain i laik painim poro. Taim lapun Ruan i mekim dispela pasin ol bikpela pikinini bilong em i krai na stapim em long mekim dispela pasin tasol em i strong yet bikos em i tok em i gat rait long kisim wanem samting em i laikim long laip bilong em.

Sampela famili memba i

krai tasol tumbuna pikinini meri bilong em husat i gat 18 krismas i wanbel tasol long lapun mama bilong em na em i tok dispela em laik bilong lapun yet.

Lapun Ruan i kisim poto bilong em na salim i go long kampani na em i tokim em i gat gutpela helt na gutpela tingting na planti mani.

Em i save kisim gutpela mani tru long distrik bilong em bikos em i save salim ol spesol plens bilong kaikai na i gat planti kastoma na em i save bungim moa mani.

Ruan i tok em i gat mani na i gat sans long mekim bisnis i kamap bikpela tru tasol em i les long mekim olsem bikos

em i no wari long mekim bikpela mani. Tingting bilong em long stap amamas tasol long graun taim em i stap laip yet na amamas long wanem liklik wok em i mekim. Em i tok laip em gutpela samting na wanem kain pasin em i mekim em i laikim olsem em yet i ken painim amamas.

Planti pablik i rait na protes long em bikos ol i tok em i lapun tumas tasol sampela i tok em laik bilong em yet na em i ken mekim wanem samting em i laikim.

Sampela man i bekim pas bihain long ol i lukim poto bilong em tasol em i pret long nogut ol i laikim mani bilong ol na ol i no tingting tumas long filings bilong em.

Mongki mit mekim pipel sik

JENIVA: Mak long 75 lain i dai pinis bihain long ol i kaikai mit bilong mongki long wanpela Afrikan kantri ol i kolim Konga.

Ol saintis na helt wokas bilong Wol Helt Oganaisesen (WHO) i go insait long dispela eria na mekim planti wok tru long traim kontrolim na stapim moa pipel long dai. 93 lain i bin kisim taim long dispela sik bilong kaikai mongki mit ol i kolim Ebola na long dispela namba 75 i dai pinis na i gat pret olsem moa lain bai dai yet sapos ol i no kisim helpim bilong ol helt wokas na WHO.

Dispela sik i stat long Kelle na Mbomo distrik long Kongo na ol helt wokas i wok long wari yet long moa lain yet i ken dai sapos ol i no kam hairap long kisim

helpim long ol helt wokas.

Las wik yet ol WHO i bin putim namba bilong ol long i dai i stap long 64 tasol dispela namba i go antap long 75 nau.

Mausman bilong WHO lan Simpson ol i kamapim planti kontrol wok long eria long stapim dispela sik long go long ol lain husat i nogat dispela sik. Long wanpela haus sik long Kelle distrik ol i bin pasim wanpela hap kona na putim ol lain husat i gat sik wantaim Ebola na stapim ol narapela sik lain long go raun long dispela eria.

Ol helt wokas na ol doktas bilong WHO i givim sampela strongpela toksave long ol pipel long olgeta hap long ples long kam kisim helpim hariap na stapim dispela long kilim moa pipel i dai.

Man i gat strongpela tingting long helpim ol pikinini Tibet

TIBET: Wanpela man i lusim gutpela kantri bilong em na ples bilong em i go long wanpela rural ples long kantri Tibet na i laik lainim ol skul pikinini long tok inglis.

Man ya nem bilong em Konou Caheorg na em bilong kantri Nowei. Taim em i harim na lukim ol liklik pikinini long wanpela skul ol i kolim Jiayi Praimari Boding Skul long Gonghe Kaunti long Kinghai provins long Tibet bikpela sori tru i kisim em.

Konou i kirap lusim Nowei na i go long Kinghai na kamap tisa na hetmasta bilong ol liklik pikinini long Jiayi Praimari Skul.

Ol komyuniti long Tibet i amamas tru long Konou na ol i mekim em kamap wanpela man bilong ol

yet. Ol i kolim nem bilong em Gazang Dogye long Tibet na ol i lainim em long tok ples Tibet tu.

Nau em i save gut tru long tok ples bilong ol bihain long em i stap tupela yia olgeta wantaim ol.

Bipo taim em i go long Tibet long 1997 em i lukim ol i mekim selhaus olsem klasrum tasol nau em i helpim long bildim tupela nupela klasrum na kisim planti helpim long kain wok em i mekim wantaim ol liklik pikinini.

Konou i tok maski pei i liklik tasol em i no wari long pei. Taim em i lukim ol liklik pikinini i amamas long lainim ol gutpela samting em i tisim ol dispela i gutpela moa long mani.

Moa yet em i save givim liklik



pei bilong em i go long ol liklik studen husat i gat hevi long baim skul fi na ol i save kisim gutpela eduksen.


Ol lida na papamama bilong dispela ples i amamas tru long gutpela pasin em

i save mekim long ol.

Konou i stap mak long sikpela yia olgeta long dispela hap na em i gat tingting long maritim meri Tibet yet na stap long dispela ples.

• Laikim tru long wok wantaim ol turangu.....Man holim soka bal ya nem bilong em Konou Caheorg na em i hetmasta bilong wanpela rural skul long Saina. Kantri bilong em yet long Nowei tasol em i save sori tru long ol liklik na em i lainim ol long inglis na helpim long bildim wanpela klasrum bilong ol. Em i tok em laik maritim long meri Tibet.

• Lephan: Konou i holim wanpela liklik meri na ol narapela i amamas sanap wantaim em. Maski em i save kisim bikpela pei long kantri bilong em long Nowei tasol sori bilong em long ol dispela liklik pikinini long dispela longwe rural eria bilong Tibet i mekim em stap olsem wanpela tisa long hap.



Afghan refuji sevim mani bilong gavman

KENBRA, Australia: Wapela rural komyuniti long Australia i stap redi long pait long raits bilong sampela refuji bilong Afghanistan husat i wok long stap long ples bilong ol na wok i stap.

Wapela bikpela wok painimaut bilong wapela yunivesiti profesa i tokaut kia olsem ol Afghanistan refuji husat i gat tri-ya pemit long stap long Australia i wok olsem ol lebra long ol fams long Australia na ol i save baim bikpela takis tru long gavman bilong Australia.

Mak long 90 refuji i stap nau long wapela liklik taun ol i kolim Young long Niu Saut Wels (NSW) na ol i mekim planti ol wok

long ol bikpela fam na wok long sapatim Young komyuniti long kain hat wok bilong ol.

Tasol tri-ya pemit bilong stap long Australia i laik pinis nau tasol ol lida bilong Young kaunsil i tok ol bai pait long holim ol dispela refuji i ken stap bek long Australia.

Sidni Yunivesiti profesa Frank Stilwell i mekim wapela wok painimaut na long dispela wok painimaut em i mekim wapela ripot olsem ol refuji i bin givim mani mak long \$A2.5 milien i go insait long ikenomi bilong taun pinis.

Profesa Stilwell i tok bikpela tingting bilong em long mekim dispela wok painimaut em long givim moa kia piksa

long wanem kain gutpela samting ol refuji i save mekim long bringim gutpela samting i kam bek long Australia.

Em i tok i tru olsem Young taun i kisim moa helpim na narapela samting tu em ol takis we ol refuji i save baim i go long gavman na bikpela helpim tru ol i save givim long ikenomi bilong kantri.


Profesa Stilwell i tok dispela ripot bilong em bai em i givim i go long Young Taun Kaunsil na Imigresen Minista Philip Ruddock.

Ol lida bilong Young i tok bai ol i strong long holim ol refuji i ken stap long ples bilong ol bikos ol i amamas tru long kain helpim ol refuji i save givim ol.

Ol meri Amerika bilas Saina

• Yangpela meri Amerika i amamas tru long gutpela bilas tumbuna bilong ol lain Huayaodai pipel long Yunnan provins long kantri Saina. Meri ya i go raun wantaim sampela was kul bilong em long lukluk na stadi long pasin tumbuna bilong ol Huayaodai pipel.

Aninit: Lukim tupela yangpela meri Amerika i sanap wantaim ol ples meri bilong Huayaodai. Tupela meri em studen long wapela yunivesiti long Amerika.



Ol meri fama laik mekim ren danis

MELBON, Australia: Husat i save harim long wapela danis ol lain pipel bilong Saina na Australia i save mekim long kisim ren i kam long graun bilong ol. Dispela bilip bilong ol Afrika na Saina em sampela ol meri famas long Australia i laik mekim long traim kisim ren i kam long graun bilong ol.

Bikpela san i bin kukim graun bilong planti ol famas long Australia stat long las via yet na dispela hevi i mekim faming indastri bilong Australia i lusim planti mani tru.

Long Sidni bikpela paia i kamap na kukim ol ples na nau long Niu Saut Wels (NSW) bikpela ren i stat long kam daun na ol pipel i amamas tru long dispela ren.

San i wok long kukim ples na graun i wok long bruk na op tumas na dispela i mekim ol kaikai i paia na drai olgeta.

Planti fama long NSW i amamas tru las wik taim bikpela ren ya i pundaun na mekim graun bilong ol i kamap gutpela gen. Nau em i taim bilong ol long bungim kaikai na stat redi long wok long graun gen.

Long Melbon, ol famas i stap yet long hevi bilong bikpela san i wok long kukim ol graun na samting yet

tasol wapela meri fama i tokaut olsem ol i gat bilip long ren danis na ol i laik mekim dispela long kisim ren i kam long dispela eria bilong Australia.

Oganaisas bilong dispela ol meri husat i laik mekim ren danis Lynne Healy husat i wapela sip na wit fama i tok ol meri i tingting strong olsem sapos ol i mekim dispela ren danis bai ren i kam.

Misis Healy i tok moa long 400 meri long olgeta hap bilong Viktoria, NSW, Kwinland na Saut Australia i bin givim nem bilong ol pinis na ol bai go long wapela rural eria long Melbon long mekim danis bilong ol.

Plis bai go pas long eskotim ol.

Misis Healy i tok ol i kisim dispela tingting long mekim danis bilong ol taim ol i harim stori bilong sampela meri Nepal long Saina i mekim ren danis bilong ol na ren i bin pundaun long ples bilong ol. Tasol ren i kamap planti tru na bikpela tait wara tu i bin kam bagarapim samting tu long Saina.

Misis Healy i tok ol meri bilong ol famas i gat strongpela bilip olsem sapos ol i mekim wankain danis tu bai bikpela ren i pundaun.



Bot paia na planti lain i dai long Indonesia

JAKARTA: Wapela bikpela bot ol i kolim feri i bin laik go long Not Sumatra taim bot ya i kapsait na 28 lain i dai na 42 moa i lus long solwara. Wapela man tasol i stap laip long dispela hevi na plis wok long painim moa bodi yet i stap nau long dispela taim.

Plis long Indonesia i tokaut olsem mak long 28 lain i bin dai pinis we plis i kisim bodi bilong ol na putim long haus sik tasol

moa olsem 42 i lus yet.

Namba bilong ol lain husat i bin sindaun long bot i stap olsem long 63 na plis i wok long mekim wok painimaut long sekim yet amas lain i dai pinis.

Plis i tok taim bot i lusim ples na i laik go long Sumatra na i bin gat planti moa lain tumas na ol kru bilong bot i no save gut long wanem samting i kamap long bot.

Tasol wapela paia i bin kamap long bot na kukim bot na bihain bot i kapsait na ol pipel i lusim laip bilong ol.

Bikpela hevi na sori tru i stap wantaim ol pipel na famili husat i bin lusim ol famili memba bilong ol long dispela hevi na plis i wok long mekim moa wok long sekim gut bot na wapela ripot bai kamap long wanem samting i kamapim dispela hevi.

Pilipins paitman i kilim i dai faivpela soldia

MANILA: Bikpela pait tru i bin bruk namel long ol ami bilong Pilipins wantaim ol gurela paitas long dispela kantri we i lukim sikpela lain i dai pinis.

Faivpela soldia bilong ami i dai na wapela pisaman bilong dispela ples em laip bilong ol i lus.

Pait i stat taim ol gurelas i sutim tok long gavman bilong presiden bilong Pilipins Gloria Arroyo olsem em i bin mekim

sampela hait toktok long ami i mas holimpasim ol lida bilong ol gurelas na dispela i mekim ol belhat tru.

Pastaim long dispela ol i bin mekim bikpela plen tru long kamapim gutpela toktok na wanbel namel long gavman na ol gurelas tasol taim ol i lukim olsem gavman i givim hait toktok long ol ami long holimpasim ol lidas bilong ol gurelas maski ol i stap laip o ol i dai

em ol i mas kisim ol tasol. Taim ol gurelas i harim olsem nau ol i belhat tru na bekim na pait wantaim ol ami na faivpela i dai long han bilong ol na wapela pisaman i dai.

Dispela samting i mekim na gutpela toktok we i laik kamap i pinis nau na hevi i stap yet. Kain hevi bilong ol Wes Papua na Indonesian gavman em wankain hevi tasol long Pilipins we i lukim dispela hevi i kamap.

Pik i susu long meme

Insait long

WANTOK
**MALOLO
TAIM**

Mas 6, 2003

Ol
tok win
long
palamen

pes 17

Tumbuna
Trek
mekim
nois long
Lae betde
pati

pes 18

Painim
pen-pren
long PNG
na ovasis

pes 19

Tok pilai
wantaim
Kanage

pes 20

Malolo
na ritim ol
komplan
na ol
tingting

pes 21-22

Lukim pes 16



Pik susu long meme

JAMES KILA i raitim

STOP na traim tingim. Wanpela liklik pik i dring susu bilong wanpela mama meme na i groa hariap tru.

Dispela em trupela stori na mi yet mi stap na lukim na kisim poto.

Nau yet dispela liklik pik em i gat 5-pela mun. Tasol gro bilong em i hariap tru na i winim tru ol arapela pik husat em mama bilong ol i karim long wankain taim.

Dispela tupela enimol o abus i poroman gut tru. Taim liklik pik i hangre long susu na mekim nois na kra i kra i, wantu tasol dispela meme bai harim tok na karim traipela solap susu bilong em i go na liklik pik ya i save susu long en. Maski meme i kaikai gras longwe, sapos em i harim liklik pik i karai, wantu tru em bai ron i kam.

Sampela taim, taim mama meme ya i piim olsem susu bilong em i solap em save hariap long go na givim susu bilong em long dispela liklik pik.

Mi bin raun i go olsem long mauten eria bilong Kafuku eria long lsten Hailans na painim dispela gutpela stori tru bilong dispela tupela naispela enimol.

Tru tumas dispela liklik pik ya i luk nais tru. Em i fat narakain stret

winim ol narapela pik we i raun raun long hauslan i stap.

Dispela em bikos susu bilong meme i gutpela tru na i givim gutpela kaikai stret long dispela liklik pik na em i kaikai gut na kamap bikpela kwiktaim tru. Yes dispela em i tru long susu bilong meme i gat gutpela ol kaikai bilong strongim bodi na long planti kantri long wol, ol manmeri i save yusim susu bilong meme long dring olsem susu na tu mekim ol krim olsem bata, sis na ol arapela prodak.

Dispela gutpela stori i stap long wanpela hauslain samting olsem 10 kilomita ausait long Goroka taun long lsten Hailans provins. Nem bilong dispela ples em Meksiken. Dispela tupela enimol o abus i poroman gut tru na i mekim planti ol manmeri aigris stret. Stori bilong ol tu em gutpela tru.

Wanpela jas man o viles kot mejistret i papa bilong dispela tupela enimol. Nem bilong dispela jas man ya em Vagi Gahukuve.

Vagi i kolim nem bilong dispela meme em Soresore na nem bilong dispela liklik pik em Meme.

Vagi i stori olsem mama bilong dispela liklik pik i bin dai taim em i karim dispela liklik pik, turangu i bun nating na klostu em i laik dai.

Vagi i bin baim dispela mama meme long K100 long



• Pikinini pik ya i nogat mama olsem na em i save dring susu bilong dispela mama meme. Em i dring susu taim em i liklik yet inap nau em i bikpela. Foto: James Kila.

narapela ples.

"Dispela meme em mi bin baim long K100 long narapela ples. Mi bin lukautim i go na em i bin karim pikinini. Tasol dispela pikinini bilong meme i bin dai na ol mama pik i bin kaikai. Mi bin sore tru," Vagi i stori.

Vagi i bin kisim liklik pik ya na i lukautim, tasol em i lukim olsem susu bilong dispela bikpela mama meme ya tu i wok long tait i stap,

na wanpela kain tingting i kisim em.

"Taim mi lukim olsem susu bilong mama meme i tait nogut tru na turangu dispela liklik pik i karai sore i stap olsem na wanpela kain tingting i kisim mi. Mi ting olsem ating mi bai traim putim liklik pik ya long traim susu long dispela mama meme," Vagi i tok.

Meri bilong Vagi i tok olsem planti taim ol i save lokim dispela

liklik pik insait long haus bikos ol i pret nogut ol stilman i kisim na kilim.

"Dispela pik i kamap gut tru na mipela i pret moa bikos ol stilman bai aigris long pik na kisim na kilim.

Planti lain i lukim olsem dispela pik i kisim gutpela kaikai long meme na em i gat mit tasol na nogat gris olsem na ol i save aigris stret long kilim na kaikai," em i tok.

Safe Motherhood Song Competition



The National Department of Health is looking for a song to promote Safe Motherhood.

Safe Motherhood is a woman's ability to have a safe and healthy pregnancy and birth.

Things that affect Safe Motherhood include the physical environment, the social environment and choices a woman and her family make.

Song writers and musicians are invited to submit original lyrics only or lyrics and music (on a demonstration tape). Songs should be in Tok Pisin, no longer than 4 minutes and based on any or all of the following themes:

- * The benefits of safe pregnancy and healthy delivery
- * Ways to ensure a safe and healthy pregnancy and birth
- * Ways for husbands, families & communities to respect and support pregnant women
- * The benefits of planning a family
- * The value of women and the importance of education for girls

Great Cash Prizes to be Won

1st	2nd	3rd
K1000	K600	K400



Submit your entry before the closing date of Monday 31st March, 2003.

For more information on Safe Motherhood, contact Health Promotion Branch on Ph: 301 3826 Fax: 301 3742

MOTHERHOOD IS SPECIAL

Let's make it safe!



Safe Motherhood Song Competition Entry Form

NAME:.....

ADDRESS:.....

CONTACT PHONE NO: FAX:

SONG TITLE:

My entry includes (tick one box)

Written lyrics only demo tape with written lyrics

I hereby submit my entry in the Safe Motherhood Song Competition and accept the conditions of entry.

...../...../2003
Applicant's Signature Date

Conditions of Entry

- (1) Lyrics must be original and in Tok Pisin.
- (2) Songs must be of no longer than 4 minutes duration.
- (3) Any costs associated with entering the competition must be met by entrants.
- (4) Entries must include typed or legible hand written words for songs.
- (5) No late entries will be accepted.
- (6) Prizes for 1st, 2nd and 3rd places will be awarded.
- (7) Judges decision is final and no correspondence will be entered into.
- (8) Lyrics and/or music become the property of NDoH.
- (9) Choice of artists to perform winning entries will be decided by NDoH.
- (10) There is no limit to the number of entries an individual may submit.
- (11) Each song/entry must be accompanied by a signed original entry form.

Address your entries to:

Safe Motherhood Song Competition, Health Promotion Branch, National Department of Health, P.O. Box 807 Waigani, NCD, or drop them off at Health Promotion Branch (on the ground floor) Aopi Centre, Waigani Drive, Waigani.



Giaman politiks na ol tok win

Skelim Pasin wantaim YAKAM KELO

TAIM olpela gavman bilong Bill Skate i bin kamap na kisim opis long 1997 i kam, ol memba i amamas long ol i stap long gavman na ol i soim ol pasin na strong bilong sanap wantaim long gavman.

Tasol sampela mun i go pinis na ol planti tok win tru i bin raun long olgeta kona bilong palamen haus na ol gavman opis na tu long ol pati ples na ples bung nabaut olsem dispela grup i wok beksait long Praim Minista o dispela pati i mekim plen long salensim lidasip bilong Praim Minista. Ol kainkain toktok i bin kamap. Sampela opisa i kamap olsem ol i saveman tru bilong politiks na ikonoms na ol i ken lukim ron bilong politiks, kantri na ikonomi i go olsem wanem. Ol i save raun wantaim ol kainkain edvais o tok stia bilong ol long mekim kirap bel bilong ol memba na ol pati lida.

Ol kainkain tok win i raun long wanem grup o hap ol memba na pati bilong ol i stap long strongim namba bilong senisim gavman bilong Bill Skate.

Wanpela bikpela piksa ol i bin yusim long daunim gavman bilong Bill Skate long dispela taim em long hevi bilong mani (Kina) i pundaun insait long kantri. Planti i tok gavman bilong Bill Skate i bin westim nabaut planti mani tru olsem na kantri i sot long mani.

Planti kainkain nius ripot i kamap we planti lida o ol lain i go pas long bungim strong i kolim nabaut nem bilong ol memba maski ol memba i no toktok wantaim ol.

Wanpela nius i bin kamap olsem sampela lain i haitim olpela memba bilong Nawae Kennedy Wenge na memba bilong Saut Flai Bitan Kuok na karim tupela i go long Indonesia. Dispela em long grisim tupela long strongim namba bilong senisim gavman bilong Bill Skate.

Tasol bihain Mista Wenge na Mista Kuok i salim tok-save i kam olsem nogat man i haitim tupela o pusim tupela long mekim wanpela samting. Tupela i raun wantaim amamas tasol.

Kainkain toktok i raun nabaut long bagarapim nem bilong gavman long dispela taim na tu dispela kain toktok i kamap long brukim ol pati we i sanap wantaim

long gavman. Na em i stret olgeta kainkain pasin na stail i senisim gavman bilong Bill Skate long 1999.

Pasin bilong politiks em i gat ol kainkain toktok mauswara, tok gris, tok win nabaut long sutim bel bilong man, stilim toktok bilong narapela man na go tokim narapela na ol kainkain pasin na stail tru i save kamap.

Long dispela taim planti man i kamap olsem ol man bilong ritim driman o ol saveman bilong politiks na ol lain bilong gimim tok stia.

Orait long palamen las wik Tunde taim palamen i kam bek bung long dispela yia 2003, Spika bilong Palamen Bill Skate i tokaut olsem pati bilong em Pipels Nesenel Kongres (PNC) i sanap strong wantaim gavman bilong Sir Michael Somare na Allan Marat.

Mista Skate i mekim dispela toktok long floa bilong palamen long ia bilong olgeta memba bilong palamen we ol i sindaun na harim gut tru. Sampela memba i kirap nogut long harim dispela kain nek na arapela i sindaun na lap isi tasol.

Sampela memba bai tok Bill Skate i laik mekim dispela long gimim bel amamas long Somare na pati bilong

em Nesenel Alaiens (NA). Arapela bai i tok em i gut-pela long Bill Skate i autim klia bel na tingting bilong em na pati bilong em.

Mista Skate i bin tokaut klia olsem sampela tok win i wok long raun long bagarapim nem bilong em na pati bilong em long sanap bilong ol tude wantaim gavman bilong Somare. Ol tok win i sut long Skate na pati bilong em i wok long traim bruk i go longwe long kamapim salens long Somare gavman long senisim gavman.

Sapos i gat ol tok win i raun long daunim nem na pati bilong Bill Skate, dispela i no nupela pasin. Kain pasin bilong mekim ol lida na pati i kisim bel kros na bel nogut long arapela memba bikos ol giaman toktok i raun olsem win insait long ol opis bilong palamen. Na ol dispela tok win i ken kamapim bikpela senis we i ken bagarapim sanap wantaim na poroman bilong ol pati insait long gavman.

Praim Minista Sir Michael Somare i ken bilip long ol dispela tok win o kisim bel nogut long ol dispela kain tok win na rausim Bill Skate na pati bilong em o husat arapela pati insait long gavman we ol tok win i kamap long ol. Sampela taim ol

samting i no tru tasol ol lain i save mekim doti politiks i ken mekim dispela long bagarapim ol lida na pati bilong ol.

Ol tok win i save raun na ol pati na ol lida i save kisim taim. Praim Minista i save gat pawa long rausim ol pati na lida bilong ol long gavman sait. Sapos yumi lukim i go bek long 1999, olpela memba bilong Kompam Ambum John Pundari wantaim pati bilong em Edvens PNG Pati (APP) i bin sapotim Sir Mekere Morauta na ol kisim gavman. Lain bilong John Pundari i mekim bikpela wok tru long kamapim gavman bikos ol i ronawe long bikmoning na lusim grup bilong Bill Skate na i go joinim grup bilong Mekere. Mista Pundari i kisim presen bilong em olsem Deputi Praim Minista na ol memba bilong APP i kisim ol Minista wok na ol i stap long gavman.

Tasol i no longtaim, sampela kain tok win na tok giaman i raun na Mekere i hariap tasol rausim John Pundari na ol lain bilong em. Gavman i stap i go na sampela taim namel Mekere gavman i rausim Michael Nali na grup bilong em Pipels Progres Pati (PPP)

long sampela kain hait pasin nabaut ol i mekim.

Bihain gen Mekere gavman i rausim grup bilong Sir Michael Somare long gavman. Dispela taim Somare i bin kamap Minista bilong Bogenvil Afeas na Maining. Bikos long ol tok win na hait politiks tingting bilong ol edvaisa tasol na kain senis olsem i bin kamap.

Ol edvaisa tu bai wok hat tru long gimim ol kainkain tok stia long gavman bikos ol i laik kisim wanpela gutpela o bikpela posisen long wok. Olsem na ol bai wok strong long soim save bilong ol wantaim ol kainkain tingting na tok stia we yumi i no save sapos ol i tok tru o i no tru.

Olsem na olgeta gavman i mas lukaut gut long pasin bilong harim ol tok win o oraitim ol edvaisa i gimim kainkain tok stia na tingting bilong ol egensim narapela pati na lida bilong ol. Gavman i mas sanap long amamasim ol memba na pati bilong ol bai ol i ken sanap bung wantaim long strongim gavman na wok bung lukautim na ranim gut kantri.

Pati i bruk bruk nabaut long gavman em i piksa bilong kantri i bruk na i nogat strong long ron gut.

Plis mekim rong na gavman i save baim

WANEM bagarap ol plismanmeri i kamapim long laip o ol samting bilong ol manmeri em ol dispela plisman yet i mas stretim long mani bilong ol yet. Dispela em wanpela bikpela toktok NDC Sentrel Plis Komanda na Asisten Komisina Jeffery Vaki i bin mekim long dispela wik long bikpela bung bilong olgeta Provinsal Plis Komanda long Mosbi.

Dispela em wanpela bikpela samting tru bikos planti manmeri i save kisim pen na bagarap na tu ol i save lukim ol haus, pik, stua, ka na ol arapela samting bilong ol long han bilong ol plisman taim ol i save mekim reid long ol setelmen, ples na long ol haus.

Sampela plisman i go mekim wok bilong ol stret we ol i laik painim stret wanem samting ol i go long en. Tasol arapela i save mekim nabaut long kilim ol pik dok na paitim ol manmeri nating o kikim ol samting nabaut na brukim ol arapela samting tu. Sampela taim ol pairap long sotgan na mekim nois nabaut na pretim ol manmeri na turangu ol liklik pikinini na ol bebi i save pret nogut

na krai nabaut. Planti bagarap olsem em ol manmeri i save kisim ol plis i go long kot na sampela i bin winim kot bilong ol pinis na kot i sasim, stet (gavman) long baim kompensesen. Wanpela ples long Simbu provins i bin winim kot na kot i askim gavman long peim kompensesen long ol bagarap ol plisman i mekim long ol samting long ples. Watarais ples long Makam long Morobe provins tu i bin winim kot bilong ol long ol bagarap ol plisman i bin kamapim long ol haus na ol samting bilong ol long bipo. Kot i askim gavman long peim kompensesen.

I gat planti arapela kompensesen tu gavman i mas peim ol manmeri long ol bagarap ol plisman i bin kamapim long ol manmeri na ol samting bilong ol long planti hap bilong Papua Niugini long bipo i kam nau.

Mista Vaki i tokaut stret olsem sampela ol plismanmeri i mas peim sampela kompensesen bikos sampela samting em ol plismanmeri yet i mekim nabaut we i brukim lo. Olsem na



taim ol manmeri i kotim ol, ol manmeri i winim kot na plis fos i kisim sas long peim kompensesen.

Sampela taim ol plismanmeri i save kisim ol samting bilong ol manmeri olsem radio, televisen, katen bia na arapela bikpela samting ol i gat long haus

na karim i go long plis stesin. Planti taim ol manmeri i no save go bek na kisim ol dispela samting bilong ol bikos ol i no inap painim risit olsem na ol samting i save stap i go na lus nating long plis stesin.

Em i tru olsem ol manmeri i save pret long ol plisman taim ol

i kam na reid long haus o setelmen. Ol manmeri i pret nogut na ol i no save toktok gut o ol i save ronawe nabaut na ol plisman i save kam painim nogat man nau ol i save pinisim belhat bilong ol long ol pik dok na ol wanem samting i raun i stap

long haus. Ating dispela pret tasol ol manmeri i save gat long ol plisman i mekim na planti wok bung namel long plis na komyuniti i no save kamap gut. Ol plisman i save painim hat long kisim stret ol ripot na ol toktok long ol hevi na trabel we i kamap na plis i laik painimaut. Pablik i pret long toktok na ol i ronawe o ol i no laik tokaut ples klia taim arapela i stap na harim.

Ating dispela pret ol manmeri i save gat long ol plismanmeri i mas pinis na tu ol plismanmeri i mas kam long ol manmeri long stretpela rot na pasin bai ol i ken kisim gut wanem samting ol i laikim.

Wok bung wantaim namel long plis na ol manmeri em bikpela samting olsem bikpela wok tru i mas kamap long stretim gut dispela rot bai wok bung wantaim i ken kamap gut long strongim wok bilong lo na oda insait long komyuniti.

Ating i moa gutpela long wok bilong komyuniti polisings i mas go strong na mekim ol dispela komyuniti plisman i kamap moa strong bai ol i ken sanap klostu

wantaim komyuniti long wok bilong toktok na sindaun wantaim ol pipel long stretim lo na oda hevi namel long ol yet. Sapos hevi i bikpela tumas orait ol i ken singautim ol bikman bilong polis long opis i kam na sindaun wantaim ol na ol yet i mas go pas long toktok long ol pipel long komyuniti. Dispela inap mekim ol manmeri i no inap pret na tu ol bai sindaun ples klia na toktok wantaim ol plisman bikos ol i gat komyuniti plisman husat i save stap wantaim ol na i ken kisim gut wari na hevi bilong ol na stretim long plis stesin wantaim ol bos bilong plis.

Ol plismanmeri i mas tingim tu olsem planti manmeri i save wok hat long painim mani long baim ol samting bilong wokim haus, tred stua, ol PMV ka na ol arapela samting moa. Olsem na noken bagarapim ol dispela samting nating. Ol dispela samting i gat kos bilong ol na nogut asua bilong ol plismanmeri bai kot i tokim dispela plisman o plismeri long baim ol dispela samting. Bos bilong plis i tokaut nau olsem ol plis yet i mas baim asua bilong ol.

WANTOK
NIUSPEPA BILONG YUMI OL PAPUA NIUGINI STRET

NATIONAL WEEKLY HIT PARADE

March 8, 2003

Song	Artist	Last Week	This Week
Acting Aroma	K-Mala	1	1(4)
Aiwara	Shydeez	2	2(4)
Dipsy Queen	X-Vibes	4	3
Ropsie	Patti Doi	3	4
Suffer	Uralom Kania	6	5
Andoi	Irapsen	5	6
Abi Subom	Shydeez	10	7
Haus Mangi	Manny	9	8
Wasike	Manny	7	9
Lokim Long Tingting	Augustine Emil	8	10
Mi Still Lovem Yu	Sharzy	11	11
Island Girls	Pati feat O-shen, Fiji	19	12
Gunan Na Varilam	Patti Doi	13	13(4)
Blut Ikapsait	Augustine Emil	12	14
Pikinini Wass	Wass Kadoi	15	15
Wanaku	Augustine Emil	14	16(4)
Jayjay Sih	Hausboi	16	17(4)
Kowa Sine	Manny	0	18
Arave Makuri	Uriva	0	19
Mori e	Toxie	0	20

<i>in</i>	<i>Kowa Sine</i>	<i>Manny</i>
	<i>Arave Makuri</i>	<i>Uriva</i>
	<i>Mori E</i>	<i>Toxie</i>
<i>out</i>	<i>Tokim Mi</i>	<i>Patti Doi</i>
	<i>Mi No Marit</i>	<i>JWong/SBowman</i>
	<i>Korit</i>	<i>Kanaka</i>

Toksava & Birthday Kona

Painim tupela sista

Mi mangi Bougainville, Tinputz district, na mi laik painim tupela sista hia WANDDY SIMBUOK na BABARRA SIMBUOK, papa bilong ol bilong Tinputz, Bogenvil na mama bilong Simbu, tasol papa bin lusim ol na maritim narapela meri bilong Kerema.

Mi rait bikos ol relatives bilong papa bilong ol i laikim tupela long kam long Bogenvil so ol ken lukim tupela. Ol relatives bilong papa bilong ol i misim ol, olsem na ol laikim tupela long kam long Bogenvil. Papa bilong tupela i no stap tu wantaim ol relatives, em stap long Moresby, so ol lain bilong papa bilong tupela laikim tupela long kam.

Sapos tupela laik rait, hia me adres: CYPRIAN KENO, C/- TIN-PUTZ DISTRICT OFFICE, BOUGAINVILLE, NORTH SOLOMONS PROVINCE.

Em bilong toksava tasol long yutupela. Husat i save long tupela hia please toksava long tupela long adres na message.

Mi wanpela mangi bilong ridim ol leta bilong edita olsem na mi traim rait long painim dispela tupela sista.

Cyprian Keno
Tinputz

Birthday

**Hepi 3rd Birthday to
BRYAN PEU BAKRIE YABRA**

Yu tanim narapela yia old long 20/02/03. God i ken blesim yu na yu ken enjoyim dispela de.

Love from the Yabras in Tabubil, Mintip Mount Hagen, Daddy in Pom and Special one from small mum Juxzii

**Happy 43rd Birthday to John Sebastian
Kriosaki**



The Kriosaki family consists of Paul & Family, Sebastian Jnr, Jessica, Nicole, Rona, Joshua, Tanny, Petronila, Frederick, Leonie, Fugun, Jedida, Jacinta, Mama and Kemelyn of Pom City wishes John Kriosaki a Happy belated 43rd Birthday.

A Bachelor under God Almighty's Care.

Not forgetting all cousins and relatives throughout PNG and their beloved village of Haniyak - ESP.

"Happy Birthday Uncle John"

NAU FM Top 20

- Matter Of Time - UB40
- Strength Of A Woman - Shaggy
- Can't Stop Loving You - Phil Collins
- Aiwara - Shydeez
- Mesmerize - Ja Rule feat Ashanti
- Bonnie & Clyde - Jay-Z feat Beyonce
- Boys Of Summer - DJ Sammy
- Dilemma - Nelly feat Kelly Rowland
- The Zephyr Song - Red Hot Chillie Peppers
- One Love - Blue
- 8-Mile - Eminem
- Blue Night - Michael Learns To Rock
- Asereje - Las Ketchup
- Unbreakable - Westlife
- In The End - Linkin Park
- I'm Right Here - Samantha Mumba feat Damien Marley
- Big Yellow Taxi - Counting Crows
- She Hates Me - Puddle Of Mud
- Heaven - DJ Sammy & Yanou feat DO
- Don't Dream It's Over - Six Pence None The Richer

*Songs rated on requests and dedications from listeners through mail, email and faxes to NAUFM music programs.

Demas Saul na Shydees ben i pairap long FM Morobe betde

TIMOTHY LEPA i raitim

AVIAT Klap long Lae siti i bin kamapim wanpela bikpela pati tru long las wikem taim em i lukautim betde pati bilong FM Morobe. Dispela em namba 3 betde bilong FM Morobe redio stesin.

Dispela betde pati i kamap narakain na smat moa bikos ol manmeri i bin pulap tru long geit long baim tiket na go insait. Ol manmeri i pulap tru long ol i lai lukim ol biknem musik lain olsem Demas Saul bilong Madang Tumbuna trek na Shydees ben bilong Madang wantaim Tumbuna Trek Supa Saun ben.

Ol manmeri i pulap tru long geit long 8 kilok apinun na long 9 kilok em geit i pas bikos i nogat spes moa long ples bilong pati.

Ol feveret musik olsem Pasin Barata, Ai Wara i kam long Demo Saul na ol boi bilong Shydees tu i mekim nois wantaim ol feveret musik bilong ol na i amamasim ol manmeri gut tru. Ol bekap o sapat musik bilong Tumbuna Trek Supa Saun ben tu i mekim na ol manmeri i amamasim gut tru dispela nait.

Ol biknem redio anaunsa olsem Laks, HK, PS Kaimo Lepa na stesin menesa William Mairi taim ol i go katim betde kek bilong ol i mekim olgeta amamas i go rait olgeta wantaim ol stail toktok na eksen bilong ol long toktok na kirapim bel bilong ol pati manmeri.

Supa ben tu i mekim ol stail musik na ol manmeri i kilim skin stret long kalap kalap long danis floa bilong Aviat Klap.

Lokol ben bilong Lae em Jazz ben tu i bin kisim liklik sans tu long pilai long dispela taim long givim sampela lokol filings bilong Lae i go long



amamasim ol manmeri moa yet long dispela nait.

Mak olsem 700 manmeri i kam olsem Finsafen, Bulolo na ol ples arere long Lae siti we i lukim ples i pulap tru long ol manmeri long dispela nait long lukim ol feveret musik ben bilong ol olsem Demas Saul na Shydees ben bilong Madang.

Ol manmeri i amamas tu long traim resis long tiket ol i bin baim long go insait long pati. Ol prais em Bridgestone na I.F.C i go pas long givim na tu ol arapela bisnis haus long Lae i givim tu ol prais long dispela nait.

Stesin Menesa William Mairi i tok dispela i bin wanpela bikpela na naispela betde pati tru bilong redio stesin long Lae siti.

Siaman bilong Aviat Klap Bob Sali i tok tu olsem dispela tu em wanpela bikpela pati tru klap bilong ol i bin holim long dispela taim we i bin kisim planti manmeri tru i kam long amamas na pati.

Olgeta dring i pinis na ol manmeri i go het long baim ol arapela dring nabaut na dring long dispela nait.



EM TV

06/03/2003

- 5.30 JOYCE MEYER
- 6.00 EARLY MORNING NEWS
- 7.00 TODAY SHOW
- 9.00 CREFFLO DOLLAR
- 9.30 ***CLASSIFIEDS***
- 10.20 GRADE 7 SCIENCE PRIMARY
- 11.10 GRADE 7 SOCIAL SCIENCE PRIMARY
- 11.50 ***CLASSIFIEDS***
- 12.00 GRADE 11 MATH A
- 12.40 GRADE 11 GEOGRAPHY
- 1.30 ***CLASSIFIEDS***
- 2.30 SESAME STREET
- 3.30 FLINTSTONES
- 4.00 BUSH BEAT
- 4.30 DOWNLOAD
- 4.57 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE
- 7.00 LOTTO DRAW
- 7.01 CHM SUPERSOUND
- 8.00 TOK PIKSA
- 8.27 EMTV TOKSAVE
- 8.30 THIRD WATCH
- 9.30 LAW OF THE LAND
- 10.30 EMTV NEWS REPLAY
- 11.00 SPIN CITY
- 11.30 BABY BLUE
- 12.00 NIGHTLINE
- 12.30 ***CLASSIFIEDS***

- 6.30 SEVENTH HEAVEN
- 7.30 60 MINUTES
- 8.30 SUNDAY NIGHT MOVIE: THE SHAWSHANK REDEMPTION
- 10.22 CHIT CHAT
- 10.27 EMTV TOKSAVE
- 10.30 NATIONAL EMTV NEWS REPLAY
- 11.00 CHURCHES MAGAZINE
- 11.30 PHRASE
- 12.30 ***CLASSIFIEDS***

10/03/2003

- 5.30 JOYCE MEYER
- 6.00 MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 CREFFLO A. DOLLAR
- 9.30 ***CLASSIFIEDS***
- 10.20 GRADE 7 SCIENCE PRIMARY
- 11.10 GRADE 7 SOCIAL SCIENCE PRIMARY
- 11.50 ***CLASSIFIEDS***
- 12.00 GRADE 11 MATH A
- 12.40 GRADE 11 GEOGRAPHY
- 1.30 EMTV CLASSIFIEDS
- 2.30 SESAME STREET
- 3.30 BETLE JUICE
- 4.00 WONDER WORLD
- 4.30 DOWNLOAD
- 4.57 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE IN

07/03/2003

- 5.30 JOYCE MEYER
- 6.00 MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 CREFFLO A. DOLLAR
- 9.30 ***CLASSIFIEDS***
- 10.20 GRADE 7 SCIENCE PRIMARY
- 11.10 GRADE 7 SOCIAL SCIENCE PRIMARY
- 11.50 ***CLASSIFIEDS***
- 12.00 GRADE 11 MATH A
- 12.40 GRADE 11 GEOGRAPHY
- 1.30 ***CLASSIFIEDS***
- 2.30 SESAME STREET
- 3.30 FLINTSTONES
- 4.00 WONDER WORLD
- 4.30 DOWNLOAD
- 4.57 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 7.01 WORLD CUP CRICKET
-continues through to 6.15am Saturday

11/03/2003

- 5.30 JOYCE MEYER
- 6.00 MINISTRY
- 6.00 NINE'S MORNING NEWS
- 7.00 TODAY SHOW
- 9.00 CREFFLO A. DOLLAR
- 9.30 ***CLASSIFIEDS***
- 10.20 GRADE 7 SCIENCE PRIMARY
- 11.10 GRADE 7 SOCIAL SCIENCE PRIMARY
- 11.50 ***CLASSIFIEDS***
- 12.00 GRADE 11 MATH A
- 12.40 GRADE 11 GEOGRAPHY
- 1.30 EMTV CLASSIFIEDS
- 2.30 SESAME STREET
- 3.30 BETLE JUICE
- 4.00 GOODSPOITS
- 4.30 DOWN LOAD
- 4.47 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.58 NEWS UPDATE
- 6.59 LOTTO DRAW
- 7.00 HAUS & HOME
- 8.00 CRICKET WORLD CUP
- (subject to Australian involvement)continues through to 1.45am Wednesday

08/03/2003

- 6.15 LOONEY TOONS
- 7.00 FISHING NORTH AUSTRALIA
- 7.30 DON CLOWER'S MINISTER: "TODAY'S LIVING"
- 8.00 PLANET FANTA
- 9.30 PINKY & THE BRAIN
- 10.00 PIG'S BREAKFAST
- 10.30 CHALLENGER
- 11.00 GOODSPOITS
- 11.30 LOCATION LOCATION
- 12.00 THE EDGE
- 12.30 EARTH REPORT II
- SERIES: "BRAZIL ROADSHOW"
- 1.00 DOCUMENTARY: WILD INDONESIA: CREATURES OF ISLAND KINGDOM
- 2.00 JAPAN TV TOPIC
- 2.30 CONTACT
- 3.00 UK TODAY
- 3.30 BACKYARD BLITZ
- 4.00 BURKE'S BACKYARD
- 5.00 FISHING WILD AUSTRALIA
- 5.30 LEISURE WORLD
- 6.00 NATIONAL EMTV NEWS
- 6.30 CITY HALL
- 7.00 WORLD CUP CRICKET
- 1.45 TULAIT

12/03/2003

- 5.30 JOYCE MEYER
- 6.00 MINISTRY
- 6.00 NINE'S EARLY MORNING NEWS
- 7.00 TODAY SHOW
- 9.00 CREFFLO DOLLAR
- 9.30 ***CLASSIFIEDS***
- 10.20 GRADE 7 SCIENCE PRIMARY
- 11.10 GRADE 7 SOCIAL SCIENCE PRIMARY
- 11.50 ***CLASSIFIEDS***
- 12.00 GRADE 11 MATH A
- 12.40 GRADE 11 MATH GEOGRAPHY
- 1.30 EMTV CLASSIFIEDS
- 2.30 SESAME STREET
- 3.30 FLINTSTONES
- 4.00 WONDER WORLD
- 4.30 DOWNLOAD
- 4.47 EMTV TOKSAVE
- 5.00 CATCH PHRASE
- 5.29 NEWS BREAK
- 5.30 HAPPY DAYS
- 6.00 NATIONAL EMTV NEWS
- 6.30 A CURRENT AFFAIR
- 6.59 NEWS UPDATE
- 7.00 LOTTO DRAW
- 7.01 WEDNESDAY NIGHT MOVIE: ALICE THROUGH THE LOOKING GLASS CRICKET WORLD CUP
- (subject to Australian involvement)continues through to 1.45am Thursday

09/03/2003

- 6.22 CHIT CHAT
- 6.27 EMTV TOKSAVE
- 6.30 TIM HALL MINISTRY
- 7.00 THE TECHING MINISTRY OF CHARLES STANLEY: IN TOUCH
- 7.30 IT IS WRITTEN
- 8.00 BUSINESS SUNDAY
- 8.30 SUNDAY
- 11.00 SIGNS OF THE TIMES
- 12.00 WORLD IMPACT
- 12.30 TOYOTA WORLD OF WILDLIFE
- 1.00 THE COLD WAR
- 2.00 CHASING THE DREAM
- 3.00 THE PAT FARMER
- 4.30 AROUND AUSTRALIA SUNDAY AFTER-NOON MOVIE: KISEMET
- 6.00 NATIONAL EMTV

Muruk na kakaruk tupela i birua

BIPO taim dispela tupela enimal i mekim gaden gut long tupela yet na i stap long ples. Ol i stap na wanpela taim Muruk i tokim pren bilong em kakaruk long tupela i mas go long bus na katim diwai bilong mekim kanu.

Long nait tupela i tok-tok na kakaruk i yesa long muruk. Tulait long moningtaim nau na taim bilong go long bus na kakaruk i les gen long i go. Muruk wan i go long bus na katim bikpela diwai i go daun bilong mekim kanu. I go apinun na em i kam bek long ples, Long nait em i askim kakaruk long go na tupela i pulim diwai i kam long ples na sapim kanu.

Long nait kakaruk i tok yes na tulait em i les gen olsem pastaim, na muruk wan yet i go pulim diwai i kam long ples. Em i sapim pinis na i kamap kanu nau na em i askim pren bilong em kakaruk gen long go long kisim ol liklik diwai bilong saman. Em tu kakaruk i les. Orait, em wanpela i go kisim diwai na sel bilong kanu i kam long ples na pasim long kanu.

Kanu i redi nau na muruk i pulim i go daun long solwara. Nau tupela i kalap i go antap long em. Muruk i sindaun long fran. Tupela i sel i go long Karkar Ailan, na namel nau win i kam blokim pangal na ol i singsing na muruk i no lukim em. Olsem na em i askim pren kakaruk na pren i givim wanpela long em.

Muruk i kisim na i laik planim, tasol em i abrus na subim i go olgeta long narapela hap.. Em i askim pren bilong em kakaruk gen long wanpela moa. Kakaruk i tok: O sori mi givim pinis long yu. na muruk i tok, sori mi planim tasol i no sanap olsem bilong yu.

Em nau muruk i stat long kros nau. Em



i tokim kakaruk. Yu les baga stret. Yu no helpim mi long wokim dispela kanu. Yu ran skrapim pekpek arere long ples i stap na mi wan i wokim. Bai mi brukim as bilong kanu nau. Na kakaruk i tok: Pren em i samting bilong yu. Sapos yu laik brukim em i orait tasol.

Dispela i mekim muruk i belhat tru, na nau em i kirapim lek bilong em i go antap i kam daun na brukim as bilong kanu na wara i kamap na pulap long kanu na kanu i go daun long solwara. Trangu muruk i no inap flai na swim long solwara. Na kakaruk i kirap flai i go pinis long Karkar.

Muruk i swim i stap na wanpela trausel i kam na em i askim em long kisim em. Na trausel i tokim em i go antap long baksait bilong em. Em i karim em na pret na pekpek baksait bilong trausel.

Pekpek bilong em i sut nabaut i kam daun olsem tauka i putim spet bilong em. Na em i tokim trausel na em i karim em isi i go long Karkar na bringim em antap stret long wesana. Na muruk i kalap i go daun na i tanim trausel na pasim lek han bilong em.

Wantu em i ran i go antap long ples tokim ol man i kam na karim i go antap long ples. Ol i putim trausel i stap na ol i go long gaden na wanpela rat i kam na katim rop bilong en na em i ranawe i go bek gen long solwara.

Em long dispela taim na nau tupela ya muruk wantaim kakaruk i birua long kanu na wanpela i ronawe i go i stap long bus na wanpela i stap long ples.

**Josephatal.
Madang**

Mi gat wari na mi pret long tokim boipren, olsem na mi laikim helpim

Dia Laiplain,
Ol bin bagarapim mi (repim mi) taim mi wanpela tineja o mi wok long groap long kamap yangpela meri. Nau mi wari long wanem samting bai kamap taim mi marit na mi laik gat bebi.

Mi bin sik nogut tru bihain long dispela nogut samting i kamap long mi tasol mi kisim marasin long dokta na mi bin kamap orait.

Nau mi gat wanpela boipren tasol mi pret long tokim em long dispela samting i bin kamap long mi. Bai mi tokim em olsem wanem dispela enging we i bin kamap egens long laik bilong mi?

ABUSED

Dia Pren,
Planti meri we dispela samting i bin kamap long ol i save



traim hat long lusim tingting long em.

Em i hat tru tu long toktok long dispela samting, maski man o meri i klostu tru long yu.

Long planti, pen na pret pasiri long dispela samting i save stap wantaim long ol.

Sapos yu ino inap long serim dispela ekspirien wantaim dispela gutpela boipren, ating em i no raitpela wan

bilong yu. Bai yu pilim olsem wanem sapos em i harim stori long dispela samting long narapela man? Sapos wankain samting i bin kamap long en bai yu laik save nau o bihain taim?

Mipela i hop olsem boipren bai luksave long pilings bilong yu na tok em i gutpela yu serim dispela ekspirien wantaim long en.

Mipela i hop olsem dispela bai givim em sans long soim lav na em i gat bikpela tingting long yu.

Marit em i bikpela samting we tupela marit i serim ol gutpela samting na ol hevi wantaim.

Taim yu tupela i toktok long dispela samting em bai kamap tu olsem tes long rot we yu tupela bai serim na daunim ol hevi

long bihain taim.

Tingting long we na wanem taim em i gutpela taim long tokim em long dispela samting. I moabeta long toktok wantaim wanpela hospital sosel woka long en.

Ol bai helpim tu sapos boipren i laik toktok tu long wari na sait stori bilong em.

Long medikel sait, i moabeta long wokim arenjmen na lukim dokta husat i ken glasim yu gut.

Na i sans tu long askim em long ol samting we yu wok long wari long ol. Sapos yu laik, mama na anti bilong yu inap go wantaim yu.

Welfea opisa na sosel woka long Pot Mosbi Jenerel Haus sik inap long helpim yu wokim apoinmen sapos yu no klia tumas long dispela.

LAIPLAIN

Sapos yu gat hevi o wari, rait i kam long LIFELINE, P O Box 6047, Boroko o ringim mipela long telipon namba 3260011. Taim yu rait, plis putim nem na edres bilong yu. Mipela i no inap long salim bekim sapos yu no yusim trupela nem o edres bilong yu. Long dispela kolom, mipela save toktok long ol tru tru hevi tasol bai mipela i no inap long putim trupela nem bilong yu.

LAIPLAIN

Nem: Salome Hofa
Krismas: 16 (meri)
Adres: P.O. Box 614, Wewak, E.S.P.
Save laikim: Lukim TV, pilai volibol, raitim leta na wok gaden.

Nem: Osumamu Ali
Krismas: 21 (man)
Adres: P.O. Box 8, AG Kwamyako, C/R Ghana, West Africa.
Save laikim: Laikim musik, pilai futbol, senisim presen, draivim baik na serim ol fani tok.

Nem: Gema Karrie
Krismas: 18 (meri)
Adres: P.O. Box 614, Wewak, E.S.P.
Save laikim: Wok gaden long planim vanila, pilai volibol, go lotu na raitim pas long pren.

Nem: Aret Pato
Krismas: 22 (man)
Adres: Xenex Drilling (PNG Ltd) C/Lihir Post Office. N.I.P.
Save Laikim: Rait i go i kam wantaim ol penpren.

Nem: Rosemary Ackonu
Krismas: 24 (meri)
Adres: P.O. Box 1294, Cape-Coast, Ghana, West Africa.
Save laikim: Stail, rit, marit, pilai na raun lukim ol narapela ples.

Nem: Jane Hughes
Krismas: 23 (meri)
Adres: P.O. Box C/ 415, Cape-Coast, Ghana, West Africa.
Save laikim: Kuk, swim, danis na marit

Nem: Enock Moses
Krismas: 19 (man)
Adres: Suima Primary school P.O. Box 421, S.H.P.
Save laikim: Pilai basketbal, pilai soka na tok stori.

Nem: Angela Lubi
Krismas: 16 (meri)
Adres: Tabubil High school P.O. Box 204, Tabubil, W.P.
Save laikim: Go lotu, lukim TV na pilai basketbal.

Nem: Samuel Bade
Krismas: 21 (man)
Adres: St.Rita's Katelik Paris P.O. Box 27, Kainantu 443, E.H.P
Save laikim: Pilai soka, sofbal, harim musik, go lotu na skul na bungim nupela pren.

Nem: Nelson Aiser
Krismas: 16 (man)
Adres: Aitape high-school, P.O. Box 63, Aitape, S.P
Save laikim: Harim musik, pilai soka na raitim leta.

Nem: Anoko B. Sasi
Krismas: 25 (man)



Adres: P.O. Box 1158, Boroko, NCD.
Save laikim: Raun lukim ol narapela ples, fising, rit na go aut.

Nem: Nima Tapence
Krismas: 27 (man)
Adres: Ruango primary school, P.O. Box 659, Kimbe, W.N.B.P.
Save laikim: Tok pilai wantaim ol tisa na sumatin, raun long provins tu provins insait long kantri.

Nem: Dana Morea
Krismas: 17 (man)
Adres: Kiunga Secondary School, P.O. Box 88, Kiunga, Western Province.
Save laikim: Pilai soka, harim musik na lukim TV na senisim presens.

Nem: Michael Joseph Lamang
Krismas: 25 (man)
Adres: P.O. Box 110, Kandrian, W.N.B.P.
Save laikim: Raitim pas.

Nem: Alison Ariskul
Krismas: 28 (man)
Adres: P.O. Box 1118, Madang, Madang Province.
Save laikim: Go long lotu, pilai soka na wokim gaden.

Nem: Jonah Kumar
Krismas: 18 (man)
Adres: C/- Martin Gymar, Angau M. Hospital, P.O. Box 457, Lae, Morobe Province.
Save laikim: Stadim baibel, tingim na mekim pen pren.

Nem: Andrew Barnis
Krismas: 19 (man)
Adres: P.O. Box 7491, Boroko, NCD.
Save laikim: Pilai ragbi na wok bisnis na mekim pen pen.

Nem: Braimba Nazarene
Adres: Church Bromily District Tabibuga. P.O. Box 13, Banz, W.H.P.
Save laikim: Wok long faivpela blok kofi plante-sen, wokim disain long putim long t-siot na mi laik ol Woda manmeri na polis manmeri mas raitim pas i go i kam long pen-pren wantaim mi.

Nem: Jane Knight
Krismas: 16 (meri)
Adres: P.O. Box 84, Manus Secondary school, Manus Province.
Save laikim: Harim musik, rit na pilai spot.

KANAGE



Kanage em miks blut pikinini bilong Aitape. Long wanpela taim Kanage wantaim kas bilong em manki Luma tupela i go tromoi, tromoi long Aitape taun. Em nau Kanage i raun i go sindaun wantaim kas bilong em aninit long wanpela diwai arere long fil na i wok long tromoi, tromoi i stap. Hey! Wantu na Kanage tromoi ai i go antap long sait bilong buksop na lukim ekting kekeni bilong Sepik na ailan i wok long ron long baisikol i go daun long supa maket. Hariap tasol na Kanage lus nating na spin insait long supa maket na lukim kumkatim bilong Sepik na ailan i raun insait i stap. Baga ros ya hariap tasol na saitim em na tokim em yu tasol ron long baisikol ya. Man taim dispela blut bilong Sepik na ailan i laik tanim na krosim Kanage sori. Kanage i lus nating na han tasol i paitim ol mit insait long supa maket i kapsait na sekyuriti i singaut na Kanage i singaut tu long sait na tok sori mi laik tromoi long nil pis bilong ailan ya tasol abrus na sak i ronim mi.

David Nene Kou Mela
Aitape

Kanage em bilong Aitape liklik ples bilong em Nuruau. Wanpela taim nau na Kanage kisim tupela poro bilong em i go wok i stap

long bus arere long wara. Man tupela poro bilong Kanage i wok long bisu long wok i stap na Kanage i pilim olsem em i hat pinis. Hariap tasol em i rausim trausis na sanap wantaim anda pens bilong em na wok i stap wantaim tupela poro bilong em. Tasol yupela save, Kanage em kain man olsem tu. Taim Kanage i wok i stap na tu em save ai sait nabaut na lukim wanpela meri i wokabout i kam stret long em. Sori Kanage i lus nating na as bilong em i kirap olsem Muruk na das tu i kirap na Kanage i tekov.

Machael Amapos
Aitape

Kanage i bilong Madang hap long ples Amele. Wanpela taim Kanage wantaim ol wan raun manki bilong em ol i go long wanpela Tred Stoa na baim ol rais na ol sampela samting gen. Na ol i go long wara bilong kuk. Taim ol i kuk pinis nau taim bilong Kanage i laik serim kaikai. Kanage serim kaikai pinis na em tokim ol boi bilong em long pasim maus na brukim het na pasim ai bilong ol. Na ol i pasim ai bilong ol na Kanage i stat long pre. Na em i laik pre olsem kam bik-man, nau maus i abrus na tok, coming forever ya maybe.

Tom Fuluru
Madang

Kanage em i bilong Hapma kantri long Sambam. Em i save pren wantaim wanpela meri wantok. Dispela meri em i stail meri stret mun i kilim em na sipet wan ais. Planti man i save ai pundaun long dispela meri.

Mama bilong dispela meri i laikim olsem pikinini meri bilong em mas maritim bisnis man. Abrus Kanage rabis pes i kukim em long kol kambang bilong ol Tolai. Meri i hanagamap stret long ros huk bilong Kanage. Wanpela nait Kanage dring hombrustim na em i go painim meri bilong em. Long tupela bai kirapim tumbuna stori. Kanage i

go holim dua na dua i lok na em i hanagamap long pos igo antap long haus na wokabout isi isi tru olsem pusi. Taim em i hapim taunam long betrum na putim han kais igo Kanage holim stret nil kapok bilong meri ya. Meri ya em i singaut nogut tru. Tewel hia, tewel hia. Kanage i tok isi tasol. Elsie mi ya Kanage mi kam long yumi stretim toktok.

Meri kirap tokim Kanage.

"Yu laik stretim toktok, kam long san. Em i bikpela nait na olgeta man i slip pinis na tok-tok i pas pinis.

Kanage tok em i orait. Mi wetim tumoro san pastaim orait bai mi kam bek.

Bernard Yakapus.
Angoram

Kanage em bilong Angoram. Em i wanpela drag bodi. Em i save sumukim mariwana tumas na kamap longlong.

Em i save stilim ol samting bilong ol man nabaut na go salim long maket.

Wanpela nait paps Kanage i stilim 7-pela pens bilong wanpela mama long lain.

Neks moning papa Kanage i sindaun gut tru long rot na salim pens olsem seken han kolos i stap.

Boi wok long bikmaus na singaut.

Madas dei, madas dei. Madas anda kava on sel. Madas anda kava on sel. Liklik prais. Tu kina wan poti paiv, midiem sais fo bik as bampa. Tu fo sikis tin inses gel wan kina pipti paip toia.

Taim Kanage i lukluk, em lukim plis ka bilong Angoram i ron kamdaun long maunten. Isi tasol boi lusim pens long maket na lus long kunai.

George Lenua
Angoram

Kanage em i wanpela makau pes na em i bilong Angoram makau kantri. Wanpela de ol turis i kam long Angoram na ol i laik-igo lukim ples Kambamba. Ol i askim Kanage long soim ples long ol.

Taim ol i ron long moto yet ol turis i askim Kanage.

"Hey man are we near?"

Na Kanage i bekim, "yes masta, klostu, klostu you will see my country very soon.

We have lots of makau there. If you eat more makau, your teeth will be broken into pieces and your stomach will blow up like Manam volcano.

Valo Pati
Kimbe

Kanage em wanpela Luluwai bilong ples Kambamba. Long Sande em de malolo bilong em na em slip i stap na kirap long bik-san stret. Em i tokim meri bilong em olsem yu sigirapim kokonas na kuk bai mi kaikai mi hangre pinis na meri bilong em kirap na tok, yu wanem bos o. Bai yu slip slip kirap na kaikai tasol na fat olsem kau? Sem taim Kanage i harim dispela tok em belhat na wail stret, em i tok tete bai mi raunim yu stret. Kwiktaim meri bilong em i kirap na tok, yu wet. Bai mi tokim yu long wanpela gutpela tok. Sapos yu raunim mi bai olgeta manmeri long ples bai sori stret long mi bikos mi bun nating tru. Tasol bai ol i lap nogut stret long fatpela man i raunim bun nating meri.

Kanage kirap na kisim wip na meri kalap na ronawe. Kanage i laik kisim Sulu na pasin tasol abrus em kisim sket bilong meri na putim na stat ranim meri bilong em. Olgeta manmeri long ples i lukim olsem ol i lap indai stret long em. Kanage i luksave long em yet na sem nogut tru na i go bek long haus.

Nicholas Narks
Wewak

KANAGE



KANAGE EM BILONG WARA SEPIK.. EM WANPELA MAKAU PES MAN...



WANPELA TAIM OL TURIS IKAM NA OL I LAIK LUKIM PLES BILONG KANAGE NA EM KARIM OL I GO..



HEY, TOUR GUIDE! HOW FAR IS THE VILLAGE?



YES, MASTA! KLOSTU, KLOSTU YU SEE MY KANTRI. NAISWAN YA!



WE HAVE LOTS OF MAKAU THERE.. IF YOU EAT MORE MAKAU YOUR TEETH IS BROKEN AND STOMACH WILL BE BLOW LIKE MANAM VOLKENO!



SAPOS YU TING YU GAT SAMPELA OL PANI STORI BILONG KANAGE, SALIM I KAM TASOL LONG WANTOK NIUSPEPA, PO BOX 1982, BOROKO, NCD, PAPUA NEW GUINEA NA BAI MIPELA I PUTIM INSAIT LONG KANAGE PES O ATIS BILONG MIPELA BAI DROM LONG KANAGE BOKIS ANTAP. TU SAVE, KAIN BLONG EN YAH!!

Rausim ol bikhet Hailans long Kimbe

Dia Edita,
Inap yu putim kamap wari bilong mi long Wantok Niuspepa. Wari bilong mi i go olsem. Mi i no amamas long lukim ol manmeri bilong Hailans i save salim smok na buai long ai bilong ol stua na pablik ples long Kimbe taun.

yupela ol Hailans wokim kain pasin olsem long bagarapim taun bilong mipela.

Mi, yet mi bilong Simbu tasol mi trupela sitišen bilong Wes Nu Briten na mi no wanbel tru long lukim yupela ol Hailans i kam na wokim kain pasin olsem long taun bilong mipela ol gupela pipel bilong Wes Nu Briten provins.

Bipo long mi pinisim olgeta toktok bilong mi na laik mekim sampela toktok o askim i go long Gavman bilong Wes Nu Briten olsem Kimbe taun atoriti i mas wok strong na mekim save long ol lain husat i save sakim tok na brukim lo long wokim ol pipia long pablik ples.

Wes Nu Briten Gavana i mas traim hat long rausim olgeta skwata setelmen ausait long Kimbe taun. Ol i stap long bagarapim ples tasol. Olsem na ol i mas klia long dispela hap.

**Plus Alois
Mangi Buvusi.**

Yusim gut bodi

Dia Edita,
Mi wanpela manki Buang nau mi stap long Rabaul, Is Nu Briten provins. Lukluk bilong mi i go olsem long Kokopo Taun. Planti taim mi save lukim long rot na taun ol meri i wok long mekim pasin pamuk raun long kisim mani. Ol i gat pikinini pinis tasol ol i no sindaun isi.

Yupela i save long papamama bilong yupela long ples o nogat? Ol i save wok gaden na salim long maket na kisim gut mani.

Tasol yupela i wok long

salim bodi na kisim olsem K20, K40, K50, K60, K5, K2 na dispela ino stret tru bikos em doti mani yupela i kisim na baim kaikai long ol pikinini bilong yupela.

Ol susa yupela i mas kisim ol pikinini bilong yu na go bek long papamama bilong yupela long ples na wokim gaden na salim long maket na kisim moni.

Maski long wokim pamuk long bodi bilong yupela na kisim moni.

**Petrus K. Tesa
Rabaul**

Oi PMV bas long Mosbi i tromoi pasindia long hap rot

Dia Edita,
Mi wanpela man bilong Sauten Hailans. Mi kam i stap long Pot Mosbi siti na mi lukim wanpela samting ol bas draiva na boskru i mekim. Em i no stret long mi.

Ol bas draiva na bos skru ron bilong ol i nogut. Bas draiva i no pinisim gut ol ron bilong bas i go long hap em i mas stat na pinis long en.

Bas namba 11 stat long taun i go pinis long Waigani Seken Han maket. Olgeta bas i gat namba olgeta i gat ron na pinis bilong em i stap.

Tasol bas draiva na bos skru ol i wokim nupela lo bilong ol yet. Bas namba 10 kisim pasindia long taun i kam tanim long Manu na i go bek

long taun. Sampela i kam tanim long 3 Mail. Trangru sampela man i laik i go long 4 Mail o 5 Mail o 7 Mail trangru ol baim bas long 3-pela we. Dispela em i no stret tru.

Ná wanpela taim mi baim bas 17 na mi kalap na kam na boskru na draiva i tok bai ol i tanim i go bek na ol i tok strong tumas na ol i no givim hap mani i go long kastoma bilong Sabama.

Plis husat PMV Atoriti igo pas, sekim gut dispela sik istap long PMV draiva na boskru. Planti manmeri ol i painim hat taim stret.

**Aka Rimu
Mt Hagen Siti**

Noken bagarapim ol Menyamya

Dia Edita,
Mi wanpela man Madang mi i stap long Lae inap 30 yia. Mi laik askim dispela meri bilong Tambul Distrik, Westen Hailans. Em i tromoi sugar ken skin long meri Menyamya long Wes Taraka maket. Dispela meri Tambul i lukim dispela meri Menyamya olsem rabis meri na yu tromoi pipia long em yu i no save olsem em meri Menyamya i gat rait long maket.

Mi laik tokim yu olsem sista yu harim gut mi makim maus bilong bikbus lain insait long maunten long Menyamya. Mi no waitman bikos skin bilong mi em bilak. Ating yu dispela Tambul meri i waitmeri skin kala i wait na klin tru. Em amamas bilong yu i kamapim bagarap long Wes Taraka na planti samting bilong gupela pipel na manmeri paia kukim. Mi ken tok olsem yu tu yu kam long bikbus na ples bilong yu tu i nogat gupela senis.

Nogat gupela rot bilong ka na bai yu wokim bisnis olsem wanem? Yu kam long hatpela laip stret mi ken tokim yu. Kam na Morobe pipel givim graun long yu na yu sindaun na yu putim stret stoa baim bus ronim em. Na yu amamas mi tokim yu olsem ol Menyamya pipel i no longlong olsem yu na yu tingting gut Tambul Nebiliyer pipel i wok long holim yet pait bilong tumbuna i kam inap nau long 10 na 20 krismas bihain long tude.

Mipela ol Menyamya pipel i no moa pait olsem bipo. Sista sapos yu lukluk ol Menyamya senis gut tru. I nogat pait na kros nabaut. Pasin bilong tumbuna mipela ol Menyamya i lusim pinis. Na tok bilong God tasol i wok na i senisim ol pipel.

Olsem na sista yu i stap long Lae yu bilas gut na kamap naispela tasol yu go bek long asples bilong yu, yu bai kamap olsem pik slip long graun malomalo nogat waswas bilong em.

**Jonata Mason
Lae, MP.**

Dring

Yumi

cordial

Na Winim Wanpela FRI T-Shirt na CAP!!




FUN FRUIT FLAVOURS

YUMI Raspberry, Orange and Pineapple available in 500ml and 1 Litre.



Rul bilong winim prais...

- 1). Baim ol Kodiol (Painapol, Orange na Rasberi) long ol stua, na rausim ol wanwan lebol.
- 2). Raitim nem na adres bilong yu insait long kupon daunbilo na katim dispela kupon na putim long envelop wantaim ol lebo bilong ol Kodiol na salim i kam long WANTOK NIUSPEPA long adres:
**Word Publishing Company
PO Box 1982, Boroko, NCD
Papua New Guinea**
- 3). Noken salim ol potokopi bilong pepa i kam.
- 4). Dispela resis bai go het i go inap (12) wiks long givim sans long ol manmeri i winim prais. Bihain long namba 12-pela wik Wantok niuspepa bai putim tok-save long husat bai winim ol dispela YUMI KODIAL T-SHIRT na CAPS prais. Salim moa entri, yu gat planti sans long winim T-Shirt na Caps!!

WORD PUBLISHING COMPANY
P.O. BOX 1982
BOROKO, N.C.D
PH: 3252500
FAX: 325 2579

PUTIM NEM NA ADRES BILONG YU LONG HIA

NEM

ADRES.....KRISMAS.....

Kondom i kirapim pasin pamuk

Dia Edita,
Mi gat liklik wari bilong mi long *Wantok nuspepa*. Inap long *Wantok nuspepa* i helpim mi long printim liklik wari bilong mi.

Mi laik autim sampela tingting long ol pasin ol lain bilong stopim dispela sik nogut em AIDS. Yes mipela i amamas tru long yupela mekim awens kempen long redio o nuspepa o yupela i holim ol bung na toktok long stapim dispela sik nogut. Yes em i gutpela tru. Tasol wanpela samting em mi no amamas long en em yupela i tokim ol manmeri long noken slip wantaim narapela man o meri i no bilong yu. Nogut yu kisim dispela sik AIDS. Yes em i tru. Pasin pamuk inap long kamapim

dispela sik nogut. Tasol narapela samting em yupela i tokim ol man meri olsem long stopim yu long kisim sik AIDS em yu mas baim kondom long stapim yu long noken kisim sik AIDS. Oloman yupela i tokim mipela long noken slip wantaim narapela man o meri. Yes dispela em pasin pamuk. Tasol taim yupela i tok long baim kondom na yusim dispela i mekim pamuk i go bikpela olgeta. Bikos ol manmeri bai ting olsem em i orait mi ken slip wantaim narapela man o meri long wanem kondom bai helpim mi long ino inap long kisim sik AIDS. Yupela i tokim pablik long stopim orait bihain yupela i tok em orait kondom i stap yupela i

ken mekim moa pasin pamuk i go het. Mi no amamas long yupela i wok long tokim pablik. Yumi mas save olsem pasin marit em God i bin blesim na man o meri i slip wantaim. Dispela em i stretpela pasin. Baibel i tok yu noken mangalim o yu noken mangalim meri o man bilong narapela. Dispela yu brukim lo na dispela em yumi mas save olsem bihain long las de taim bikpela Jisas Kraisi i kam bek gen em bai kotim ol manmeri save mekim ol pasin i doti na mekim ol kain samting nogut.

God i no givim tingting long ol man long dispela graun olsem taim yu laik slip wantaim man o meri yu mas yusim kondom long taim

yutupela i slip wantaim. Nogat. Dispela em ol man tasol i wokim long tingting na save bilong ol long traim long abrusim sampela kain pasin long man o meri long stap wantaim. Yu mas save olsem ol man i wokim dispela samting kondom ol tu bai sanap long kot bilong God na ol bai tokim God long pasin ol i bin harim o bihainim (Matyu 12: 36-37) taim ol i stap long dispela graun. Olsem na mi ting olsem yupela i mas stop long soim kondom. Dispela em pasin doti long ai bilong God. Mi laik tok olsem olgeta hap long graun ol i wok long holim ol bikpela bikpela bung long traim long stopim dispela sik nogut. Tasol nogat. Ol i stopim long hap

tasol ol i mekim moa pasin pamuk yet. Olsem na ino inap long man long dispela graun bai stopim dispela sik nogut tru. Dispela sik em i kamap long pasin pamuk olsem na God i larim dispela sik i kamap long givim panismen long manmeri i save mekim pasin pamuk. Olsem na yumi man i ken traim long stopim tasol bai ino inap yu stopim igo ino inap bai yu yet tu bai i go insait long dispela pasin. Na tu God bai ino inap long stopim dispela sik nogut. Nogat tru. God bai stopim yu wanwan man o meri long noken mekim pasin pamuk sapos yu harim tok tru orait tok tru bai setim yu fri (John 8: 31-32). Dispela sik bai i stap inap long graun bai

pinis. Olsem na yu wanwan man o meri i mas i go long God na God bai setim yu fri long olgeta kain pasin nogut bilong dispela graun. Long Baibel Jisas i tokim Nikodemas long John 3: 3-5 olsem mi tok tru long yu. Sapos man i no kamap nupela gen bai em i no inap long lukim o igo insait long Kingdom bilong God sapos em i no kamap nupela gen long wara na Holi Spirit. Em bai ino inap long go insait long Kingdom bilong God. Matyu 11:28; Acts 2: 4-38; Mak 16: 16-17.

Tenk yu tru em tasol na God i ken blesim yu husat i ridim dispela pas.

Melchior Kaswan Madang

Somare mas rausim Nuigo setelmen

Dia Edita,
Mi laik bihainim wanpela pas mi raitim long *Wantok* long yusim Nuigo setelmen long Disemba 12, 2002.

Gavana bilong yumi Arthur Somare em i gat wanem plen nau long ol Sepik Riva pipel i stap insait long Nuigo.

Planti ol hambak

pasin olsem pamuk long kisim mani, stil, pik poket, bagarapim ol meri, mariwana na brukim ol haus na stua na stil.

Olsem na em i wok bilong Gavana Arthur Somare long em i mas brukim dispela kain pasin na long rausim ol na sapos yumi wet bai planti trabel na kros

pait bai i kamap yet na bagarapim sindaun bilong ol pipel long hap.

Long Madang Taun Gavana James Yali i wokim stret na em i rausim ol setelmen long taun taim i groa moa yet. Wankain tu mas kamap long Nuigo.

Long moa long 30

yia i kam nau Nuigo setelmen bagarap tru long Wewak taun na ol i mas klia na go long ples bilong ol.

Gavana dispela em sampela save mi givim yu na yu mas mekim nogut bihain bai bikpela hevi i kamap.

Simon Gawi Boroko, NCD.

Ol viles kot mejistret i nogat gutpela pe

Dia Edita,
Mi wanpela mangi antap long ples kolsten Hailens tasol nau mi stap hia long Morobe provins, Lae na mi laik sapotim toktok bilong brata Steven Moroni bilong Aitape, Sandaun provins we i bin kamaut long *Wantok Nius* long 19th Disemba, 2002.

I tru olsem ol komuniti viles Jas o mejistret i save stretim planti bilong ol na oda we i wok long kamap bikpela insait long kantri long ol Lokol Level moa long ol Jas bilong distrik na

nesenol level. Na yet nogat pei bilong ol dispela turangu wokman bilong yumi. Sampela mun i go pinis ating i gutpela ol i mas lusim wok na yumi stap tasol olsem ol longlong.

Mi sapotim bikos mi gat konsen na wari long ol wokman (Jas) bilong mi long hap long Okapa long Keiagana konstituents na Papua Niugini olgeta.

Tano Wati Kimbe, WNPB.

Katim han lek bilong trabel man

Dia Edita,

Mi bilong Sauten Hailens provins tasol nau mi stap long Oil Palm provins, Kimbe, Wes Niu Briten provins. Yes, mi laik autim wari bilong mi long pablik nuspepa na olgeta manmeri ken lukim na skelim.

Wari bilong mi i go olsem. Ol narapela provins i orait tasol Sauten Hailens igo bagarap olgeta long lo na oda hevi olsem pait long bunara, spia, hensapim ol man meri long rot, stil, kilim man dai na planti arapela moa.

Stat long tumbuna i kam inap nau istap yet na gavman i no mekim sampela samting yet long stopim dispela.

Yes, lo bilong gavman i stap bilong kotim man na bai em go kalabus. Tasol dispela gavman i no brukim win na sapot. Win na sapot em lek na han olsem na mi laikim gavman mas kamapim sampela lo bilong rausim lek o han bilong kamapim trabel. Plis yu husat brata ol susa ridim dispela yu skelim.

Man kilim man o meri dai, em i go kalabus. Tasol pinis kalabus na kam, em bai mekim trabel gen. Olsem na kamapim wanpela lo bilong rausim lek o han bilong bikhet man.

Em tasol wari bilong mi na husat yu laik sapot o egensim mi, rait kam tasol long *Wantok Nuspepa* na bai mi lukim.

Billy T. Hariilu Kimbe, WNPB.

Bikpela bagarap moa kamap long Kol insait long Jimi

Dia Edita,

Long sampela taim i go pinis las yia bikpela pait kamap long Kol Distrik insait long Jimi, Westen Hailans provins. Dispela pait kamap namel long lain Maipika na Akleka liklik lain ol kolim Konokaye. Pait bilong dispela tupela haus lain i kamapim olsem tripela man long tupela hap wantaim dai long graun.

Na planti ol samting bilong ol bagarap pinis. Ol dispela samting olsem haus kapa, jenereta, frisa, mani, na ol arapela samting olsem kolos we kos bilong ol sampela i olsem millin kina. Sampela bilong dispela propeti i go long han bilong ol narapela lain ausait kam lukluk long dispela pait na liklik tasol paia kukim.

Na stori kam yet nau em bikpela bagarap moa i kamap long tupela Maipika na Akleka wantaim. Pait kirap gen nogut bikos em ken kamap long pait graun na de taim tasol. Tupela save pait long nait, de na wanem hap tupela bung long en.

Dispela hevi tu i bagarapim planti komuniti klostu na longwe long Jimi eria wantaim. Ol pipel wari na komplek long dispela trabel bikos Kol distrik stap namel long Maipika, Akleka na Aibaka haus lain.

Pait bilong tupela i bagarapim olgeta sevis olsem hai skul, komuniti skul, haus sik na polis stesin. Long dispela ras na narapela tu olsem hevi bilong rot i mekim na nogat skul bilong ol pikinini dispela yia.

Pait bai stap tasol plis stesin i pas pinis. Dispela soim olsem planti moa lo na oda hevi bai kamap yet.

Wantaim dispela hevi em i no bagarapim ol sevis bilong gavman tasol sindaun tu i bagarap. Sios em wanpela eria we em save bringim gutpela sindaun na isi long Kristen manmeri long kamapim gut sindaun.

Peter Kamb katekis bilong Dalbis helpim wokman bilong Kol Ples tokaut olsem planti Kristen lusim bilip pinis. Em mas tru bikos planti Kristen pipel i no moa tingting long lotu. Peter i tok dispela pait mekim na tingting bilong olgeta manmeri i no stap gut long holim bilip.

Pater Kamb wantaim ol wokman bilong sios wari bikos ol manmeri i no kam long sakramen em bikpela samting long laip bilong ol kristen.

Em wari tru bikos planti Kristen pipel no moa tingting long lotu. Pater i tok, dispela pait mekim na tingting bilong olgeta manmeri i no inap stap gut long holim bilip.

Em i tok, em yet wantaim Pasto Paul Siwi bilong Kil Luteran Sios na ol sampela lida wok yet long stopim dispela pait. Pater i tok, tupela wok long sait bilong Maipika na Kamsel Gebriel Mende bilong Kondkelka Damba haus lain wantaim sampela man go long tupela sait wantaim.

Long lukluk bilong ol em bai kisim longpela taim long pasim pait na ol manmeri bai

kam bek long sakramen.

Bihain long planti man dai ol lida na wokman bilong tupela sios givim toktok long lain Maipika bilong stopim pait. Long dispela toktok sampela Maipika na Akleka yangpela tok olsem i nogat gutpela tingting yet long pasim pait. Long taim nau ol lida i wok long stretim toktok yet.

Ripot kam long kansel Mande long Kondkelka Dambna haus lain bilong Yawaremol husat save go long tupela pait lain wantaim i tok em bai kisim longpela taim liklik na stop.

Planti lain go longwe olsem Kerowaki na long Wutlumko. Em gat hop olsem ples bai kamap orait gen na bai bringim bel isi long sampela yia taim.

Commas Kombia Jim, WHP.

Sapos yu laik salim pas bilong yu i kam long *Wantok Nuspepa*, salim i kam long dispela edres:

The Editor, Wantok Nuspepa, P.O Box 1982, Boroko, NCD.

Gavman i mas daunim prais long ol stua

Dia Edita,

Mi nem bilong mi Nanaiyu Ura. Mi bilong Omaura viles, Obura Wonenara Konstituensi.

Olsem na mi laik tok tok long ol samting bilong stua i go antap bilong stua i go antap bilong stua na bai yupela i daunim prais tu o nogat.

Mi ting olsem yupela olgeta i save kisim taim long dispela hevi olsem na yupela yet i mas go pas long stretim gut ol dispela hevi. Sapos yupela stap long narapela hap em orait yupela i ken go het na apim prais tasol sapos dispela prais bai givim hevi yu tu orait yu mas mekim samting stret nau.

Em tasol na husat laik sapot o egensim mi. Rait tasol long *Wantok nuspepa* na bai mi ken lukim.

bilong ol. Kwesten olsem Kontrola yupela i stap na mekim wok bilong yupela gut tu o nogat. Tokim mipela wanem as tru na ol prais i go antap long ol kaikai bilong stua na bai yupela i daunim prais tu o nogat.

Mi ting olsem yupela olgeta i save kisim taim long dispela hevi olsem na yupela yet i mas go pas long stretim gut ol dispela hevi. Sapos yupela stap long narapela hap em orait yupela i ken go het na apim prais tasol sapos dispela prais bai givim hevi yu tu orait yu mas mekim samting stret nau.

Em tasol na husat laik sapot o egensim mi. Rait tasol long *Wantok nuspepa* na bai mi ken lukim.

Nanaiyu Ura Obura, EHP.

Oro pipel tok amamas long Gavana Wenge

Dia Edita,

Mi kisim maus bilong kristen manmeri na manmeri bilong Sorovi Blok long Oro provins na tok tenkyu long bikpela win bilong Luther Wenge long kamap Gavana bilong Morobe provins. Mi tok tenkyu long makim gutpela lida bilong yumi olgeta.

Mipela i lukim planti wok Luther Wenge i bin mekim long sios na long promotim kantri.

Gideon Laiy Popondetta, OP.

WANTOK TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

EYEGGLASS SPECIALS

Eyeglass fitted with your own prescription in sturdy frames that will last a long time.

**PRICES ARE UNBEATABLE
HURRY WHILE STOCK LAST**

Why not enquire and see for yourself, at Sed Optical, Garden City, Boroko

Ph: 325 6433, Fax: 325 6692
Email: sedltd@daltron.com.pg

LODGES

Kiunga Lodge

Small quiet motel situated in the heart of Kiunga 16 Air-conditioned Rooms, all with cable television and bar fridge. Price includes Dinner and Breakfast. Guests staying more than one night will receive a Packed lunch for second and subsequent days.

Only K120.00 per night including VAT

Ph: 548 1127 / 548 1045
Fax: 548 1069
Email: kss online.net.pg

GUESTHOUSE

Kiunga Guest House

From K140.00 to K260.00 / night all inclusive of meals, laundry, 10% VAT.
Transport to and from the airport. Vehicle hire

Tel: 548 1188 / 548 1084
Fax: 548 1195
Email: bookings@gh.ningerum.com.pg

SECURITY

Exsel Security

Ex-PNG & British Servicemen
Tel: 323 9101 - Fax: 323 9109 Email: exsel@global.net.pg

PROPERTY & PERSONAL PROTECTION

• Your Property Checked 2-3 times Every Night

We leave a calling card every visit report on your guards resolve emergencies

• 24 hrs x 7 days Armed "Rapid Response Unit"

Day or night we come to your aid in the event of: An intruder or life threatening issues, Shoplifters or employee theft

You need urgent security.

If you are arrested any emergency

Whatever the emergency - at work, at home or out and about in N.C.D. Whatever the reason - personal safety, medical, fire, theft, vehicle theft/breakdown etc ... **You can call us 24 hrs x 7 days and we will be there, fast!** To take command of your security issue, whatever it is. For your peace of mind we can leave security with you after the issue, if needed.

Membership - Commercial K100 per week first property

K75 per week extra property

- Domestic K50 per week first property

K25 per week extra property

JOIN NOW! AVOID THE TRAUMA. DON'T TAKE THE RISK & JOIN AFTER AN EMERGENCY

OTHER SERVICES

Tourist security escorts - rent-a-guard-body-guards - static guards

MANAGEMENT SERVICES

MANPOWER

Management Services Limited
(Fast and Efficient Service)

- Training & Localisation programs
- Work Permits
- Visas
- Company incorporations
- IPA Certifications
- State of the Art Database
(Reminders automatically remitted)

Contact: Geraldine, Liz, Faith

Telephone: 321 5491 / 321 5492

Facsimile: 321 5493

Email: manpower@daltron.com.pg

ISLANDS MANAGEMENT SERVICES LTD

A bridge to your future career
Specialise in the following activities

- HR Management Consultant
- Labour Hire (local and expatriate)
- Payroll Services
- Business Advisory & Management Consultancy
- Passport, Visa & Work Permit
- Secretarial Services
- Customised Tailoring Services
- Provision of Corporate and School Uniforms
- Training & Localization Programme

Suit 8 Level 1 Garden City, Angau Drive, Boroko

Email: islandsrmse@datec.com.pg

PO Box 889, Boroko, NCD

Ph: 323 4955; Fax: 323 4799

VANILLA VINE CUTTING FOR SALE

Contact: Peter Devis - P.O. Box 89, WEWAK, ESP

Ph/Fax: (675) 856 2743

Email: pdevis@datec.net.pg

Vanilla Cuttings for Sale ...continue

Wewak / Vanimo	K210.51 for 100
Wewak / Aitape	K214.69 for 100
Wewak / Lumi	K221.42 for 100
Wewak / Nuku	K208.33 for 100
Wewak / Angukunak	K203.10 for 100
Wewak / Greenriver	K247.21 for 100
Wewak / Madang	K212.38 for 100
Wewak / Lae	K228.28 for 100
Wewak / Buka	K320.80 for 100
Wewak / Tabubil	K303.52 for 100
Wewak / Moresby	K225.39 for 100
Wewak / Alotau	K299.05 for 100
Wewak / Kerema	K338.06 for 100
Wewak / Daru	K355.45 for 100
Wewak / Tufi	K338.19 for 100
Wewak / Tapini	K314.31 for 100
Wewak / Kikori	K372.46 for 100
Wewak / Baimuru	K345.45 for 100
Wewak / Popondetta	K270.35 for 100
Wewak / Hagen	K215.44 for 100
Wewak / Moro	K386.68 for 100

* We also can be agents for vanilla bean buying companies.

VANILLA

VANILLA SAFFRON IMPORTS (USA)

is now buying Sun Cured vanilla beans in PNG. We offer the best price for quality Vanilla Beans.

If you have your Vanilla Beans ready, contact the Facilitator on Fax/Ph: 326 2760

MINING EQUIPMENT

Alluvial mining equipment for sale

Gold dredges, Pro 2.5inch, Pro 3inch, Pro 4inch, Pro 5inch & Pro 6inch
High Banker combo, Super Metal Detectors
Sluice & Pans, Gold Wheel, Rock Crushe
Mercury retort

Field Service trip, Consultation Service

Gold Buying

Equipment Demonstration every Tuesday and Thursday.

CONTACT GOLD PAN

POM: Phone- 323 6052; Fax: 325 2959

Wewak: Phone/Fax - 856 1466

Gold Buyers - Metals Refining Operations

GOLD BUYERS

Offering the best price in PNG. No middle-man involved.

Come and sell your gold direct to the refinery.

Location: Section 451, Allotment 2, Kwila Estate, Cameron Road, Waigani

P.O. Box 3980, Boroko, NCD.

Papua New Guinea

Ph: 325 2647; Fax: 325 2959

Website: www.metalsrefining.com.pg

EDUCATION

NASU TECHNICAL EDUCATION AND CONSULTANTS

1. ENROLMENT OPEN FOR TECHNICAL COURSES

- Auto Mechanic, Carpentry, Welding, etc...
- Must have completed grade 6, 7, 8, 9, 10 and above.

2. EMPLOYMENT OR APPRENTISE

- Must have completed P.E.T.T. Courses, Vocational Training, I.C.S. etc.....

3. CASHIER/SALES COURSE FOR LADIES ONLY

- Must have completed grade 6, 7, 8, 9, 10 or above

4. SHORT COMMERCIAL COURSES

- Stock Taking, Bank Reconciliation, Petty Cash Management, etc...

5. COACHING OF SCHOOL CHILDREN

- Grades 5, 6, 7, 8, 9, 10, 11, 12, Code Students etc..

Entry test opens for 2003.

Telephone: 325 9976/326 3477

Location: 4 mile upstairs of Rural Development Bank (Romn 8)

X-RAY SERVICES

PORT MORESBY IMAGING LTD

X-Ray Ultrasound Scanning
For Employment/Visa/School Medicals

- WE ARE FAST
- WE ARE EFFICIENT
- WE ARE THE BEST

Location: Dr. Mola's Hospital, Taurama Road

Phone: + (675) 325 1140

Fax: + (675) 325 9740

Email: atanu@online.net.pg

NONI JUICE

100% Noni Juice made in PNG

Try & Feel the Difference Naturally.
Now Selling:

POM - Boroko Foodworld

POM - Golden Bowl Restaurant

Mount Hagen - Kabuka Supermarket

Wewak - George Seto Supermarket

Rabaul/Kokopo - Novello Real Estate

Balimo - WP - HB Trading Company

Lae - Pelgens Supermarkets x 3

Lae - Foodmart Supermarket

Lae - Papindo Supermarket - Eriku

Madang - MAS Supermarket - OLD Butcher

FRIENDTEX LTD WHOLESALE

P.O. Box 5049, BOROKO, NCD

Ph: 323 1471 Fax: 323 1479

SECONDHAND CLOTHING

NEW ARRIVALS and stocks in hand

Jeans, Skirt Pants, Floopy, Hennaed Shorts, Blue Jeans, Collar T/S, Pollo T/S, Bedsheets, Golf T/S, Bedsheet/Pillow case, Cut Jeans, Childre Mix, Baby Ramage, Printed colour T/S, Work wear, Flannel Shirts, Skirts, Socks, Mix Shorts, Jeans Shorts, Bra, Light Zipper Jackets, Shoes, Blankets, Cargo Pants/Shorts, Brown bales Mix 200kg
Come and see what we've got in our wholesale

Location: Kenmore Trade Centre Unit 11, next to Arnotts Biscuit Factory, off Cameron Road, Gordons, NC.D

WATER PIPES



Port Moresby Pipes Limited

Tel: 325 3258 Fax: 325 2635


Email: nick@daltron.com.pg

SPECIAL

40mm DWV	K23.95	length	4.85m
50mm DWV	K41.15	length	5.85m
100mm DWV	K62.75	length	5.85m

Sell: Electrical Conduits
Pressure Water Pipes, all sizes

MANUFACTURERS & SUPPLIES OF PVC PIPES AND PLUMBING FITTINGS



WANTOK NIUSPEPA I STAP LONG STRETIM WARI BILONG YU

Rait tasol i kam long:
P.O. Box 1982, Boroko, NCD

Tel: 325 2500; Fax: 325 2579; Email: wordadvertising@global.net.pg

PEA strong tru long PS fainel

PABLIK Employees Asosiesen (PEA) i strong tru na wilwilim Works 25-13 insait long Pot Mosbi Pablik Sevans netbal kompetisen.

PEA i go pas 17-15 long hap taim na kam bek long namba tu hap long winim dispela gem ya. Ol meri PEA i no bin pilai gut long namba wan raun tasol ol i wok long kam gut long namba tu raun ya.

Presiden bilong Pablik Sevans Netbal kompetisen Julie Hau i go pas long dispela tim. Em yet i pilai golkipa we i bagarapim planti sans bilong ol lain Works long skorim ol poin ya.

Longpela bilong Hau na helpim bilong Vagi Vavine i givim hat taim tru long ol suta bilong Woks olsem Cathey Kongoru na Walo Ranu long skorim poin.

Ol lain pilaia bilong PEA olsem Robin Leka na Ati Kule i givim hat taim long Works. Tupela i kisim helpim i kam long wing atek Susan Kakari na Betty Eric husat i pilai long senta.

Ol difens bilong Works olsem Kiri Gamini, Dodo Mesega na Wilsman Wilfred i traim hat tasol ol i painim hat long daunim skoa.

Dispela win bilong PEA nau i surikim ol i go long namba tri ples bihain long Finance na Telikom.

Finance i win pinis na ol i redi tasol long salensim Telikom long gren fainel.

Telikom i putim wanpela gutpela pilai stret na autim NJSS 36-16. Ol lain pilai strong long Telikom em Anne Dobini, Ila Vala na Mary Gumia.

• **Centre bilong Works Walo Ravu i painim sapot pilaia bilong em taim ol i bungim PEA long Pablik Sevans Netbal resis. PEA i winim gem 25-14. Foto: JOE IVAHARIA.**

Tomadir sofbal kamap long fainel

TOMADIR Sofbal Asosie-sen long Is Nu Briten i wok long kamap klostu long fainel bilong ol long Vunakanau Park las wiken.

Dispela em wanpela ruel kompetisen we i kamapim planti toktok we i soim olsem ol lain long ples i pilai strong moa long kompetisen long taun.

Black Pythons One i klostu lus

long Unicats tasol ol i laki long win 4-3. Dispela pilai namel long tupela tim i mekim ol sapota i sindaun krangi.

Unicats i wok long pait strong long traim winim wanpela ples insait long top faiv. Ol i pilai strong tru ya.

Pythons i no westim taim. Ol i rejistarim namba wan poin taim

Kennelly Kirita i kam hom.

Insait long namba tri ining, Unicats i stat long skorim hom bihain long ol Pythons i paul nabaut na mekim planti asua.

Pitsa Kennelly husat i gat intanesenel eksperiens i yusim gut save bilong em long stapim ol biknem beta long skoa.

Insait long arapela gem, Black

Pythons Two i lus long Rebels 1-0. Rebels em tim i kamapim gutpela pilai stret na i save givim hat taim long ol birua tim.

Rebels i paitim wanpela sakrifais hit i go long aufuil we Chris i kam hom long skorim dispela wanpela poin.

Pythons i gat sampela ol rana long bes tasol ol i no kam hom.



Gazelle i redi long narapela win gen

GAZELLE i redi tasol long narapela win taim ol bungim Admiralty long dispela wiken long Pot Mosbi wimens sofbal resis.

Ol lain Gazelle i gat eksperiens na strong long winim dispela gem. Tim i gat ol intanesenel pilaia olsem Mechtill Raymond, Grace Wanma, Jenny Pilak na Emma Kalas. Ol bai kisim sapot long ol yangpela pilaia olsem Alice Kalas, Mechtill Tonga jnr, Maggie Sam na Shirley Kalimet.

Rachael Kukuian i kisim wok pitsa na em bai givim hat taim stret long ol meri Manus.

Las wik, Norths i kisim taim long han bilong ol Gazelle. Ol i skorim ran bilong ol i kam long Sam, Emma Kalas, Mechtill Tonga, Grace Wanma, Pilak na Kalimet.

Wanpela skoa bilong ol lain Norths i kam long Elma Kabui.

Kosa bilong Gazelle Peni Tonga i tok olsem em i nogat wanpela samting long tingting tasol em i laik Gazelle i mas win gut inap painim fainel.

Admiralty i mas kamapim strongpela gem.

Aninit long lukaut bilong Luke Tavol, ol meri Admiralty i mas kamapim gutpela gem na stretim ol asua long trening bipo ol i go pilai.

Admiralty i save mekim planti asua long filding na beting bilong ol. Ol i gat ol pilaia olsem Del Ivaroi, Gloria Mattes na Ikanau Aunu long go pas long ol meri Manus.

Las wik Admiralty i wilwilim stret ol kawas bilong ol, Dolphins 19-0. Dispela win i ken helpim ol long rausim tru tewel bilong ol meri San Kamap.

Insait long ol arapela gem, Chebu bai salensim SP, Wantoks bai painim hat tru egensim Norths na AB Bears bai takolim All Stars.

Pitsa helpim Karanas- Kopex long win

PITSA bilong Karanas-Kopex Esau Vinarang em i wan man go pas na kamapim gutpela pitsing long autim sempion Gazelle 4-3 long Pot Mosbi men's sofbal kompetisen las wiken.

Vinarang i rekotim 13 K2's na i paitim tupela hom ran. Ol lain i kisim K2 long man ya em Tony Daple (2), Gabriel Pamel jnr (2), Albert Jerry (2), Vitalis Tiriman (2), Patrick Pilak (2), Peter Urari, Levi Uralia na Peter Kamaniel.

Boi Matupit i kamap olsem wanpela top pitsa long Pot Mosbi i putim kamap namba wan gem tru.

Gazelle nau i kam long namba tri ples na Elcom i go long namba tu.

Poin lata: Karanas Kopex 21, Elcom 19, Gazelle 18, AB Bears 17, Manalos 14, Northern Hawks 11 na Brown Eagles 6.

Insait long namba wan ining, Vinarang i paitim wan-

pela homa long kisim em yet wantaim Mark Tavaga i kam hom,

Orait Jerry Albert i paitim wanpela homa na em yet wantaim Levi Uralia i kam hom long levelim skoa 2-2.

Gazelle i skorim wanpela moa ran i kam long Harry Mathew. Patrick Gebore i paitim bal na ol lain Kopex i paul nambaaut na Mathew i kam hom.

Insait long namba tri ining, kosa Francis Diap i mekim senis long tupela pitsa. Patrick Pilak i senisim Pascalis Pina.

Tupela pitsa nau i resis. Pilak na Vinarang i soim husat i moa yet long dispela resis ya.

Vinarang i pits gut tru na salim ol biknem beta bilong Gazelle i go bek long dagaut.

Wantaim olgeta sans bilong Kopex i bagarap, Vinarang yet i kam long namba faiv

ining na paitim wanpela hom ran long bringim em yet wantaim Ashley Paranis i kam hom. Dispela i surikim skoa bilong ol i go 4-3.

Kopex i banisim tupela las ining long win. Na long bikpela gem long apinun, Joe Acuchulas jnr i paitim tupela hom run long helpim AB Bears i winim Manalos 4-3.

Pitsa bilong Northern Hawks Thomas Bunbun i kisim taim Simon Daniel na Demas Tovia i paitim tupela hom ran.

Alister Tavol na Eddie Simba i paitim arapela tupela long bringim namba bilong ol hom ran bilong Elcom i go long 6-pela olgeta. Elcom i wilwilim stret Hawks 16-2.

Na long pilai bilong ol meri, Gazelle i wilwilim Norths 8-1. AB Bears i nekim Chebu 11-0. Ol arapela tim i winim gem em Chebu autim All Stars, SP nekim Wantoks na Admiralty autim Dolphins.

Ol sempion i redi long difendim taitel

PAUL ZUVANI i raitim

TUPELA sempion tim bilong man na meri i winim bek gren fainel spot long difendim taitel long resis bilong Nesenen Capital Distrik Pablik Sevans volibal kompetisen.

Lands na Physical Plening (man) na Telikom i winim ol birua tim. Lands/Physical Plening i autim Edukesen 3-1 na Telikom nekim Electoral Komisin.

Sapos Lens i winim gren fainel, em bai namba tu taim bilong ol. Telikom i wok long win na em bai namba 11 taim bilong ol.

Telikom i stat long winim dispela Pablik

Sevans kompetisen taim ol i stat long 1992 i kam inap nau.

Lens na Physical Plening i gat ol pilaia olsem Charlie Murray, Robin Murray na bloka yet Mulina Gima.

Dispela ol pilaia i holim strong Lens long winim taitel long dispela ya.

Kosa bilong Telikom Mea Johang i tok olsem komitmen bilong ol pilaia i mekim na ol i winim dispela ol taitel.

"Mipela i mekim wok long givim toktok long ol pilaia tasol em ol pilaia i mekim na winim gem."

Ol i sambai tasol long fainel. Pangtel nau bungim Telikom long resis bilong ol man na Electoral Komisin i bungim Yunivesiti long resis bilong ol meri.

Wanem ol tim i win bai pilai long fainel neks wik.

Gem namel long Pangtel na Telikom i gat wankain strong. Long sait bilong Pangtel, Sebua Mado na bloka Wau Ani na seta Moses Tau bai go pas.

Na long sait bilong Telikom em Michael Unatah, Mea Johang na bloka Yamou Gauna bai traim helpim tim i winim dispela gem.

Na long gem bilong ol meri, Electoral Commission bai stat olsem wanpela feveret long winim gem. Em i gat ol pilaia olsem Rose Gabriel na Andoua Garona husat bai go pas long lukim tim i win.

Yunivesiti i gat ol pilaia olsem Miriam Bite husat holim strong bilong tim long winim dispela gem.

Australia bai makim Osenia long Anda 17 Wol Kap

AUSTRALIA bai makim Osenia long Anda 17 Wol Kap bihain long em i winim Nu Kaledonia 4-0 long namba tu fainel long Stadium Pentecost long Noumea, Nu Kaledonia las Sarere.

Dispela gem ya i bin kamap

long bikpela san. Dispela i helpim tru Nu Kaledonia long skorim planti gol tasol planti bai i wok long go aut.

Oi yangpela Australia Socceros i painim taim tasol ol i yusim wanpela gutpela sans tasol bai i abrus.

Insait long namba tu hap, junior Socceros i kamapim gutpela pilai stret na Adam Casey i opim skoa buk. Em i brukim kiau na bihain long em spirit bilong Nu Kaledonia i pinis. Olsem na Australia i skorim tripela arapela gol i kam

long Eric Paartalu na Mathew Deegan.

Kristian Sarkies i skorim namba foa gol bihain long ol pilaia bilong Nu Kaledonia i kikim Deegan insait long penalti boks.

Nu Kaledonia i pilai gut tru

tasol klas bilong ol lain yangpela Socceros i moa yet na dispela i helpim ol long win.

Australia i skorim 7-pela gol olgeta egensim Nu Kaledonia na nau ol bai makim Osenia long Wol sempions long Finland long Ogas 13-30.



• Bihain taim bilong ol dispela yangpela soka pilaia i stap long han bilong ol eksekutiv bilong soka. Politikis nau i kaikai soka na ol bai pilai soka yet o go bihainim arapela soka.

Namba wan miting bilong Sir John Guise stadium i kamap

NAMBA wan kibung bilong mun namel long Pot Mosbi Soka Asosiesen na PNG Spots Komisin (PNGSC) long stretim toktok bilong Sir John Guise stadium i bin kamap las Fraide.

Ol lain mausman i kamap long miting ya i makim soka na PNG Spots Komisin.

Insait long dispela miting, planti toktok i kamap pinis namel long Pot Mosbi Soka Asosiesen, PNGSC, Lens Dipatmen na Nesenel Kapitl Distrik Komisin. Ol lain husat i kisim sampela toktok em Robert Kapoal (Minista), Solicitor-General Zachery Gelu na Bernard Kipit (NCDC).

Dispela miting i traim painim rot bilong stretim husat i papa bilong stadium. Ol disisen i kamap bai givim planti hevi long ol spot i save yusim Sir John Guise stadium.

Presiden bilong PMSA Fabian Chow i tok ol spot na interes bilong ol spotman na meri em i bikpela samting. Em bai gutpela long toktok i mas kamap long top-level long stretim dispela hevi.

Wanpela bikpela tingting nau i kamap em PMSA i laik senisim taitel bilong graun long Sir John Guise stadium

wantaim Sir Hubert Murray stadium.

PNGSC i wanbel olsem em i wanpela rot we ol i ken lukluk long em. Tasol dispela toktok nau i mas go long NCDC bikos em i papa bilong dispela stadium husat nau i stap long han bilong ol papagraun, Motu Koitabu Kaunsil.

Bikpela samting nau, Sir Hubert Murray em i bilong PMSA i ken senisim Sir Hubert Murray stadium i go kamap olsem nesenel aset. PNGFA tu i gat tingting long painim mani na stretim.

Mista Chow i bilip olsem sapos PMSA i kisim orait em i ken kamap olsem graun bilong em na bai i no inap kosim gavman mani long lukautim.

Presiden i amamas long dispela tingting long wanem PMSA i ken senisim Sir Hubert Murray stadium i go kamap olsem nesenel aset. PNGFA tu i gat tingting long painim mani na stretim.

Sapos PNGFA na PMSA i helpim na kisim stadium, dispela bai helpim ol long holim ol intanesenel gem long yia.

Nau yet wanela komiti i kamap we Fabian Chow na John Kambuou bai makim ol memba bilong dispela komiti.

Bulolo Forestry Soka Asosiesen statim pri-sisen resis neks wik

BULOLO Forestry Soka Asosiesen (BFSA) bai statim pri-sisen tonamen bilong em long narapela wik (Mas 15-16).

Interim presiden bilong BFSA John Kalo i tok olsem 10-pela tim bai stap insait long dispela kik resis. Ol dispela tim ya em Mt Susu, Waks, Gateway, Bulolo Vocational, Bulolo United, Bulolo University, Komisin Geckos, Buang Futbol klub (BFC) na Mopi.

Kalo i tokim *Wantok Nius* olsem em i amamas tru long lukim ol tim i soim interes (laik) long stap insait long 2003 soka sisen. Em i bilip olsem bai i gat strongpela salens namel long ol soka tim.

Em i tok ol strongpela tim bilong bipo olsem BFC, Mopi, Bulolo United, Mt Susu na Bulolo University bai kamapim strongpela gem.

Kalo i askim tu ol arapela

tim insait long Bulolo taun husat i laik pilai long BFSA pri-sisen kompetisen i ken givim nem. Husat i laik givim nem i mas putim hariap bikos dispela wiken, nominesen bai pas (Mas 11).

Sapos wanem ol tim i no hariap, orait ol i ken wet inap long sisen propa na givim nem long em.

• Long wankain taim, Bulolo Forestry Soka Asosiesen i holim wanpela

spesel eksekutiv miting long makim ol nupela opisen na tu putim taim bilong pri-sisen. Miting ya i kamap las Fonde.

Tasol nogat wanpela man i kamap na interim presiden Kalo yet i makim neks wiken.

Mista Kalo em olpela sekretari bilong Mumeng Soka Asosiesen na em bai ranim BFSA long sotpela taim na bihain ol i ken makim nupela eksekutiv.

Mobiha holim wok yet olsem ekting GS

OPIS bilong Papua Niugini Futbol Asosiesen (PNGFA) i tokaut pinis olsem ol i kisim pinis wanpela pas i kam long wanpela intending kandidate long wok presiden, Ainea Sengero na grup bilong em.

Wantok Nius i save olsem Mista Sengero i singaut askim ekting generel sekretari Noel Mobiha long lusim wok bikos em ting olsem em i yusim opis bilong PNGFA long mekim wok kempen bilong em.

Mista Mobiha i kisim nominesen long sanap long resis bilong sinia vais presiden. Pot Mosbi Soka Asosiesen i nominetim em na Lahi i sekendim nominesen bilong em.

Tasol long dispela wik yet, Opis bilong PNGFA i tokaut olsem Mobiha bai holim wok yet olsem ekting gener-

el sekretari. Ol eksekutiv bilong PNGFA bai i no inap mekim wanpela disisen inap ol i kisim toktok bilong ol loya bilong ol long Lae.

Wanpela opis bilong PNGFA i tokaut olsem planti ol askim na toktok long pasim samting bilong PNGFA sekretariat na i no samting bilong ol memba asosiesen.

Em i tok wanpela poin long Mobiha i mas lusim posisen. Yes, em bai lusim posisen bihain long AGM long Kimbe long Mas 21.

"Mobiha em ol i makim em long stretim fainens bilong PNGFA we i no stap gut. Taim Ivan Ngahan i pinis na Gabriel Pise i risain long resis long ileksen, posisen ya i stap nating.

"Long PNGFA i kisim mani long FIFA, na ripot bilong mani i mas orait,

PNGFA i makim wanpela memba bilong ol eksekutiv yet long kamap olsem ekting generel sekretari.

"Noel i bin mekim dispela wok. Em bai givim ful ripot bilong fainens long taim bilong miting na bihain ol bai toktok long em.

"Olgeta ripot bilong fainens i mas stret bipo nupela jenerel sekretari i kisim ples.

Ol lain bilong Sengero i askim tu sapos taim na ples bilong holim miting i no bihainim konstitusen. Ol i tok miting i muv bihain long ol i toktok wantaim ol loya bilong ol

"KMPG ino pinis wok long sekim PNGFA akauns.

"Sapos ol lain afiliat i laik kamap long miting em i samting bilong ol."

Bot i no tok orait long Wests

POT Mosbi Ragbi Lig Bot i no oraitim aplikesen bilong Wests Ragbi Lig klab long joinim kompetisen long dispela yia.

Interim presiden bilong Wests Ragbi Lig klab Ruben Pokanau i tokaut bihain long em i kisim wanpela pas i kam long POMRFL Bot. Dispela Bot miting i bin kamap long wiken.

Hap toktok i kamap long feks i go long Pokanau i tokaut olsem "Bot i laik toksave olsem aplikesen bilong yu i kam bihain na ol bai i no inap oraitim."

Tasol dispela aplikesen bai stap long fail inap 2004 we POMRFL Bot bai lukluk gen long em.

Mista Pokanau i tok em i paitim toktok pinis olsem Porebada bai givim 5-pela pilaia

long Wests. Em i tok olsem MRDC i oraitim pinis K20,000 long sapotim Wests i go pilai long dispela tonamen.

Pokanau husat i makim MRDC i tok olsem dispela bai i no inap stapim kampani bilong em long sapotim Souths ragbi lig klab. MRDC i givim K20,000 i go long Souths klab long dispela yia bihain long Downer Construction i lusim ol.

"Bikpela mani i go long ragbi lig nau i stap hap tasol long wanem disisen bilong ragbi lig bot i mekim.

Pokanau em bilong Manus i tok em i kisim tasol disisen bilong Bot. Operesen menesa bilong POMRFL Dukes Dabema i tokaut long dispela disisen long ol sapota na opisel bilong Wests.

"Mi save nau olsem bisnis long PNG nau i save wok long taim, na mipela bai i no inap askim moa kwestin?"

Het kosa bilong Wests klab Gideon Kouoru i tok olsem em i no amamas long dispela disisen bihain long olgeta hatwok mipela wokim long painim sponsa na tu mekim ol pepa wok bilong afiliesen.

Kouoru husat i wanpela olupela Kumul fowat i tok olsem planti klab i no mitim afiliesen bilong PRL na em i no srlet. Em i tok em i nogat planti toktok tasol i luk fowat long 2004 sisen.

Kouoru i laik tok tenk yu long olgeta lain husat i helpim Wests long kambek na joinim POMRFL long dispela yia.



• Ol pilaia bilong Sitani East i blokim pilaia bilong Brothers long Gahuku ragbi lig kompetisen.

Yangpela Hasu soim stail

JAMES KILA
i raitim

YANGPELA faiv-et Walter Hasu i soim tru strong na kala bilong em las Sande long helpim tim bilong em Hella Masy daunim ol birua bilong em Oki Hawks 21-16 insait long mesa semi fainel bilong Gahuku op-

sisen kompetisen long Goroka.

Dispela yangpela man i no bikpela man tumas tasol strong bilong em long stapim ol bikpela sais man long takol na tu strongpela difens bilong em i helpim tru Hella Masy long win.

Em i tru olsem gem i strong tasol dispela yangpela man tu i strong stret ya.

Wanpela sapota bilong Masy yet na meri bilong kosa Alberta Ketauwao i sore na tu amamas long naispela gem bilong Hasu.

Ol narapela yangpela mangi bilong Masy husat i soim gutpela gem tru em risev senta Auila Icola, huka Aize Siaune na yangela hapbek Ali Jonah.

Pilai ragbi lig em bun bilong mangi Hailens

AARON GUNBI
i raitim

RAGBI gem em i wanpela bikpela samting tru long ol yangpela man long Hailens. Klostu olgeta viles long maunten i save pilai dispela gem.

Dispela gem i save bringim kainkain amamas long ples - olsem

karim lek, wokim bikpela kaikai, singsing na marit tu. Long dispela pasin, pilai ya i save bringim pasin bilong kamapim gutpela pren namel long ol hauslain.

Sampela taim hevi save kamap long taim bilong pilai tasol dispela i no stapim ol yangpela long pilai na amamas.

Ino longtaim i go pinis, ol yangpela bilong Westen Kera long Ambullua-Jimi long Westen Hailens i go pilai wantaim ol mangi bilong Kamanigle Raiders long Gena 2 long Simbu.

Long Ambullua i go long Gena em klostu olsem 200 kilomita tasol ol lain Jimi i taitim

bun tru long kalapim tupela bikpela mauten na kisim tupela de long kamap long Gena.

Wanpela strongpela pilaia insait long Westen Keras em Casper Kakerman i tok olsem dispela raun bilong ol mangi Jimi i go long Simbu em wanpela bikpela eskperiens bilong em na em bai i no inap lus tingting.

WINIM K250 PRAIS MONI

PAINIM BAL RESIS NAMBA 2

RUL BILONG PILAI"

1. makim X long poto yu ting bal i stap long en
2. makim X long pen tasol.
3. Katim poto long sisos na salim long PAINIM BAL RESIS NAMBA 2
Wantok niuspepa. P.O. Box 1982, Boroko NCD.
4. Nambawan entri i makim stretpela hap bai i stap, em bai win.
5. Las de bilong kisim ol entri em pinis bilong olgeta mun.
6. Long Wantok bilong Januari 30 bai gat niupela K250 prais moni resis. Bai gat reisi bilong olgeta mun i go inap mun Desemba, 2003
7. Disisen bilong komiti i makim wanpela wina em fainol.
8. Wina bai kisim sek mani, na i no long kes moni.
9. Sapos nogat wina bai skruim win moni i go antap long narapela resis.
10. Yu ken salim moa longwanpela entri, tasol noken yusim poto kopi.
11. Ol wokmanmeri na pikinini bilong Wantok niuspepa i no stap long dispela resis.

Raitim nem na adress bilong yu long hia

Nem:.....

Adres:.....Krismas:.....

WINA BILONG PAINIM BAL RESIS NAMBA 1

PHILIP KOGA

P.O. BOX BUKA N.S.P
SANKAMAP PROVINCE
Ringim 325 2500 na askim long Frederica long kisim win moni.



Ol Spot Dro

Toksave

Salim ol dro, risalts na poin lada i kam long Wantok Niuspepa long Tunde olgeta wik. Salim i kam long Spots Edita: Fax: 325 2579 o ringim em long telepon no: 325 2500

FILIPINO BASKETBAL ASSOCIATION

Don Bosco Technology Institute
Sunday, 9nd March, 2003

- 1400 CBL U-18 vs Interlec Megavolts
- 1500 CHM Super Sound vs J&E Electrical
- 1600 PNG Masters vs Patrick's Transport

PORT MORESBY MEN'S SOFTBALL

Game 17 - Sunday 9 March, 2003

Time	Grade	Fixtures
09.00 - 10.30	C	Karanas Kopex vs Manalos
10.30 - 12.00	B	Karanas Kopex vs Dolphins
12.00 - 13.30	A	Brown Eagles vs Elcom
13.30 - 15.00	A	Manalos vs AB Gazelle
15.00 - 16.30	A	Karanas Kopex vs North Hawks
Diamond Two		
10.30 - 12.00	B	Gazelle vs North Hawks
12.00 - 13.30	B	Admiralty vs AB Bears
15.00 - 16.30	B	Manalos vs Brown Eagles
Diamond Three		
15.00 - 16.30	C	Elcom vs Dolphins
bye	C	Samurai



• Sempion tim bilong ol man, Black Out Darks long Hohola basketball op-sisen resis. Ol foto: Joe Ivaharia.

PORT MORESBY WOMEN'S SOFBALL ASSOCIATION

2002-2003 SEASON
Round 2 Week 14
Saturday 8th March, 2003

Time	Grade	Fixtures
0900	B	Chebu vs Wantoks
1030	C	Dolphins vs SP
1200	A	*Wantoks vs Dolphins
1330	A	AB Bears vs All Stars
1500	A	*Wantoks vs Gazelle

Time	Grade	Fixtures
0900	B	Chebu vs *Manalos
1030	B	AB Bears vs *Royals
1200	A	*Admiralty vs *Gazelle
1330	A	Chebu vs SP
1500	A	Norths vs *Admiralty

Time	Grade	Fixtures
0900	C	*Kopex vs Gazelle
1200	C	Norths vs Manalos
1500	B	*Manalos vs *Royals

Bye:	A	Dolphins
	C	All Stars

* Double Header

PORT MORESBY WOMENS SOFBALL ASSOCIATION

POINTS LADDER AS AT 01 MARCH, 2003

A GRADE	P	W	D	L	F	A	P	%
GAZELLE	12	9	1	2	102	47	19	47.940
AB BEARS	12	9	-	3	81	36	18	29.160
NORTHS	13	7	1	5	70	63	15	44.100
CHEBU	12	7	-	5	93	60	14	55.800
WANTOKS	12	6	1	5	73	67	13	48.910

	P	W	D	L	F	A	P	%
ADMIRALTY	12	5	2	5	72	100	12	72.000
SP	12	4	1	7	57	68	9	38.760
ALL STARS	13	3	1	9	71	102	7	72.420
DOLPHINS	12	1	1	10	55	135	3	74.250
B GRADE								
ROYALS	11	10	1	-	114	30	21	34.200
AB BEARS	11	7	2	2	119	49	16	58.310
MANOLOS	11	5	2	4	99	99	12	98.010
WANTOKS	11	4	1	6	65	119	9	77.350
ADMIRALTY	11	2	1	8	73	130	5	94.900
CHEBU	11	1	1	9	60	121	3	72.600

C GRADE	P	W	D	L	F	A	P	%
KOPEX	11	11	-	-	177	104	22	184.080

	P	W	D	L	F	A	P	%
GAZELLE	11	8	1	2	138	59	17	81.420
ALL STARS	11	6	1	4	116	100	13	116.000
DOLPHINS	11	5	-	6	107	117	12	125.190
SP	11	5	2	4	94	77	12	72.380
MANOLOS	11	1	1	9	79	156	3	123.240
NORTHS	11	-	1	10	38	123	1	46.740

*ROYALS
*Withdrawn from competition 25/01/03.



• Sempion tim bilong ol meri Erima i hamamas wantaim ol sapota taim ol i winim gren fainea long Hohola op-sisen basketball resis.

WANTOK NIUSPEPA i laikim ol part-time niusman long salim nius na poto bilong sofbol stori i kam long bikpela senta olsem Mit Hagen, Lae, Goroka, Madang, Wewak na Wes Nu Briten. Sapos yu ting olsem yu ken helpim Wantok Nius long dispela wok, plis ring na toksave long Spot Edita long dispela telepon namba 325 2500 o fex long 325 2579. Nogat yu rait long dispela adres: Spots Edita, Wantok Niuspepa, P.O Box 1983, Boroko, NCD. Email adres em: word@global.net.pg: Attention: HENRY MORABANG. Sapos yu laik salim stori o piksa, dispela i mas kamap long Spots Desk.

WANTOK SPOTS

Hella Massy bai bungim Gahuku Spiders long ragbi lig fainel

JAMES KILA i raitim

PLANTI tausen manmeri insait long Kafuku eria na ol viles insait long Goroka distrik long Isten Hailens bai pulap long Nesenel Pak long lukim gren fainel namel long Gahuku Spiders na Hella Massy.

Dispela gren fainel em bilong bikpela Gahuku Op-sisen ragbi lig kompetisen long Goroka taun. Wina bilong dispela tupela tim bai winim Soso Subi sil.

Ol lain bagaros bilong Hella Massy i gat eksperiens bikos las yia tasol ol i bin pilai egensim Nagamiufa Sharks na lus. Tasol dispela yia ol i ting olsem ol i redi gut tru long soim pawa bilong ol long Sande.

Ol lain bilong Kafuku tu i gat ol stail mangi olsem foma PNG kumul fowat Tarzan Malaguna na Lahanis senta Oliver John na Glen Mondave husat bai go pas long traim daunim strong bilong ol boi Hella Massy.

Kosa bilong Hella Massy Ellyson Ketauwo i gat moa eksperiens long stretim ol hevi long sait bilong em. Dispela bai wanpela samting em bai mekim long givim gutpela tingting long kontrolim gem long difens na atek bilong ol.

Ellyson bai yusim ol yangpela pilaia husat i gat gutpela stail long kamapim birua. Ol pilaia em Walter Hasu, Aquila Icola, Luhule Dick, Ali Jonah na Aize Sinaune.

Long fowat, Ellyson bai yusim strongpela lain olsem Michael Dick, Martin Sehae, Bryan Kakae, Derrol Kourupa na Luke Pepe. Dispela ol lain i save sanap strong long difens na bai traim stapim spit bilong ol boi Spiders.

Ol lain bagaros bilong Kafuku baret, Spiders tu i gat gutpela gem plen olsem ol i bin yusim egensim Nagamiufa Sharks na las wik tasol egensim Gapais Diggers 14-6.

Ol stail mangi bilong Kafuku Spiders husat i gat eksperiens long pilai na i ken bringim win i go long Kafuku baret sait em ol strongpela lain olsem foma Kumul fowat Tarzan Malaguna, fulbek Sil Kama, Oliver John na Glen Mondave.

Dispela yangpela man Mondave i gat strong long ran na karim ol birua na setim bal long ol fowat bilong em olsem sapos ol Hella Massy i no was gut, em i ken givim ol planti hevi stret.

Ol arapela pilaia husat bai pilai gut sapos ol i kisim sapot em Anton Lamina. Ol lain Kafuku baret i save pilai 80 minit futbol na dispela bai givim hat taim tru long tokaut husat tru bai win.

Man i sponsorim sil, Soso Subi em wanpela komuniti lida na hetman bilong Asaroiufa viles insait long Goroka taun.

Ol opisel bilong Gahuku Lig i mekim bikpela singaut long olgeta sapota bilong Hella Massy na Gahuku Spiders long sapotim gem gut na noken kamapim ol bikhet pasin.



Bai yu hangamap long huk ya! • Huk Magani A gret tim bilong Gahuku op-sisen ragbi lig resis long Goroka. Tasol Magani i aut long fainel i stap namel long Spiders na Massey. Foto: JOHN SUPA

Volibal i lakim senis

... longpela bun pilaia i mas stap long tim

PAPUA Niugini i laik mekim gut long men's na wimen's volibal long bikpela Saut Pasifik Gems long Fiji. Dispela SP Gems bai kamap long Jun 28 i pinis long Julai 12 long dispela yia.

Trening skwat bilong man na meri we ol i bin tokaut long en las yia i tren pinis. Em i namba tu mun bilong trening.

Ol man i gat ol nupela lain we ol i makim sampela longpela pilaia long namba wan taim.

PNG i save gat hevi long painim ol longpela pilaia. Nau ol selekta i makim ol dispela pilaia long traim mekim senis.

Ol pilaia husat i stap long skwat em Ula Gima, Eddie Aisi

bilong NCD na Richard Peni na Tuksy Maino bilong Vabukori. Ol i joinim ol long bun pilaia olsem Terry Kupa, Gereia Kila, Benny Ume, Titus David na Billy Koite.

Kosa bilong ol man em Tommy Lui na kosa bilong ol meri em Michael Unatah. PNG volibal tim i bin pinis namba 6 ples long las tupela gem, 1991 long Lae na 1999 long Guam.

Ol meri aninit long lukaut bilong olupela kosa Mea Johan i bin pilai long bronz medal long Guam. Ol i lus long ol meri Fiji. Tupela ailan kantri bilong Frens, Tahiti (gol) na Nu Kaledonia (silva).

Unatah i gat nupela tim. Ol

eksperiens pilaia em Constance Hicks, Brenda Sevese, Marie-Jean Kassman na Dianne John. Olgeta wimen pilaia i bin tren gut tru long Pot Mosbi na Lae. Tupela senta i bihainim wanpela kain program tasol.

Kosa Unatah i bilip olsem PNG i gat sans na i ken mekim senis. Tasol bikpela samting, ol pilaia i mas soim komitmen.

PNG i no bin kamap gut insait long rijen. Olsem na presiden Reatau Rau i traim long mekim senis long seleksen proses we i bihainim intanesenel bodi, Federesen ov Intanesenel Volibal (FIVB).

I gat 30 man na 30 meri long

trening skwat. Ol bai go stap long kainkain tes bipo ol selekta bai makim 12-pilaia long makim kantri.

Rau i tok wanpela bikpela samting tu, PNGVF bai holim wanpela Developmen Semina long dispela wiken. Insait long semina, dispela ol kain toktok long lukim senis i kamap long developim spot insait long kantri.

Moa long 35 man na meri insait long kantri bai stap long dispela miting ya.

Astingting bilong semina em long PNGFA i mas kamap long wanpela polisi i bihainim astingting bilong FIVB 2008 vision plen.

KLINA

Lavender

Niupela kala

Gutpela smel

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.